

嬌紅記 四冊一

海州吳梅

字瞿安別號霜厓  
1875—1910

藏書



蘇州吳梅

字瞿安別號霜厓

藏書

166 — 1939



張翥題詞

含氣之屬有一不知食色者虜

而人又何以自命也吁可嘆也頃

余春夏間見敗喙花林中三兩

叫呼擲躍不唯有交構之態抑





亦真有其情因而思之假有天眼  
於此下眎人世思女曠夫懷春悲  
秋婉夕佳旦芍藥之贈瓊玉之  
報有不蟲豸等觀者虜余又  
膏梵天之衆具有夫婦而特

不行其淫慾則聖賢仙佛因  
空下怨愚頑不惜帶水拖泥  
而一引手來烏喙有欲諸天因  
齋心駐塵之緣起也孟子塞方  
行手也與余同研席時



而子家弱冠可然其心則  
蒼然好讀離騷九歌諷咏若金  
石余時治韓嬰詩傳與之辯問  
往復未嘗不歎謂三益也蓋獨  
行不欺論世不誣余信之稔矣

後有花間一咲之劇鄉人頗有訾  
之者余每曰使挑人者必唐伯虎  
李挑女郎必如知唐伯虎而後可  
車來賄過之事久宜絕跡于世  
矣

強詞今春余里居子



塞

、張擲余曰子不解填

詞姑以文字觀之可也余曰唯否  
宇宙之有音律子獨以為填詞設  
序記曰張而不弛文武所不為也  
弛而不張文武所不能也此雲英

韻獲之繇顧子無以文字時之

所慮者子偏以清徵清角譜之

耳已閱之而果然春兩蕭疎書

臺迥寂瀟至私悵詰案以後未始

不

采于情者世有之矣天能



道深情委折微奧一二若身涉之  
顧安得再一子塞虛嗟虛序宋玉  
賦高唐笑登徒子有淫行請節  
陸閨情梁昭明以為國風之德余  
所心賞在二者之外矣或曰子塞

自題云節義者何余曰此乃行  
紆紆之在契亦廣大教化之知  
顧也

崇禎戊寅五月雨中友弟馬權奇  
題于讀書臺



焦鵞塚序

予少時偶讀嬌紅傳而悲之然阿  
嬌誓死不二申生以死繼之各極其  
情之至交得其心之安示現鴛央脫  
然存歿之外又不勝擊節嘆賞也夫



古來佳人才子每艱配偶造化播弄  
無可柰何藉令天公作合國秀國能  
輒雙雙兩兩而子女成行形影相守即  
味如嚼蠟何如巧阻魔分俾各盡其孤  
行之致獨擅千秋之可涕可歌乎如嬌

中相逢在未嫁未昏之時若男姪不以  
中表辭帥子不入憐語過完玉鏡臺  
故事則兩人轉眼便是綠暗紅稀春  
風桃李花開秋雨梧桐葉落情盡緣  
老淒涼隨之矣安能貫通死生游戲



奇特俾造化不得主張耶且阿嬌非  
死情也死其節也申生非死色也死  
其義也兩人爭遂其願而合於理之  
不可移是鴛鴦記而節義之也正為  
才子佳人天荒地老不朽之淨緣以視

紫玉韓重輩勝氣更凜烈彼秦樓仙  
侶跨鳳雙飛明月玉簫使千載之下寄  
想乃兩人情味位置豈有遜焉予友孟  
子塞邃於理而妙于情者也暇日弄筆  
墨有感於斯即譜為傳奇令姑申活



現而兒女子之私損成斬釘截鐵正覺  
正法為情史中第一佳案至其摘詞  
遣調雋倩入神據事而不幻沁心而不  
淫纖巧而不露酸鼻而不佻臨川讓糴  
宛陵讓才松陵讓律而吳苑玉峰輸  
其濃至淡蕩進乎技矣予深悲嬌申  
之始亟賞嬌申之終鼓掌稱絕於鴛  
鴦塚得孟先生長不壞也走筆而  
叙之

崇禎己卯仲春日友弟王業浩書



佈義鴛鴦塚嬌紅記序

今

此記于世  
敘大關係  
史序中盡  
爲指出

天子廣勵教化。誅凡衣冠而鳥獸行者。或曰。是某某者。皆道學之士。所共推爲賢者也。且其人亦旣讀書。知理義矣。何至行同于狗彘。若此。余曰。嗚呼。若人非不知理義之患也。惟知有理義而貌之以欺世。而其真情至性與人異。故自墜于非人之類而不知也。蓋性情者。理義之根柢也。苟夫性情無以相柢。則其于君臣父子兄弟朋友夫婦之間。始亦泛泛乎若萍梗之相值于江湖中。爾天下殘忍刻薄悖逆乖睽之事。

獻書人吳

良士  
諱青甫  
南青

捐贈



無不緣是而起太史公推申韓之祖本于道德其意亦猶是也往余聞此論于孟子塞每嘆爲信然今又得子塞鴛鴦塚記讀之而知古今具性情之至者嬌與申生也能言嬌與申生性情之至而使其形態活現精魂不死者子塞也子塞文儼蘓韓詩追二李詞壓秦黃然其爲人則以道氣自持鄉里小兒有目之爲迂生爲腐儒者而不知其深情一往高微窄渺之致問諸當世之男子而不得則以問之婦人女子問諸當世之婦人女子而不得則以問之天荒地老古

今上下之人而庶幾或有得焉觀此亡者其亦可以想其性情之至矣昔時子塞有古今名劇選及桃花諸曲行于世一老先生見而呵之以爲不正之書又一老先生以爲詩曲等也夫子刪詩不廢鄭衛況子塞所著所選又皆以情而出于正者乎此言是矣予猶以爲未盡也今有人焉聚徒講學莊言正論禁民爲非人無不笑且詆也伶人獻俳喜歡悲啼使人之性情頃易善者無不勸而不善者無不怒是百道學先生之訓世不若一伶人之力也且若前此講學解

推說到此  
立論始爲  
不磨



事。義。者。不。免。行。鳥。獸。之。行。而。申。嬌。兩。人。能。于。兒。女。婉。  
變。中。立。節。義。之。標。範。其。過。之。不。甚。遠。也。哉。則。子。塞。此。  
辭。所。以。言。乎。其。性。情。之。至。也。而。亦。猶。之。乎。體。

明

天子廣厲教化之意而行之者也。若其鑄辭冶句超。  
凡入聖而韻叶宮商。語含金石。較湯若士欲拘折天。  
下人喫子者。又進一格。則猶以其詞言之耳。非子塞。  
作此記之旨也。

崇禎己卯臘月諸暨陳洪綬題

題詞

全曲一配  
離騷此序  
乃漁父卜  
居也

天下義夫節婦。所爲至死而不悔者。豈以是爲理所。  
當然而爲之邪。篤于其性。發于其情。無意于世之稱。  
之。并有不知非笑之爲非笑者而然焉。自昔忠臣孝。  
子。世不恒有。而義夫節婦時有之。卽義夫猶不多見。  
而所稱節婦則十室之邑必有之。何者。性情所種。莫。  
深于男女。而女子之情則更無藉詩書理義之文以。  
諷諭之。而不自知其所至。故所至者若此也。傳中所。  
載王嬌申生事。殆有類狂童淫女所爲。而予題之節。



說得急關  
係

義以兩人皆從一而終至于沒身而不悔者也兩人  
始若不正卒歸于正亦猶孝已之孝尾生之信豫讓  
之烈揆諸理義之文不必盡合然而聖人均有取焉  
且世所難得者知我者耳語曰士爲知己死女爲悅  
已容太史公傳晏嬰則甘爲之執鞭而虞仲翔願以  
青蠅爲吊客曰後世有一人知我死不恨然則世之  
知我有如此兩人者乎嗚呼是亦我之所樂爲死者  
矣

崇禎戊寅仲夏會稽孟稱舜題

新鐫節義鴛鴦塚嬌紅記上目次

卷上

正名

辭親

會嬌

晚繡

訪麗

題花

和詩



食部  
番釁

分燼

擁爐

防番

期阻

遣召

私悵

盟別

城守

求鑿

密約

歸圖

斷袖

遣媒

婚拒

妓飲

媒覆

病襍



三謁

何處以獲

新鐫節義鴛鴦塚嬌紅記上目終

新鐫節義鴛鴦塚嬌紅記上



古越孟稱舜著

陳洪綬評點

朱會聚訂正



第一齣正名

昔人云讀  
出師表而  
不泣下者  
必非忠讀  
陳情表而  
不泣下者  
必非孝吾  
謂讀此記  
而不泣下  
者必非節  
義人也李  
卓老稱作

西江月醉看花前妙舞閒聽座上新歌繁華冷落盡  
消除片晌頓成今古一段幽冤渺渺兩行紅淚疎  
疎貞夫烈女世間無總爲情多難負滿庭芳王女嬌  
娘厚卿申子天生才貌無雙心期密訂彼此繫衷腸  
笑把梨花擲處擁爐語生成情長姻緣好分爐斷袖  
風月兩相將○爲求親間阻天愁地恨無計成雙更



西廂者必  
大有感于  
君臣父子  
兄弟朋友  
之間此記  
其亦然耶  
○此曲之  
妙微首微  
尾一縷空  
情而幽酸  
綉豔使讀  
者無不稔  
情固當比  
肩實甫弟  
視則誠

飛紅暗妬、屢致參商、帥子豪華慕色、挾家勢、強結鸞  
凰、男和女、情同鐵石、並塚配鴛鴦、

烈嬌娘、心擇多情種、俏飛紅、妬阻真歡寵、  
豪公子、強入燕鶯群、義申郎、情合鴛鴦塚、

第二齣 辭親

滿江紅、生上天賦多才、逞年少、凌雲勝氣、怎能殼九  
天奮跡、一身榮貴、腰下青萍長自吼、脚跟紅線、何年  
繫、可正是潘安宋玉、爲傷秋、情無已、鷓鴣天、十二甘  
羅已相秦、我今二十尚逡巡、龍頭未屬身、猶賤鴉髻

雖黥志早星、○真薄命、嘆飄零、于今婚宦兩無成、有  
時月內逢仙姊、纔顯成都雙鳳名、小生姓申名純、字  
厚卿、祖貫汴州人也、隨父親流寓成都、八歲通六經、  
十歲能屬文、鞍馬弓箭、亦頗縮習、兄弟兩人、俱負時  
聲、去秋與俺哥哥同赴選場、不利而歸、胸中鬱鬱、難  
以自遣、有母舅王文瑞、現爲眉州通判、今欲以探親  
爲名、到彼處散悶、遲則半載、早則月餘回來、未知爹  
娘許否、道猶未了、爹娘哥哥早上、外老旦小生上  
前腔、外老旦暫住、林園傳家法、詩書執禮、幾時得兩



兒榮貴、光生門第、小生百歲良宵、如過馬一春、好景同流水、趁雙親未老、向高堂供甘旨、外老夫申慶、老妻王氏、生有二子、長喚申綸、次喚申純、申綸年長二十二歲、早已娶有媳婦、申純生時、老妻夢吞絳雲一朵、醒時猶有異光在室、今年方弱冠、擇婚未遂、老妻兄弟王文瑞、親生一女、名喚嬌娘、聞他才貌端妍、意欲聘做媳婦、奈文瑞在眉州做官、未及遣媒說合、今欲遣申純往問安否、乘便就採取這們親事、申純生揖介、孩兒有外你舅舅在眉州、我一向要遣你去問

候、奈你進場無暇、今場事已過、你可乘暇去走一遭、但不可久滯于彼、致我家中懸念也、生孩兒曉得、外孩兒、你緊記者、

俱家常語  
都白韻

南曲宜春令、垂簷下、花正肥、待花落、須當便歸休、得要淹遲歲月、教我老爹娘倚門望、斷人歸、未老且你去、序上舅姑呵、道是他夫婿、福分無邊、我父母容顏憔悴、合須記、征鴻便羽、把尺書頻寄、生孩兒呵、

前腔、乘休暇、別錦幃、整行鞭、離東向、向西、眉州隔此雖則不遠、祇今回首、高堂咫尺、情空繫、到異邑、無意留



停望故里有寬長侍早看庭花未謝是孩兒歸時消息小生兄弟我和你居則同席出則連鑣今倏爾言別可勝分飛之嘆也

前腔花纔放艸又萋踐征途王孫馬蹄你今別去半肩行李人迢遞休道是老爹娘朝夕縈牽則我兩兄弟幾經離析須記鸛裘莫滯早歸來與你花前相對生你兄弟少不得一去便回也

前腔又不爲名與利相摘離生間阻楚天一涯自今相別伯勞東去無儔匹我只爲探舅氏暫爾分飛哥

哥你奉雙親好生看視認取庭花未謝是您兄弟歸時消息

餘文外老旦人生何事關胸臆小生黯銷魂萬里橋西生最苦的是親在高堂子遠離

外楊柳枝頭色變黃

生躬承親命去他鄉

小家人早把歸期數

合莫爲看花殢洛陽

第三齣會嬌

鳳凰閣末外旦引貼淨仝上末空庭春廣麗色垂垂

欲上畫閒無事坐黃堂看見女簾前來往外旦衷腸

傾蓋相會  
語傾囊倒  
夷不知文  
生情情生



難放門楣少幾時、得畫眉相向末、宦處眉州二載餘、  
官清民善頗安居、外旦膝前一對嬌兒女、末且與焚  
香課讀書、老夫王文瑞、奶奶趙氏、這侍女名喚飛紅、  
自家世籍成都、今官眉州通判之職、所生一子、名曰  
善父、年方六歲、女曰嬌娘、小字瑩卿、生時老妻夢天  
上仙娥、折與仙葩一朵、嬌豔異常、因此取名嬌字、今  
年已二八、才貌端妍、爲我宦居在此、尚未許聘于人、  
俺肩上止有一姊、適與同郡申慶爲妻、生下二子、俱  
有文才、俺因孩兒幼小、意欲喚二甥到任所、同理諸

事爲他方讀書進場、遷延未果、今兩次甥自來候我、  
只目下可到、院子你在外廂伺候、看申家官人到來、  
即便通報、淨諾全下生上

新水令 行行步步看花放、遍郊墟、暖風輕蕩、看對對、  
唧泥燕、傷人飛、爲春來說與多愁、况小生爲訪舅氏、  
行來到此、看眉州好風景也、摸魚兒、錦城西、一區華  
屋、天開多少佳趣、當門綠水朝千里、何況碧山無數、  
堪愛處、有瀟灑新篁、松檜森前路、深深院、見簾幕低  
垂、絲簧迭奏、鎮日價歌舞、金閨彥、聯翩占住、小生



平昔依慕今朝走馬行來近、試倚綉鞅凝觀、見處處  
繁花開遍、幽意誰爲主、詩朋酒侶、向此地嬉遊、尋花  
問柳、須自有奇遇、說話間、到了門首、有老院子在此  
候門、老院子你報老爺奶奶知道、說申官人來也、淨  
呀、申官人到了、老爺正著我等候、待我去通報咱、報  
介末外旦貼全上生入見介末久違音問、今日見了  
賢甥、使我不勝之喜、生久別尊顏、容小甥一拜、  
步步嬌千里驅馳來相訪、忙拜倒臺階上、末賢甥免  
禮、且問你爹媽俱好麼、生別來已二霜、幸我雙親一

般無恙、舅姪想俱萬福、末外旦塔僥倖也好、生恰雨下

盡安康、今日個相逢、欣喜應難量、末三哥路途勞頓、

院子將酒來洗塵、淨下持酒上生衆同坐飲介生含

弟百一姐俱好麼、末外旦

前腔我穉女癡男皆嬌養、生含弟尚小、百一姐今庚

十幾了、末外旦我女孩兒是你年居長、生聞的聰慧

異常、末知書性頗良、生可曾許聘了麼、末外旦未遇

姻緣、使人惆悵、生不知要許甚麼人家、末外旦要配

好鴛鴦、則除他人材呵、得似你才郎樣、生小甥禮合



請見外旦飛紅請小姐來見三哥小旦貼下上耳暗介小

姐未曾粧束哩外旦三哥家人也便不粧束出見何

妨貼下同旦上旦檻外新花又一年蜂鬚偏惹繡窓

前金針綉帖無心弄且後鸞簪理篆烟貼姐姐你今

日朱粉未施雙鬟綰綠愈覺可人也

懶畫眉亂雲鬟低綰出漢宮粧掩鬢介這金釵敢溜

下也鬢兒邊斜韓著一枝金鳳凰這衣服恁精楚呵

身兒上穿著套花茸茸織錦藕絲裳奶奶堂上等著

姐姐你腳步兒那了半日呵剛轉過翠生生綉軟梅

翠兒絕樣

又寫情

上寫態此

又寫情

更呀妙

羅帳這正是嬌怯怯雲雨巫山窈窕娘旦

前腔我剛在綉房中綉罷了錦鴛鴦待收拾起金鍼

看海棠則見小梅香輕輕的彈响小紗窓貼申家哥

哥在此奶奶催著哩旦道是老夫人宴客華堂上待

我且偷覷咱呀却是個玉面鵲裘楚楚郎出見介外

旦哥哥遠來孩兒可把酒勸哥哥一杯旦把酒生接

介呀這妹子長的恁般好也

玉交枝驀見天仙來降美花容雲霞滿裳天然國色

非凡相看他瘦凌波步至中堂翠臉生春玉有香則



情情贊慕

那美人圖畫出都非謊。猛教人。冤飛鬼揚。猛教人。心迷意狂。  
旦申家哥哥。好一表人材也。

前腔。神清玉朗。轉明眸。流輝滿堂。他雖是當筵醉飲。葡萄釀。全不露半米兒。疎狂淹潤。溫和性格。良盡風流。都在他身上。不爭他顯崢嶸。珠宮畫廊。也不枉巧溫存。錦幃綉床。  
生我見了那妹子。可忘了與舅姑板話。請問舅姑。平日也飲些酒麼。  
末我與你舅母居常飲酒。不過數爵。  
生賢妹也飲些麼。  
外旦他天性不飲。  
旦低頭介。  
生

都在別人  
口中寫出  
病態

前腔。可人模樣。天生就。春風豔粧。他妹妹。我哥哥。則是側身偷眼。低低望。想他是年少嬌娘。驀然間。翠靨紅生。兩頰傷。怕道不關情。怎便把春情。颺。猛教我神飛醉鄉。猛教我。冤飛翠鄉。  
末賢甥量好。可開懷飲數盃。  
外旦飛紅滿斟。三哥酒。  
生長者賜。不敢辭。但小甥失志功名。一向負病。不能多飲。  
旦低語貼介。看三哥似不任酒力了。  
貼低笑介。小姐初見。怎便恁般相知。  
哩旦我看他。

前腔。停盃相向。言笑處。風生畫堂。他那壁。我這壁。偷



深情一往  
到底不得  
不死也使  
共根

晴兩下頻來往愛他個年少才郎雖然阻隔筵前花  
數行則乍相逢早已私相傷敢一樣神飛醉鄉敢一  
樣魂飛翠鄉末外旦三哥雖則有恙一路上勞頓倒  
多飲數盃也好

江兒水玉腕斟香糯盛來琥珀光你客中暢飲精神  
壯生小甥飲不得了側觀介見他佯整搔頭我偷睛  
望翻酒介將這盃酒兒都淹在青衫上險露出輕狂  
模樣似這般醉眼荒唐將座中的人呵銘認做巫陽  
仙仗貼我觀申家哥哥和小姐呵

極力形容  
寫貌

姪處也哉  
根

妙句

玉抱肚兩下低鬟相向我心中猛然暗想多管他佳  
人才子都一般兒風流情況一個待眉傳雁字過瀟  
湘一個待眼送魚書到洛陽末外旦三哥既然推辭  
且暫歇息明日再飲罷

玉山供驀見你形勞意攘待來朝花前舉觴生小甥

委是醉也側唱我見他抵春纖推整雲翹旦側唱我

見他濕青衫暗倒霞漿外旦飛紅可送小姐先歸綉

房去貼酒闌客散各自的歸回庭帳俺小姐呵道去

也回頭望旦自情傷今後呵甚心見向窓前重綉好



鴛鴦全貼下生小甥領二親尊命候過舅姪即便告  
回末外旦三哥遠來勞苦况我家事務正欲藉你料  
理歸去之話且則休提

好姐姐那廂收拾下半間草堂安頓了琴書劍囊且  
自安心莫爲思家歸去忙在此有我舅姪呵相親傍  
也當的一家骨肉團圓相好認并州作故鄉下生小  
生不圖今日有此奇遇也恰纔蒙舅姪留俺俺便住  
在此一世也罷

川撥棹思想我可也不空來了這一場驀遇著這  
金屋嬌娘驀遇著這金屋嬌娘猛回頭何方故鄉則  
索破工夫閒打當耐心情守夜長

前腔想著他龐兒淺淡粧玳筵前情意長我被逗得  
個意亂心狂我被逗得個意亂心狂他嬌模樣還不  
離我眼眶待相忘知怎忘要相從轉渺茫

僥僥令空庭人已往鶯韻罷調簧酒醒神回益覺無  
情況這沒下梢的惡相思知怎當

尾聲三春楊柳堪人賞只怕捱不徹這相思兩字長  
今日呵怎把我歸去的心期來便講

較記不真  
嬌模樣竿  
更進



長爲看花涕淚盈

今朝忽爾遇雲英

藍田洵是神仙宅

何用崎嶇上玉京

第四齣晚綉

小意囑囑

一枝花旦上杏花春雨謝滿眼飄香雪晝閒天氣冷

之情紅

流清血寶鏡臺前懶畫芙蓉頰新愁難打疊弄艸拈

之皆于

花辜負好天良夜畫堂春弄寒弄煖雨霏霏雨餘幾

遍相催催了開時催謝時滿院花飛。獨坐空庭悄

悄無言手撚花枝枝頭杜宇送斜暉幽怨誰知奴家

每想古來才子佳人共諧姻眷人生大幸無過于斯

主意已定

若乃紅顏失配抱恨難言所以聰俊女子寧爲卓文

君之自求良偶無學李易安之終托匪材至或兩情

既愜雖若吳紫玉趙素馨身葬荒圯情種來世亦所

不恨吾今年及笄未獲良緣光陰荏苒如同過隙每

每對花浩嘆不能自己昨于堂上瞥遇申生相其才

貌良可托以終身爲此日來心上眷眷若有所係今

春寒晝冷獨倚繡床情懷寂寞暢好可憐人也悶坐

介貼上紅杏枝頭春意鬧動人情思知多少姐姐你

小廊獨坐撫針凝睇非關病酒敢爲傷春也旦晝長



無事對花鋪綉不知春色何在說甚傷春也

香羅帶綠窻人語絕閒鋪綉帖貼姐姐你停針不語

却是爲何旦我停針不語身倦怯覷著那畫眉簾外

日兒斜也剛纔的來一對錦蝴蝶貼姐姐既然身子

困倦向花園里散散心兒罷只管綉些甚麼旦聽聽

聲聲巧鳥雙弄舌道則麼有甚關情也走向空庭把

花自折貼不是飛紅多日姐姐我覷你近新來可

羅江怨裙寬了三四褶腰肢瘦怯知您意兒因甚些

你生小的在香閨中受用十分別也二有甚閒情得向

真情源態  
活活寫出

眉梢惹我猜姐姐呵敢則惜春光去漸賒聽春規啼

不歇一般般害的個傷情切旦嘆介

五更轉你道我在香閨恁愁怯我生小兒情性別沒

甚關情也害得傷情切夜夜看花淚痕流血衷腸事

待說來如何說怕的是悽悽杜鵑杜鵑枝上咽楊柳

樓西曉風殘月貼是哩姐姐身畔則少個姐夫待老

爺回家定有人來說親只不知姐姐心上要甚樣姐

夫纔好旦我是女孩家呵前腔這事兒却教怎生說貼這裡無人便說也不妨



像那李衙內、張舍人、潑天價富貴的子弟、可好麼、且你道他金珠堆滿、穴豪家富室、好枝葉、怕則氣勢村沙、性情惡劣、便做是紙鸞鳳、艸麒麟、恁差迭、好花輪與輪、與村郎折、這一段姻緣、怎教寧貼、貼這等只揀個讀書的才子、好麼、且便說那才子、也有不同、貼怎麼不同、且

前腔臨邛客、輕把文君捨、白頭吟、長嘆嗟、聰明人自古多情劣、貼這等怎樣好、且薄命紅顏、好花易折、但得個同心子、成共穴、生同舍、便做連枝共塚、共塚我

也心懽悅、打迸香魂、向誰飛越、貼姻緣分定、也揀不

得許多眼、前到有个人兒、在此似那申家哥哥、

五更轉犯他俊樣兒、天生絕、和你一般情意、慙、且羞

怒介、你小妮子家說來的話兒、十分劣、我和他兄妹

排連、怎把姻親相結、貼這也常事、便說說何妨、且怕

不道、隔牆邊有耳、有耳暗中聽也、你没遮欄、浪輕說

貼背云、小姐被我說著心事、轉倒惱我、回云、飛紅在

此、久可看奶奶去、你五分心事、我已三分曉、何須抵

口、遮藏了、我且閉門、不管月黃昏、一任梅花落盡多



想像生描  
光景宛然

多少下旦不如意事常八九可與人言無二三我心  
中之事怎對飛紅說的呵且收拾綉帖歸綉房去罷  
二犯五更轉昏黃時節收拾了綉花針線帖倦倚介  
倚牙床坐對餘香謝猛擡身欲起欲起身又怯牙月  
兒早上也則見一鈎鈎楊柳枝頭月傍晚粧臺照人  
明滅凝望眼難打捱這春長夜嘆介月色天邊人同  
此夕嘆花陰人遠音塵絕生潛上旦驚顧介翠竹輕  
搖綉簾低揭兀的有誰來也生見低問介姐姐你倚  
床長嘆將有思乎將有約乎旦作正視介兄何自來

此日晚矣春寒逼人兄覺之乎生春寒固也旦  
尾聲春寒悄悄空庭榭怕對無情良夜月一任他簾  
外花開我自歸去也下生呀姐姐徑去了怎生發付  
我也我到此承舅姑相留出入堂廡之間與姐姐時  
或相遇見其凝粧正色不敢輕語相挑今此倚床長  
嘆似有動情之意却纔以一言試之又把他辭拒我  
正視逡巡而去嘆介知他意見兒可是怎生這相思兀  
的不乾害殺也呵

枝頭好鳥亂啼春

獨坐花前自慘神



我亦有愁無處訴、

祇應回首淚沾巾、

第五齣訪麗

二淨上四座諸賓請弗喧、聽我兩人念腳色、我祖號  
爲戈十貝、我父號是馬戶冊、農工商賈都不做、呵卯  
捧脬爲第一、慣依豪門使聲勢、常走富家騙衣食、賭  
博場中盡經過、吹彈隊裡長相歷、嫖經酒經顛倒熟、  
勝似詩書并周易、正人相視等冤讎、蕩子見我如親  
戚、踏著門庭家便破、猶如請位喪門客、東家賣盡千  
頭田、擺尾搖頭過西宅、只我名爲馬小三、只我喚做

戈小十、脅肩諂笑不須羞、世上而今都一律、小十哥  
我和你昨日在張二爺家、懂得爛醉、今帥大爺著人  
來喚、索去走一遭、兄弟我和你脫空活計般般有、任  
富貴子弟脫不的我手、則恐妻子餓死在家中、單單  
博得自家這張口、  
下丑扮帥公子上

一江風小兒郎、富貴天生相、出殼從嬌養、仗爺娘、心  
頭愛惜、掌上奇擎、當做珍珠樣、不須紙半張、不須字  
半行、生小兒腳踏在人頭上、自少無分菽與麥、富貴  
全憑父祖力、貪賭貪酒又貪花、花花太歲稱第一、自



家師公子便是、父親現爲西川節鎮、勢焰薰天、生來所欲、無不如意、但只一件、俺自少性格風騷、最愛的標致女子、此間有角妓丁憐憐、名爲殊色、日日接來陪酒伴宿、終是烟頭粉面、未稱吾願、今要于成都十郡內、不論遠近、尋個絕色女子、聘做渾家、昨已喚馬小三、戈小十兩個商議、怎生還未到、二淨上見介入門、未問榮枯事、觀著容顏便得知、大爺你喚我兩個來、面上却像有些唧噥、怎麼說、丑你兩個真是鑽心的蟲兒、你道我心中爲著那件、可猜一猜、二淨我猜來、敢有人欺負大爺哩、

前腔論伊行、富貴王侯樣、到處人欽讓、真個誰敢欺負你呵、再參詳、敢思量飯喫、你喫的是美酒羊羔、敢思量衣穿、你穿的是綉錦衣裳、但要的都停當、敢用度上有些不足、你金銀堆滿箱、綾羅積滿床、甚憂愁、得到你心上、丑都不是、都不是、

前腔想吾行、生小風流相、二淨是了、想着那話了、丑些個事、關情況、二淨去接了丁憐憐來便是、丑這也罷了、任飄颺、翠館紅樓、柳陌花街、到處會游蕩、只少



個人兒娶他到我房、樓他上我床、做一個戲水的鴛鴦樣。  
**二淨**這不難、娶一位大娘便了。  
**丑**我正想娶大娘、那得有絕樣標致的。  
**二淨**趙員外錢都督家、俱有年長的女兒、隨著娶一位何如。  
**丑**你且說容貌如何。

**二淨**

前腔那婆娘、生的羅剎樣、是件兒不停當、細端詳、髮似蓬松、體似蝦蟆、一見人逃往、身兒丈二長、腳兒尺二長、這正是破糞箕、生苕帚、娶將來和你一對兒相厮像。  
**丑**狗才胡說、你聞有標致的女子快講來。  
**二淨**

想世間佳人都要配才子、大爺你娶來到老不和睦、不如只揀富貴家女兒娶一個罷。  
**丑**胡說、如今世上是公子便要充才子了。  
**做意介**難道我這樣一位俊俏公子、倒弱似那吃黃菜的酸丁、你只揀絕樣標致的說來我聽、我娶他、不怕他不肯。  
**二淨**大爺真要標致的麼、有有、有一個西施、一個文君、一個楊貴妃、一個崔鶯鶯。  
**丑**這都是死的。  
**二淨**如今世上那有活的人、孟夫子、孔夫子、只好把幾個死的說說罷了。  
**丑**休胡說、快講來。  
**二淨**我講來、大爺不要火動、孫家有個



賽玉李家有個碧仙、周家有個湘芷、伍家有個如蓮、  
這還不打緊、一個姓王名嬌娘、真有沉魚落雁之姿、  
閉月羞花之貌、仙姬隊裡無雙、神女群中第一、  
前腔那嬌娘生的菩薩樣、是件兒都停當、再端詳、體  
似凝酥、臉似芙蓉、一見神寬蕩、頭兒梳的光、衣兒薰  
的香、大爺你若見了呵、不繇你不攤倒在銷金帳。  
丑倒介、噢、我死哩、

前腔說嬌娘、真是天僊樣、一聽寬靈喪、我如今怎便  
得到手呵、自商量、若還娶得他、拜罷高堂、同入流蘊

帳、那時節宰了一隻羊、排了幾隻觴、把我那懽娛慢  
慢的和你媒人講、如今急切不能一見、你可引了畫  
工、把那些女子的真容、乘間偷畫來我看、還再打聽  
有好的也畫將來、待我查了的當、央人去求婚便了、  
二淨領大爺台命、

丑聞說名姝色嫣然、  
他時果得成佳配、

二淨神如秋水臉如蓮、  
打辦真誠荅謝天、

### 第六齣題花

鳳凰閣生上、無情無緒、幾個流鶯聲度、起來閑步小



庭除怕有玉人來去。玉人何處。剛剩得形單影孤。一  
番笑語未分明。道是無情。又有情。我幾次低頭自惆  
悵。**〔嘆介〕**小姐呵。你做了熟梅天氣。半陰晴。小生爲嬌  
娘。留此月餘。時與相會。中庭之上。看他似真似假。如  
迎如拒。去之則邇。卽之復遠。敢道是俺姐姐呵。  
**金梧桐**。青春兒。剛二八。不解傷情緒。則那傷晚粧臺。  
獨倚看花處。紅愁綠慘。深都向眉峯聚。說不傷情。直  
恁傷情。苦這芳心一點。應難數。想他倚床夜綉。顰眉  
凝睇。悄然長嘆。是何衷情也。

前腔。他停針欲起遲。淚看花無語。所事惺惺。繫却人  
腸肚。我思量欲待休。怎得思量住。昨宵夢中見他。好  
不情長也。春夢無端。常向香閨去。則醒來呵。依舊半  
竿的紅日。紗窓暮。**〔望介〕**從花園左側進去。與綉房相  
通。我揀的撞將去。樓住他。怕怎麼。**〔行介〕**

前腔。碧桃花徑幽。青鳥音塵阻。若個仙姬。冷落朝朝  
暮。我待做漁郎去。問津硬撞入桃源路。**〔止介〕**不中。倘  
他失撒起來。可不悞了好事也。又則怕漲滿春溪。不  
許漁郎渡。向武陵溪畔。空延佇。細思小姐。不異聽琴



卓女我亦何愧當鑪司馬。但未知兩下緣分如何也。  
梧桐樹犯空成烟月招錯配姻緣簿。月老天公自古  
多差誤。他做了痴心卓女情難訴。我做了薄福相如  
命合孤。如今怎得與小姐相見。把這衷腸訴他。他或  
也動念。嘆陽臺望斷人何處。怎得似前宵花間相遇。  
下月上細雨絲絲潤綠苔。春風催却牡丹開。爲憐花  
信匆匆去。斜倚欄杆淚滿腮。嘆介。覷惜花軒外牡丹  
人早開也。春色三分能幾時乎。我想花容易老人同  
老。露使我對之可勝惆悵。生上。

不是路驀見嬌姝。小立在欄邊瘦影孤。偷相覷。雲鬟  
低歛似當初。倩人扶。看花脈脈嬌無語。旦低嘆介。生  
對景悠悠暗自吁。旦見生驚介。生揖介。重相遇。似裴  
航夢入遊仙路。不須驚遽。不須驚遽。請問姐姐在此  
看甚麼。旦不答低頭介。生。

前腔春小梅株。問花信枝頭還在無。無言覷。千愁萬  
恨在眉顰。旦轉看花介。生。姐姐你看檻中牡丹數本。  
欲開未開。似有惆悵之意。小生不揣題詩二首在此。  
送旦。旦看低嘆不語介。生。他看了這詩呵。暗嗟吁。數。



行清淚花如訴。滿紙春心血自枯。內叫小姐介旦袖  
詩欲行介生則見他忙收取。聽何人隔院嬌聲度。待  
轉身歸去。轉身歸去。旦徐步下生呀姐姐將我詩展  
視傾鬟低面。欲言不言。徐步而去。小生今日這相會。  
又則枉然也。

浣紗溪將今日思前度。直恁般倏倏煞吾。你當日呵  
一分春色三分語。今日呵萬種春情一句無。心自數。  
想你的意思兒不真實。乾薄倖。悞殺相如。

前腔惡相思。無憑據。到今日轉展成虛。你熱處呵似

花香春樹峰聲聚。你冷處呵似雲暝秋江雁影孤。情  
怎訴。空則是將人兒來撇下。我想來倒不如早辦取。  
歸去何如。我今衷腸無可告訴。則索題詩綠窓之上。

題介

尾聲謾題詩。添悽楚。愁腸千曲語難模。世間誰似我  
這一種淒涼也。想那潘令河陽可也。定不如。

惜春長爲愛花愁

花自開時涕自流

爭奈春花不相顧

花飛春去兩悠悠

第七齣和詩



貼上二八花容侍女身、隨他無事度芳春、也知一種  
傷情思、秋波暗裏去撩人、俺飛紅頗饒姿色、兼通文  
翰、不幸落身侍女隊中、出入老爺房闥之內、奶奶素  
性嚴妬、俺與老爺名雖親近、實未沾身、今年二八與  
小姐同庚同月而生、伏侍老爺奶奶、畧有餘閒、便走  
向綉房、陪伴小姐、觀其刺綉、染翰、俺小姐才色兩全、  
兼以情致幽婉、矜怯自持、一語一笑、亦不妄發、古來  
名姝淑媛、真乃少有其儷、但我暗地窺他、他自一見  
申家哥哥之後、于心忽忽、若有所繫、我每微言問之、

小姐只是不答、嘆介小姐小姐、你雖獨鍾深情、我亦  
頗知佳趣、果然你要做崔鶯、難道我做不得紅娘呵、  
不成、這也休題、俺看申家哥哥、果然性格聰明、儀容  
俊雅、休道小姐愛他、便我見了、也自留情、今日老爺  
不在家、奶奶又睡著、且到中堂、瞧他去、行嘆介看此  
春色如許、便鐵石人、怎不情動也、

率地錦襠雙雙、蛺蝶舞晴莎、春日春風、豔綺羅、怪他  
蟲鳥害情多、爭奈人生空老何、呀、那小慧這丫頭也  
來了、老旦扮小慧上、俺小慧專跟在小姐身畔、今小



姐去看奶奶、老爺又不在家、且向堂上要子去、

前腔長陪綉閣、剪春羅、無慮無憂、快活多春來、莫放

好時過、瞞却夫人閒踏歌、見貼介飛紅姐我們趁老

爺不在、堂上要子去、那壁廂湘娥姐也來了、丑扮湘

娥上我看見飛紅姐、和小慧都走向堂上去了、我也

同他們去耍子兒、

前腔三春好景、最無過、花面丫鬟十八多、常來花下

覓情哥、不見情哥、奈若何、貼好哩你要覓情哥覓那

個、丑那得情哥來、只是望梅止渴、老那申家哥哥倒

好、只怕不要你這癩蝦蟆哩、丑休亂話、我們瞧他在

也不在、不在時、去園內或闌艸、或打鞦韆、或尋個乖

小使、大家耍子去、貼背介與他們纏住耍子、有甚好

處、不如哄他去罷、回云呀奶奶叫哩丑老奶奶幾會

叫、貼你們不聽得自在、此我去罷、丑呀飛紅姐去

了、我們在此也沒興頭、唱個曲兒去罷、

掛枝兒小梅香、離綉房、走到花園兒裡、撞著一個

愛風流、識趣人兒、那人兒將衫兒袖兒扯住了、相

調戲、驀地間、則見老夫人走將來、至罵一聲小賤



人你在此做甚的。哎哎兀的不蕩了人魂靈也。  
乾乾兒嚇個死。前腔。老小梅香告夫人休的要開。  
淘虛氣小賤人。今日並不會落了便宜。我在花園。  
兒裡被那小奴才硬梆梆扯住在花陰底。若是湯。  
著了身兒打呵打也。該得的。若是合著了口兒罵。  
呵罵也應得的。哎天呵。只可惜白白的擔這虛名。  
也乾乾的害個死。同笑下旦上。

風馬兒獨對紗牕人寂寞。打疊起翠鈿窩。向中庭閑。  
夢看花朵。東風悄悄無語。怨情多。訴衷情。迷人春色。

透簾櫳。長日雨絲中。又是一年花信。點點落殘紅。  
雲淡淡。水溶溶。去匆匆。昨宵今夜。萬愁千愁。都付東。  
風。我昨遇申生翠欄之側。題詩相贈。意欲答他幾句。  
聽得丫鬟聲喚。驀然驚散。思之一夜難眠。今早起來。  
對此傷心天氣。可怎生消遣也。

集賢賓。香銷翠鼎。閒綉閣。問春事如何。杏雨拋殘花。  
數朶。悵匆匆。好景無多。流光漸過。恁情緒。靚粧濃抹。  
眉暗鎖。這腌臢病。甚時輕。可我看丫鬟們。只有飛紅。  
頗知我意。奈他口兒欠穩。有甚心情。難與輕言。小慧。



這妮子年紀幼小、不諳世事、他却朝夕在我身畔呵、  
前腔影兒般不離了人、兩個問道俺姐姐您俏樣子、  
這憔悴因何、俺則是欲語無言、心暗度近新來病染、  
沉痾知緣甚麼、羞答答怕人叅破情、怎奈長則是倚、  
欄空坐、想申生昨日呵、

前腔一幅新詩索俺人唱和、一星星話向情多、俺這、  
兩眼相看、心自可幾番兒佯整衣羅、羞生翠朶、還則、  
怕俏相如、未必果心兒如我待、酹諾教我怎生的、酹、  
諾貼上可憐春色三分去、且自偷閒學少年、姐姐你、

悶坐在此怎麼、今日老爺出去了、奶奶又睡著、我和、  
你中庭閒步消遣些兒、旦中庭外申家哥哥在麼、貼、  
申家哥哥也出去了、旦這等俺和你閒步來、行介、  
轉林鶯潛身轉入花臺左、呀、甚聲兒响、敢有人來也、  
貼不是人、是那鳥呵、弄風箏、啄响庭柯、旦行過雕欄、  
也綠苔寂寂、苔痕鏤飛紅、你覷著、敢那生已來了、隔、  
紗牕、怕有個人呵、貼瞧介、他還未回哩、姐姐你覷他、  
書舍中、好清幽瀟灑也、似這等錦衾繡窩、更殘紅數、  
點、落在案上呵、花零落、香鈿翠朶、旦四壁上題咏恁、



多也細吟哦四壁上新詩洩漏情多貼窓上有詩一

絕在此旦讀介日影縈堦睡正醒篆烟如縷午風平

玉簫吹徹霓裳調誰識鶯聲與鳳聲好詩也

簇袍鶯胸如錦情似魔剪春光綉綺羅才華高占風

流座敢賽得相如過雲亭水榭傷心事多花辰月夕

傷情意多筆尖寫出愁千个合傻哥哥沈容潘鬢取

次暗消磨貼這生賣弄才學姐姐也和他一首兒

攤破簇御林酬詩句兩意和也當做好處相逢語話

多旦想他對鎖牕顧影伶仃花月下淚漬層羅背介

相思病染都因我我被他害得愁天大兩如何春衫

濕盡一樣淚痕多和詩介春愁壓夢苦難醒日迴風

高漏正平竟斷不堪初起處落花枝上曉鶯聲貼和

得好詩姐姐你和申家哥哥正是一對兒

簇御林題紅怨血淚多把衷腸訴與他新詩字字同

聲和恰一樣愁無那兩情合那生歸來見了呵也則

道今宵織女空自渡銀河旦飛紅你說甚話

琥珀猫兒墜聽伊言語直恁謊儂儂俺則是篆冷烟

銷日影殢貪看詩句謾斟合休波說甚麼織女銀河



兩下情多、鳥啼介、貼、日色、晌午、奶奶、晝睡、可醒哩、我  
們回去罷。

尾聲、聽枝頭、花弄鶯聲過、敢則怕堂上夫人睡醒麼。  
合、我、和、你、且、歸、去、深、閨、將、他、詩、細、哦。

貼 風簾搖竹動春陰

日 閒向書牕和短吟

莫道香閨絕流賞

幽蘭原自有知音

### 第八齣 番釁

淨扮番王上、黥皮毡眼、赤支沙威鎮、邏娑黑水涯、一  
夜鳴笳、沒城角、撐梨西畔、屬番家、咱家西番國主是

也、咱國崑崙嶺下、與宋朝隴蜀地界相連、討耐宋朝、  
北臣契丹、西和西夏、蔑視咱國、不來進奉、咱今黥起  
大小部落、搶入川蜀、占住成都、不怕他不來講和、干  
咱大小部落、就此起程、咱看咱國兵馬、可也不弱也

呵

北端正好、小番兒、騎著這馬兒、生大番們、騎著這馬  
兒、長天生來、一個個、好勝爭強、似這等、拳毛凸鼻身、  
軀壯、却便是、鐵打天蓬樣、

滾毬球、風刮的、旗影紅、塵迷的、日色黃、赤刺刺、遍長



空平沙一望。咱這裡密匝匝擁弓刀萬騎成行。則待要踢翻了唐社稷。踏碎了宋邊疆。那時節敲金鐙。將凱歌齊唱。猛可的赫刺刺威鎮番邦。葡萄酒醉騰脂血。貂帽花添錦繡粧。這氣槩非常。土魯們這是甚麼地方了。衆川西地方了。淨快搶掠一番。

倘秀才這馬呵不弱似騰天的熱鱗。咱這人呵好強似藏山的毒狼。不爭咱一拳兒骨都都打得崑崙蹋。敢一氣兒呵呵得千層黑海揚。說甚麼天心幫孽子。旺氣屬番邦。都則是馬壯人強。你看宋國人馬望風

逃竄的好疾也。

叨叨令大土魯小土魯哈哈鬧鬧鬧哈哈猛可也撼得天關壯烏花馬白花馬潑潑鄧鄧鄧潑潑猛可也踰得昏塵盪牛皮鼓鼉皮鼓撲撲通通撲撲猛可也播得轟雷放蓮葉箭菰葉箭擠擠擦擦擦擦擠擠猛可也射得飄風颺兀的不是說殺人也麼哥兀的不是說殺人也麼哥把那些鐵甲軍赤甲軍亂亂紛紛紛紛亂亂猛可也走得冤靈喪

尾聲咱這小西番莽軍聲敢出在大西番上覷著那



漢軍兵。一个个戰篤速手脚慌張。咱休道搶了成都。呵便白占了小小的中原。可也易如掌。

樹國崑崙下

休言兵騎寡

漢室無良將

公然去牧馬

第九齣分燼

掛真兒。旦上。曉起香閨靜悄悄。紗窗畔。花色誰嬌慵。理新粧。腰肢瘦減。寬掩湘裙多少。浣紗溪。夢上秦樓。烟樹迷。醒來感損遠山眉。一腔幽怨訴誰知。夜遇。春寒愁欲起。曉窗。暝色映花枝。羅衾滴盡淚。胭脂。今

春寒恁陡。風物蕭條。早起對鏡。好無聊人也。

香遍滿。殘檠空照斗帳寒。生眠不牢。聽好鳥呼春枝頭。叫惜花。忙起早。可憐珠淚拋。都將玉粉消。這怨恨

何時了。我把燈燼描著眉兒。描介

懶針線。眼前人比楚天遙。愁入雙眉。懶自描。可憐枉

度可憐宵。透珠簾。綉戶輕寒悄。獨自把粧臺斜靠。我

想起他詩。暗裡好傷情也。他長箋破盡。吟芳艸。我甚

情兒。賦粉輕勻。點翠桃愁多少。朝來朝去。刻不去。暗

種情苗。生上。昨日小生偶出。姐姐到我房內。依韻和



詩一首、休道字字幽香、言言清韻、直在蘓蕙花、蕊夫  
人之上、則他萬種芳情、已見于此、申生、申生、你相思  
可盼得著也、今以謝詩爲名、直到他綉房去、看他怎  
麼、姐姐呵、

懶畫眉你一首新詩、將淚雨飄、可敢也漏洩春光在  
柳條、俺將一分情、當九分、照知他年小傷情、早見旦  
介、姐姐恰起理粧哩、早則是鸞鏡蛾眉對寂寥、

劉潑帽你無言、獨傍粧臺曉、學春山、淡寫眉梢、揖介  
謝姐姐新辭和出風流調、旦羞答拜介、生看他絕樣

嬌嬌、這花容更比前宵好、

浣沙溪旦哥哥你運彩毫、多才調、一字字見出風標、

妹子呵、則是枝頭小語啼春鳥、幼女花前學弄簫、生

姐姐好詩、諒小生怎到得、休道別的呵、則你那一萬

種芳情、盡在此中了、旦羞介莫相嘲、說甚的女孩家

和新詩、把春情洩漏柔條、生見燈燼介敢問這是燈

煤耶、燭花也、旦燈花耳、妾用意積之、近方得之、生好

燈花也、小生到不如他呵、

紅納襖、他會傍粧臺、畫出螺黛巧、他會入鴛幃、照見



無聊之語  
句句打動

雙鳳小。他也曾陪笑。靨特地。把繁花爆。他也曾照朱  
顏。閒將繡枕。描你親手兒。常自調用意見。收的好是  
佳人。積久方成也。可不道。燼炬成灰。淚未消。小生敢  
丐一半去書家信。不知許否。且首肯介。這燈花呵。  
前腔。正宜伴。端溪燕。將玉兔毫。正宜傳。鸞箋寫出。丹  
鳳藁。正宜賦。求凰。配上那瑤琴操。正宜譜新詞。吹入  
在碧玉簫。生既蒙見許。乞分以遺我。且既許君矣。寧  
惜此。分介。我素手兒。親自剖。休教油煤兒。汗綉襖。牽  
生衣拭介。緣兒得此。可作無事人耶。將郎衣拭處。輕

輕也。可正是。翠袖分燈點。綠綃。生笑介。敢不留以爲  
贊。且怒介。

以元劇  
梅香諸

秋夜月。我與你兄妹交。有甚喬做作。你出的話兒。直  
恁將人相候。落看人。一似閒花艸。走介。我向爹娘行  
去訴告。休教你没人處。恁般來戲謔。生牽衣介。

東甌令。望妹妹。休焦躁。且耽饒。將不犯觸。龐兒早變  
了。跪介。我則向階前跪。倒跪。倒恁陪笑。是不合胡言  
道做的。個文王下馬拜荆條。好姐姐。姐姐饒我罷。且不呵。  
怎麼。生我則直跪到明朝。且扶生生樓。且退立介。



前腔哥哥伊請起。謾粧么。今後休將人覷的喬。生起  
唱看他玉容半頰芙蓉貌。越恁多波俏。謝伊家擔饒  
了這一遭。我可感刺在心苗。背介今日小姐有幾分  
惱著了。便有心情也難對他說。在此許久。怕人瞧見。  
不如且出去罷。回云小生唐突姐姐。多有得罪。則索  
告退。正是欲向花前數離恨。轉添春恨苦難醒。下  
申生申生。你的衷腸我已盡知。我的衷腸你可果知  
道麼。

尾聲郎意堅。奴心曉。巫山相隔路非遙。他被我捨白

了幾句。則愁你今夜裡。敢則把枕上相思珠淚拋。

幾許蘭燼積久成。慙慙一半付多情。

花前不敢分明道。恐漏春光出繡楹。

### 第十齣擁爐

遶地遊生上。桃花落後是我歸時候。到今朝爲誰拖。

逗舊愁。正陡新愁還又甚。時節博得個佳人意。投誤

却春光底事。怵相思一夜九迴腸。沉吟認取佳人意。

爲雨爲雲未可量。小生辭家月餘。爲慕小姐。致妨歸

約。昨蒙他分燼相與。似有顧盼之情。及至話到中間。

本是幽情  
曲致却說  
得沉鬱穠  
至如許如  
聞弦索聲  
不知悲喜  
何來



又復變色拒我。似此半吞半吐。甚時得了。今後遇他。定須與他討一決絕。正是欲識琴中意。全憑指上彈。

下旦同老旦小慧上

前腔。晚春時候。繡閣輕寒透。瘦花枝。伴人清晝。傷春病。陡人更比花枝消瘦。冷眉峯。分不出。今春去。秋苦。薩蠻。小庭花落無人掃。疎香滿地。東風老。老燕語。自雙雙。錦屏春晝長。○旦愁勾紅粉淚。眉染春山翠。獨坐對花枝。憶郎郎不知。小慧。今日春寒。比昨宵更甚。深閨獨坐。好難消遣人也。老姐姐。春風寒峭。不如到

煖閣中。擁火去。全行介。旦坐。嘆介。老姐姐。你日常寢食悠悠。有嘖無笑。不知爲著何事。旦小慧。你知道麼。

金絡索。深閨不解愁。因甚愁偏陡。不爲傷春。却似傷春。瘦朝朝夜夜期。思悠悠。化做春波不斷流。便做道春波有斷情難斷。一刻還添萬斛愁。嘆介。相逢處。欲將訴與。又夷猶。硬心情。打疊憂愁。愁未去。來還又。老小慧。伏侍小姐。一日三餐。不知愁是怎的。如何小姐。整日說個愁字。旦小丫頭。你曉甚麼。你且去瞧瞧奶奶。若尋我來說。我知道。老小慧。曉得。自來不識愁。何



物。開向街頭看賣花。**下旦**像小慧這等年小妮子。無慮無憂。到也快活。我怎學得他。我想世間女子。似我這樣愁的呵。可也儘多。

前腔。婚姻兒怎自由。好事常差謬。多少佳人。錯配了鴛鴦偶。夫妻命裡排。強難求。有幾個美滿恩情。永到頭。有幾個鸞鳳。搭上鸞鳳配。有幾個紫燕黃鸝。誤喚儔。相邂逅。人生福慧。總雙脩。問天公。一霎風流。怕無分也。難消受。婚姻事本由天。女子一身。豈容自失。我當初聽人說起姻親。全然不放在懷。自從瞥見申生。

之後。不知何故。心上要丟。再也丟他不下。

前腔。往常時見人。兀自羞。見了他。呵。驀地心。拖逗白。日黃昏。夢。覓兒不離了。人前後。知他意。怎生兩情投。想則是老天公。註定了。今生鸞鳳儔。還則怕春風未。

在自家  
弟不出割  
不斷正是  
斷種

老桃花面。等不的雙鏡臺前人。白頭傷情處。擁鑪無語。自悠悠。嘆介。我看申生。料不是寡情薄倖的人。果得和他半晌。綢繆。我也揀著三生守。生手執花枝上。美人獨坐。顰蛾眉。未識心中。却爲誰。小生折得梨花一枝。欲將到膽瓶去。那壁擁爐而坐的。正是小姐。待。



我撞將過去。看他怎麼。  
見旦旦坐不起。  
生擲花旦驚  
視徐起拾花介云。兄爲甚棄擲此花。  
生花淚盈暈。知其意何在。故棄之。

喜梧桐將好花。折在手。未識花心可也。得似人心否。  
撒下花枝。和你兩休休。你果若無情呵。免爲你添傷。  
懋從今後。再不再。不向花間走。  
旦東皇故自有主。夜屏一枝。以供玩好足矣。兄何索之深也。

前腔花淚盈。花枝瘦。知他也爲關情。害得這伶仃瘦。  
人面花容。一樣兩悠悠。還怕道人心不似花容。久風

吹的零落零落在黃昏後。  
生幸蒙見諾。無得翻悔。  
旦笑云。諾甚麼。  
生姐姐自想。旦春風甚勁。兄可坐此共  
火。生坐介。旦兄衣厚否。恐寒威相逆呵。

金梧桐春寒翡翠衣。獨坐銷清晝。怕你客中人容易。  
傷春瘦。  
生我客衣常苦單。您相念情何厚。則我這寸

斷柔腸。你可還也相憐否。  
旦笑介。何事斷腸。妾當爲  
兄謀之。你斷腸爲甚。索與從頭剖。  
生姐姐無戲言。我

自遇姐姐後。魂飛鬼揚。不能著體。夜更苦長。終夕不  
寐。求一訴衷情而不可得。我每細察姐姐。言語態度。



既取伶又  
要之妙

亦似非無情者。及言深情味。則變色以拒我。豈真不  
諳世事而故爲此諒辱謬之質。不足當雅意。深藏自  
秘。將有售也。今日一言之後。小生只索西騎了。淚介  
簇袍鶯。我錄我爲你擔愁病。寬翠裘。盼佳期。掩淚眸。水弦  
賦盡求凰奏。你狠文君。還知否。皂冠粧臺千里。琴心怎投。  
玉容咫尺。詩謎怎酬。料凡夫做不得那神仙。偶訴情  
由。今生薄福。早自辦歸舟。旦長嘆介。君固疑妾。妾敢  
無言。妾知兄心已久。但恐不能終始。其如後患何。妾  
亦比月來。諸事不復措意。寢夢不安。飲食俱廢。君那

決不食言

知道呵。生姐姐既有此情。何復固爾拒我。旦豈不知  
男女婚姻。當圖久長。兄既有情。當歸告尊親。遣媒說  
合。安得聊爲目前苟且之計。生相思病染。朝不謀夕。  
往返求婚。動須累月。此時當索我枯魚之肆了。况或  
議親不允。則當赧然遠遁。後更何以爲計。旦只要兩  
下心堅。事終有濟。若事不濟。妾當以死相謝。生小姐  
此言。小生當謹銘之肺腑。旦妾心所慮。還則有一件。生  
姐姐所慮何事。旦

前腔。我和你兩意投。欲言時還自羞。痴心女子從來



也自要之

有您俏相如敢知否。怕則怕茂陵秋艸。拋人白頭漢。  
宮紅葉飄殘。御溝等閑容易將人逗。甚情由。落花飛  
絮。乾自問東流。生起。搢天介。姐姐不必過慮。小生若  
有負心。皇天共鑒。生日。合唱。

楊兒

猶兒墜桐花。擁鑪相對。訴盡兩心愁。一個懶整新粧。

金梅

上翠樓。一個青衫濕盡。楚江頭。一個門掩梨花倦對  
酒。一個寒添錦袖。慵挑綉。

前腔。兩人心事一樣。害春愁。夜夜朝朝無盡頭。生生  
死死幾時休。今日呵。妾意郎心。兩洩漏。願天公有意。

有意把姻緣就。老上奶奶尋小姐哩。旦。奶奶尋我。我  
見奶奶去。全下。生。今日與小姐細訴衷腸。蒙小姐許  
我婚姻之約。這段相思。可不枉然了。我還待全小姐  
密訂佳期。被小慧驀地來喚去。正是世間萬事。怎便  
得如意也。

尾聲。一天好事。準擬今宵就。又則被不做美東君斷  
送愁。今夜呵。空教我。覓斷西風燕子樓。

爐頭細語訂心期。

勝似雲英一喚時。

此後相思應有準。

定知足底繫紅絲。



第十一齣防番

番卜算外引衆上旗隼駐專城萬里聲威盛成都大將有花卿、木知、名姓、差義、蜀關、倚雲霄、世掌、貔貅、志氣、豪、仗劍、殺人、如刈、艸兒、童、望影、亦、覓、銷、自家、帥、節鎮、世鎮、成都、劍川、四路、悉歸、統轄、真所謂、花根、木、豔公、卿子、虎體、駕班、將相、孫是、也、近聞、西番、國酋、將、欲竊、伺邊、疆、已遣、哨子、探聽、去了、這早、晚還、未見、回

扮哨子上

不是路萬騎番兵疾捲江濤勢似傾外他要搶犯何

處貼邊笳兢他待要長軀直擣錦江城外邊上將士作何堵截貼望前旌紛紛士女爭逃命崔唳風聲盡可驚外如今約到那裡了貼烽烟近此時已入川西境老爺呵須疾忙策應疾忙策應

前腔外突入番兵四壁邊牆半已傾邊城上無一人抵敵朝廷養兵何用那羶風盛文官武將盡逃生衆老爺須作速救應外可令成都遠近一應官民人等三丁抽一上城守禦現在營兵悉起從征便了起軍丁巖城處處須防訊鐵騎星飛去遠征衆老爺兵到



何方接應外須前進休教躡入成都境忙傳軍令忙傳軍令衆傳令介老爺將令目下番兵犯界一應官民人等三丁抽一上城防守有抗違不從令者斬首號令施行內應介外大小三軍卽今日拔營前去急板令响堂堂金鼓亂鳴閃搖搖旌旗蔽明早提戈禦虜早提戈禦虜自古道水來土掩賊至兵迎萬里長驅淨掃羶腥合方顯得大將軍八面威靈麟閣上早標名

前腔敲金鼓聲如震霆列刀槍光同耀星快催兵向

西快催兵向西真个是人隨令轉馬聽鑼聲直指前驅勢不留行合方顯得大將軍八面威靈麟閣上早標名

外整點生兵不可當邊疆截斷分中外

衆金戈鐵騎儼成行莫把成都作戰場

第十二齣期阻

生上門掩春風粉畫垣佳人似住五雲端昔年劉阮天台路面阻重山翠隱巒小生與小姐自那日擁爐細語之後至今無緣再得相會這相思又索害也我

翠寫秋薄  
千巖萬壑  
盡入其筆  
端



想當日呵、

步步嬌悄悄梨花空庭院。遇多嬌面。則見他幽香減。翠鈿瘦。歛愁眉。秋波暗轉。同倚碧欄邊。和我雙雙訴出心頭怨。

忒忒令。受不盡千愁萬怨。剛博得意回心轉。幽期密訂。見他欲語情還覘。又誰知驚拆散。兩無言。驀地間。雕欄畔。那玉人兒不見。

嘉慶子想。玉人兒不見。天樣遠。更斗帳涼生。夜怎眠。一寸柔腸。萬轉空目斷。武陵源。覓音信。蚤茫然。我今

且到那廂候著、

尹令待重來尋方覓便。又早到夜香深院。隔紗窓怕

人瞧見。潛踪躡跡。潜行介待叩花房。未敢前。旦上憶

昔相逢。畫欄處。驀然驚散。情難訴。一夜老烏啼到明。

獨宿空房。淚如雨。我自與申生擁爐細語。回來展轉

自想。整夜無眠。今天色又早明也。且起向窓前對鏡

理著粧兒。呀。窓外影兒搖動。是花是人。覘介生窓內

响動。未知是誰待我吟詩試他。吟介爲報隣雞莫驚

覺。好畱殘夢到江南。旦此乃東坡思歸之句。隔窓問



介兄有歸家之思乎。生窺窓介。姐姐起的恁早。

品令。冷清清、綠牕春曉鏡臺前。惜花人起、斜倚鬢雲。

偏。旦兄爲甚思歸之切。生中腸斷盡。在此無益。只得

歸去。呵。聽聲聲杜宇。特地把歸人勸。佳期未偶。枉自

空留戀。道的個不如歸去。空結來生未了緣。旦兄果

無意于妾。前日之言。却是爲何。生笑介。我豈無意。但

姐姐空言見調。在此也。則枉然。所以欲圖歸計。若姐

姐果有真情。小生便住此一百年。也使得。旦今日間

人衆。無可容計。兄室外有小窓。可抵妾室。到晚兄踰

窓度茶蘼架。至熙春堂下。此地人稀。花密。當與兄相

會。正是身無彩鳳雙飛翼。心有靈犀一點通。下生喜

介。小生早則喜也。且回書房中等去。

豆葉黃。喜佳人親許。共結良緣。拜介。謝天公著意周

全。謝天公著意周全。春風嬌面。香溫玉軟。月下花前。

償盡了。卽世裡相思情債。償盡了。卽世裡相思情債。

這敢是夢哩。怕還道白日相逢。天台夢邊。我受了無

限相思。纔得小姐見憐。今日這天。怎生如此難得晚

哩。

喜出望外



園林好呀。恁迢迢長日。似年。眊不落紅輪。半天在。自  
把閒庭踏遍。兀的不焦殺也。病文園。焦殺也。病文園。  
我再看天呵。還未晚哩。天我。央及你。我與你唱喏。怎  
生不動。我與你下跪。又不動。我與你下拜。也不動。吓。  
潑毛團。鰓膠粘住你哩。紅紅潑潑。更腫。腫。夕向西沉。  
早在東。爲甚今朝。偏戀著生根。結蒂在當中。說甚麼  
人有善願。天必從之。我如今唱喏。你也不動。跪你。你  
也不動。拜你。你也不動。敢待罵哩。

江兒水罵你個姝色毛團。面鰓膠兒粘在天。要你下

奇句形容

去呵。可便似顛風倒走。黃河。岬瘦馬。逆行連雲。棧。灰  
囚押赴森羅殿。你直恁般兒畱戀。懊恨蒼天。怎不肯  
與人行些方便。呀。便道人怕硬的。天也怕硬的。方纔  
未開他。天還是未時。如今開了呵。日頭兒早落也。  
三月海棠。我這裡凝望。眼將東欄西角。都凭遍。甫能  
得紅輪。斂彩呀。兀的不是雲上也。又早見潑墨生烟。  
堪怨雨。脚雲頭。驀地轉。把重幃障住。嫦娥面。兀的不  
是雨來哩。痛煞風波。倏起平川。將漁郎阻隔。桃花岬。  
看這雨呵。珠連玉散。飄千夥。灩灩。番盆下一宵。急的



是翠巖前一派寒泉噴。猛獸是綉旗下數面征鼙操。  
一陣陣打梨花葉落。一聲聲滴愁人心碎。偏生昨日  
不雨。明日不雨。恰好今宵下的。恁疾也。正是時來風  
送滕王閣。運去雷轟薦福碑。申純你命兒直恁蹇哩。  
江兒水。可便似銀河水。翻來下九天。中庭漂麥春潮。  
灤古廟轟碑。蒼龍戰北溟。奮翮鯨魚變。忽地風濤大  
顯。咫尺嬋娟似。阻隔春鴻秋燕。今夜要睡呵。甚睡兒  
得到我眼里也。

玉牀交昏昏。庭院灑花枝。聲聲慘然。冷冷清清。獨對殘  
檠。悶騰騰展轉無眠。潺潺小牕。滴滴漏穿。瀟瀟變做心  
窩。怨恨悠悠。燈前影前。淚班班。腮邊枕邊。嘆介。老天  
這等不做美。休道是小生。便俺那姐姐呵。

此轉妙善  
體貼

川撥棹。殘粧面淚班班。凝望眼也。知他怨著蒼天也。  
知他怨著蒼天。洞房虛香銷錦鈿。一般般情悵。然一  
般般愁怎言。

前腔。撥盡殘燈。午夜天控。雙鈎繡帳。懸要做一好夢。  
無緣要做一好夢。無緣到不如從前自眠。一般般情  
悵。然一般般愁怎言。



尾聲從來好事多磨。也再不似我今番悲怨。便做似鐵石人呵。怎捱的這夜雨更長不曙天。

自來好事定多磨。

爭似今宵磨更多。

可恨無情通夜雨。

花陰漲滿作銀河。

第十三齣遣召

海棠春外老旦上外他鄉遊子離昏旦。空著我倚門

長盼。老旦花落已多時。人去歸何晚。外孩兒到舅家

已經兩月。未見歸來。使我好生懸望。老員外可寄書

去叫他回來。外待大孩兒來商議寄書去。小生忙上

天有不測風雲。人有無常禍福。今日報馬連到五次。

說番兵犯境。已入川西地面。將次到成都來了。帥府

傳下號令。點兵抵敵。一面催取遠近官民人等。俱要

上城防守。如何是好。

鑲南枝兵戈起。頃刻間。羌笛數聲吹滿山。烽火接郊

原。四下人星散。點民丁相守捍。要正身怎迭辦。外如

此怎好。你兄弟還熟諳弓馬。得他上城防守爲便。如

今可急寄書去叫他。

前腔他弓馬曾習慣。經今去未還。急急把音書寄教



他疾早歸來、莫待更遲晏、合還只怕干戈阻、進退難、他要歸來呵、途路間急難趨、

外羽檄征書晝夜催、

老兵戈忽地起西陲、

生小還愁道路多難阻、

合未必歸時得蚤歸、

第十四齣私悵

生醉上醉中謾自語惺惺、一夜相思白髮生、斫取秋光書不盡、且從花下學劉伶、昨夜一天好事、忽地爲暴雨所阻、小生晨起、遇小姐于中堂之上、許以乘間當別圖之、咳、未知別圖在幾時也、我心上好生懷悶、

今日陪舅氏到隣家飲酒、吃個爛醉、且往書房中睡去、

下旦上

七娘子殘英落盡胭脂冷、阻幽閨長門晝扁、前約無憑、後期難訂、嘆紅顏何事多薄命、無情滴滴通宵雨、隔人遠在花深處、斜倚薰籠坐、到明腸迴、千摺和誰訴、我前夕約申生、相會熙春堂畔、不料暴雨頓作、嘆介思量、老天好不做美也、

刷子帶芙蓉雲雨隔雙星、都來世間、好事難成、眼底姻緣似銀箏線、斷無憑、淒清黃昏後、數枝花影人憔悴、



悴一般孤另。重幃寂靜。對銀燈低回。無語淚縱橫。老  
上忙向幽閨添綉線。閑來花下看鞦韆。小姐老爺醉  
酒回來。奶奶分付家中人等。俱要早早收拾哩。且曉  
得了。你瞧奶奶收拾去。老諾下。且家中人已收拾了。  
我且潛出綉房看申生去。行介

普天帶芙蓉我趁著這碧桃花將身映早轉過了芳

紅徑呀他門兒掩著呵則見他靜磣磣門掩梨花彈

憲介我可輕輕的彈响窓櫺他敢也低低應爲甚人

兒不見些兒影知他害相思一枕春醒待想像高唐

夢成他直恁睡著了自徘徊向窓前低喚了兩三聲

申生申生

朱奴揷芙蓉我這裡低喚了數聲他那裡全然不應

空教我印透蒼苔羅襪冷他恁恁般好睡也看將來

多于是書生薄倖思還省無言悶增這姻緣敢則似

落花流水兩無情內風响且聽介

玉芙蓉猛聽的風敲翠竹聲我則道夢裡人初醒在

徘徊悵望欲去還停只這一層紙隔紅牕靜似阻斷

巫山十二屏他敢無情對我故此推託睡著了自恨



咱痴迷性。錯看了那生。把從前一分情。認做九分情。申生你直恁情薄呵。

山桃犯他夢。遠巫山頂。我枉向花前等。書生自古多薄行。三分說話。全無準。把人兒忒煞相候。倖更說甚。慘磕磕花下深盟。

推拍他。做不的會。藍橋水淹的尾生。我做了赴元宵。留鞋的月英。想痴心女兒。想痴心女兒。錯認文君。許奔長卿。薄倖無端辜。只初盟。掙脫了錦屏前程。我當初怎便把真情訴他。猛提起自心疼。在此怎的。且回。

去罷行介

一撮掉行花徑。不由人不。不的自心驚。回去好無。也紗牕畔。獨立影伶仃。想當日。空與語。惺惺他情薄。何處問真誠。今後這裏腸。則索丟開了。恩相撇心中。又難定。今夜裡。夢兒呵。空則飛向楚瑤亭。

尾聲。瑤亭人杳。東風靜。枉教我幾度無言。空涕零。待回去呵。回望介。還是目斷斜陽花下影。

風搖竹影掃青苔。

獨自低迷步幾回。

惆悵楚王情已杳。

空勞神女下陽臺。



第十五齣 盟別

寫得稠疊  
妙在兩下  
關情又不  
著跡句句  
是初次離

生上楊花落盡子規啼、遊子他鄉淚滿衣、相思處處  
牽人臆、幾度思歸未可歸、我爲小姐淹留在、此前目  
小姐悄出相會、自恨醉酒沉臥、致乖良晤、小姐疑我  
有意欺他、數次要以誓約、至于剪髮書盟、纔得小姐  
意轉、今日忽接家書、爲番兵入犯、催迸回去、只得告  
辭舅姪、星夜起程、但我心上、怎放得小姐去也、末外  
旦上聞說干戈起隴頭、急催人去意難留、匆匆唱罷  
思歸引、他鄉回首是并州、賢甥聞的番兵信、急、家中  
催你回去、那聲息可是如何、生番兵將逼成都、家下  
甚是驚惶、

黃鶯兒烽火接天紅、遍郊原、掃地空、千山艸木都驚、  
動家山、幾重家書、數封子規喚起離鄉夢、思忪忪、神  
魂萬里、飛向錦城東、末賢甥在此、諸事多藉料理、今  
家書催逼、只得暫放你回去、一路上切須保重、

前腔胡馬勢縱橫、阻兵戈、道路窮、歸途千里多驚恐、  
行人偶逢、把音書早通、莫教人望斷風波重、外旦三  
哥是必再來、合去匆匆、烽烟息後、重到這錦堂中、生



小甥自當便來。末外旦。如此可且暫別。一川水、釀離人淚。九曲腸、迴游子情。下旦。上見介。今日忽聞東歸之信、使妾心惘然、何以爲情。

山坡裏羊。聽簷外鵲聲飛送、驚起綉幃幽夢。憶當日錦堂前、共奏求凰咏。兩意中、靈犀一點通。又誰知、今宵影裡、掩淚介。影裡成歡、寵枉教、我淚滴寒塘萬點。紅朦朧、昨相逢、也是空。匆匆、恁思量、也是空。生。小生。自那日初到、便蒙小姐見愛呵。

前腔。感謝佳人情重、一見把春山雙縱。和我綉窓私

語盟香永。恨轉蓬花飛、水自東風流、回首驚殘夢。隔斷深閨路、幾重匆匆。別離頃刻中、朦朧。今宵那處逢。且擁爐之約、彼此銘之肺腑。今雖未獲同歡、豈得不與同怨也。

皂羅袍。說起離愁千種。恨天公阻隔、萬里巫峯。聽枝頭杜宇、夜啼紅。倩不得蜀山鸚鵡、飛傳夢惜花軒外。凭欄意、慵綉花窻下。相思淚濃、離情此際、應相共。生。兩月以來、雖未獲身侍粧臺、然夢魂耿耿、無刻離于左右。今匆匆別去、未知相見何夕、好是傷情也。



前腔。驀地角聲吹弄。把離情喚起。魚水難同。想當日  
呵。慇懃剪髮表深衷。生生的願得。諧鸞鳳。桃源香徑。  
何時再通。瑤臺月下。何年再逢。淚痕濕透青衫重。  
別後離情。妾亦全之。妾有詩一首。贈兄爲別。綠葉陰  
濃。花正稀。聲聲杜宇。勸春歸。相如千里悠悠去。不道  
文君淚濕衣。  
生。感謝厚意。小生謹和詩一首。密葉重  
幃。舞蝶稀。相如只恐燕先歸。文君爲我堅心守。且莫  
輕拋金縷衣。小生還有一言。敢道麼。  
旦。有話何妨。  
生。小生與姐姐。正及婚時。喜的兩下未曾聘定。切謂老

兩情未交  
王須步步  
實方妙

天不爲無意。適聞綠葉陰濃之句。使人未免疑也。

解三醒。我和伊。雖然是妹兄情。永却更比大妻般恩。

重爲干戈打散。鴛鴦夢。怕重來時節。呵。花飄謝。葉陰

濃。我做了庾蘭成。愁來空賦香奩咏。你做了楚巫娥。

夢。赴高唐。若個峯心堪痛。可一似青青楊柳。別嫁東

風。  
旦。嘆介。妾此心。君還未知道。呵。

前腔。休道是折柔條。春光飄送。我甘守着翠屏雙鳳。

想着擁爐對語。私相共。也當做了。片刻裡。並乘龍。待

來時。呵。還你個依舊春風花笑。擁則願你長向高唐。



來夢中思還痛。休教人倚樓望斷。萬里歸鴻。生深謝  
姐姐憐念。但小生此去。來期尚未可準。兩地相思。若  
不病死。定應害死了。旦古云。有情那怕隔年期。只要  
辦取堅心。好事豈在匆忙。

掉角望鄉說歸期。心勞意忡。訂來期。恩濃情重。願兩  
下相全始終。休認做蜂狂蝶閨。合夢相從。情相共。兩  
和同。今生卽世。諸歡寵。鴛幃裡。繡帳中。願心兒早把  
連枝。生小生頃已辭過舅姑。卽此相別了。

尾聲別意懶歸愁重。何時花下更相逢。今夜呵。則是

夢斷蕭蕭古驛中。下旦申生去了。我和他兩情空切。  
後會難期。人前啼笑俱有。不敢暗地思量。益增惋歎。  
今日乃稔知這相思別離滋味也。

匆匆南浦別離時。雨過櫻桃血滿枝。

淚眼逢人頻自掩。幾番偷寫斷腸詩。

### 第十六齣城守

六么令。襍扮守城軍上。禁城圍繞密密扎扎排列槍  
刀。女牆邊幾點陣旗飄輪班去走。週遭遍城頭巡視。  
無昏曉。遍城頭巡視。無昏曉。俺們是把守成都的軍



丁因爲番兵入犯奉帥府軍令着掩等排家編戶上城把守只得晝夜在此巡警着生衆扮隊長上

前腔機槍星掃潑潑騰騰殺氣兵妖怯書生權著短征袍軍和士要和調把城頭休折倒中軍號把城頭休折倒中軍號俺們是成都府生員監生人等爲因番兵入犯百姓丁男排家編戶上城防守俺們派爲什隊長晝夜在城上提帥丁壯人等各位諸兄俱要小心著意生小生自眉州新到守城事宜未曾諳習全望諸兄提帶衆我們做秀才的只好著寬衣扯大

袖講些太平話兒怎教我們在此守城生如今各邊上監軍置使等官都要秀才做哩衆做是做了只把些地方兵馬不着生你道秀才不慣那些拿長槍舞大劍的又誰慣哩衆說的有理今日旣派定在此只得大家勉強支持下淨番衆上

前腔順風揚譟遍搶郊墟萬姓奔號咱這裡篩鑼擂鼓戰聲驕馬到處影蕭條覷華人哭倒咱胡人笑覷華人哭倒咱胡人笑咱兵一路搶殺直到成都界上了中國軍將無人敢當咱們搶得婦女金銀滿載且



搬回本國去罷

下外衆上

前腔胡雛長嘯撲刺刺勢似風濤漫山漫野喊聲高  
沙場上兩兵交戰生勝敗應難保  
塵頭起處有番兵來了我們無可躲避只得拚死一  
戰番兵上戰外衆敗下番唱前介下外衆上走也走  
也回望介呀前面番兵吹大擂去了俺們不免趕  
送一程打得勝鼓回去罷

前腔塵迷日小遙望番軍唱凱聲驕咱這裡潛兵相  
送過河橋等他去盡歸巢响鏐鏐大鼓勝鼓軍前報

獻書人吳

良士

捐贈



狀書人吳  
捐贈



嬌紅記

蘇州吳梅

一五〇

字龍安別號

藏書



蘇州吳

字世公別號雪崖

藏書

响、蓼、蓼、大、敲、勝、鼓、軍、前、報、



虜騎縱橫勢甚凶、

邊城似箨捲秋風、

果然送却番人去、

也算將軍第一功、

第十七齣求鑒

金蕉葉

生病上千思萬思。鎖昏朝。因他淚滋。伶仃瘦、

腰肢。柳肢。衡一般兒愁人樣子。

踏沙行。密約沉沉。離

情杳杳。屏山半掩。餘香裊。倚樓無語。欲覓銷天涯。黯

淡連芳艸。小生歸來兩月。喜番兵已去。地方安妥。欲

往見小姐。未得爹娘之命。不敢遽行。爲此鬱鬱成病。



甚時得痊可也阿

征胡兵向花箋倒寫鴛鴦字。常則是無言痛咨新來。悴損些些春風玉一圍。羞掩羅衫袵。都則爲那人兒。隔在楚天涯。天涯怎至。

前腔想當日花亭月館談情事。佳期在茲恨匆匆。隔斷他方相離爾。許時好信無由寄。夢魂裡遙憶著那人兒。人兒不至。我的姐姐。我今念你。你知道麼。查遍滿几案。上千來張紙。一張張都寫遍了他名姓。元魁魁地心期長如醉。揀安排惟悴。人前強語支。

著迷只自知。誰訴與我心頭事。小姐小姐。我叫你不應。我睡了夢你罷。睡驚醒介。

前腔夢中魔魅恰便是憑欄對花私語時。泪眼滴滴啼紅漬。我和你兩下裡翠衾人獨自我添的潘郎鬢。內絲您減却蕭娘鏡裡姿。敢一樣情無二。外老旦小生上。床頭弱子病沉沉。鑿藥無功愁轉深。一刺腸迴三四摺。須知十指痛連心。孩兒。你病體如何了。生孩兒病體日加沉滯。外老旦見你病爲何而起。想來必是往來塗路。饑飽勞役所致。



羅帳裡坐你饑寒路途驅馳乍歸從軍旦夕憂勞迭  
繼小生兄弟你敢還則爲功名失志和著那兩般兒  
湊著呵七情傷損妙藥難醫要這病兒痊可算除非  
遣悶與停思這病兒方纔可已生這病連我自家也  
不知從何而起可恨成都偌大地方沒個醫人曉得  
的倒不如眉州那邊有幾個良醫慣治無名之症請  
來診視纔好小生眉州偕遠醫人怎肯到來除非就  
醫方可老旦這些醫人醫死的人多醫活的人少依  
我見不消去就醫只請個師婆賽一賽愿就好了外

古云信巫不信醫一不治也還是就醫的好但病體  
如此路上怎生去得生孩兒因病求醫須勉強而行  
但爹娘在此孩兒怎忍相離小生爹娘吾自奉養但  
願你前途保重

前腔你經山履危切須護持老爹娘在堂吾當看待  
外願你此去呵安然病已免的我日夕縈思老旦畧  
好便寄個信來休教我倚門望斷信音稀合這話兒  
須在你胸頭緊記生孩兒謹記得

外少年何事病多般

老剝得秋風瘦骨寒



生但願此行勿藥喜

合急須傳語報平安

第十八齣密約

金灘粉  
之文

鵲橋仙。旦上。香肌玉體。慊慊愁損。怕見紅飄成陣。縷金衣上。漬啼痕。盼不得天涯人近。臨別慇懃詩語長。云云。去後早回鄉。小樓記取梅花約。目斷江山幾夕陽。自那日申生匆匆別去。經今月餘。杳無音耗。好牽係人也。

桂枝香。多愁多悶。翠裙寬褪。碧桃邊。未遂良緣。海棠下。重添新恨。枉勞人意兒。枉勞人意兒。暗中思付。誰

飲誰問。可憐春三分好景。飄零盡。數朶飛花。斷送人。我想申生呵。

前腔。千般丰韻。百般情分。今做了流水飛花。誰肯向天涯傳訊。枉相思幾時。枉相思幾時。剛捱春盡。又嗟秋近。暗傷神。可憐眼底。天台路。化做巫山。萬里雲。貼上聞命來香閣。傳言向瑣窓。申家哥哥到了。奶奶請姐姐。見哩。旦果然來了。你休說謊。貼不謊。姐姐去

見就是。背介。小姐聽說一聲申家哥哥到了。喜逐顏開。正是欲識心中意。全看臉上容。全下生上。



女冠子。白雲溪口重相問。向水上覓紅塵。病殘人更  
值淒涼運。怎消的春前恨。一春愁病苦難禁。祇爲愁  
多病。心深。夙約空餘今日恨。新懽不遂去時心。小生  
託言求鑒到此。雖蒙舅姑十分憐念。奈與小姐自到  
時一見之後。無緣更得相會。孤眠斗帳。好可憐人也。  
大聖樂。看一床弦索。生塵。翠衾寒。壓綉裯。六朝金粉  
銷磨盡。誰與我共溫存。劉郎重到。花前訊。斷當年  
花下人。嘆天涯眼底。枉將人悴損。眠睡不穩。  
前腔。冷清清。四壁苔痕。靜慘慘。鎖掩門庭。花落盡。愁

無盡空目。斷楚天雲。想隔牆人遠。天涯近。斗帳香銷。  
杜宇。冤枉奔馳。病損更行眠立。耽受盡了五行愁運。  
房中寂寂。愈覺無聊。且捱向外廡。跂望一回。或小姐  
出來也未可知。旦上。聽的申生病體未痊。連日無便。  
不得往看他。如今瞞過了鬢們。悄地瞧他去。生見驚  
介。我到此幾日。姐姐不一來看我。敢你心上也不記  
的我。旦連日無便。不及來看你。你道我忘了呵。則  
頭上的可知道哩。

駐馬聽。薄倖劉晨。間別天台隔世塵。我爲你慵臨寶



鏡。羞整花鈿。倦理香雲。小窓人靜。幾黃昏。挑燼坐看。  
殘燈。暈憔悴。因君。玉容減却。梨花粉。生我自那日去  
後呵。

前腔。感夢勞冤。一日相思十二辰。似黃姑織女。兩地  
分開。阻隔音塵。啼痕點處。翠綃新。不疼不痛。多愁悶。  
爲爾傷辛。銀河路杳。無繇問。旦你龐兒果自恁般消  
減了。須解開愁懷。方好。

前腔。休爲傷春。瘦樣伶仃憔悴人。生我愁懷怎生解  
得。嘆陽臺路阻。舊恨新愁。欲去無門。旦兄何不覓一

太監珍視。生太監怎生治得。只除姐姐可以救我。旦

我不會下藥。何以救你。生姐姐豈忘臨別之言乎。當

初許我結婚親。曾將剪髮表真情。今日等閑便忘却。

花稀葉綠。改深盟。旦泣介臨別之言。妾何忍忘。千縷

青絲。一縷心。與君啼別淚。沾襟暮暮朝朝思未了。海

棠花發到如生。生既如此。何坐視我死而不救乎。旦

日間。衆無可爲計。今夜兄可踰窰到妾寢室。妾與

君謀之。等的那晚粧樓外。月兒昏。和你雙雙細數春。

前恨。生前蒙見約。忽爲暴雨所阻。今日待到更闌。又



恐他變呵、牽旦衣介、不如趁此良辰、且向小廳探取。  
梅花信、旦推介此廣庭也、寸目所視、休得如此。貼丑  
冲上、旦驚下。貼湘娥姐姐、你見麼、俺姐姐和申生在  
此私語、見我們來時、驀地驚散了。丑正是小姐一向  
害的是木邊之目、心上之田、如今做的提燈就火了、  
貼怎麼說、丑笑介、着手了、

剔銀燈、一個是風魔俊儒、一個是懷春倩女、驀見他  
香鬟並偎在花前、語出落得雙眉偷聚、他兩個做夫  
妻、倒好是一對兒、躊躇看青鸞、並舞暢好是春風畫

圖。貼俺姐姐常時、則是日硬、

前腔、他向人前、剛則有三分冷語、無人處、早露出十  
分情緒、分明是迎風待月、蒲東戶、兩下間、偷吟詩句、  
支吾、藏根露蕊、做不的個好人家女模。丑我和你悄  
悄打聽、看後來怎麼、促他个鴉兒、

貼密語向欄杆、

貼似知花下信、

丑包藏九里山、

丑好向冷中看、

第十九齣歸圖

掛真兒。丑風世常拖花酒債、天生就風流、滿懷錦帳、牙



床黃昏曉旦、少個人兒陪待。小子生年二十，素性只貪酒色，不羨富貴豪奢，得個美人願畢。小子要娶一個絕色的女子做渾家，前已着馬小三、戈小十兩個遍去尋訪。圖畫真容來看，這幾時怎生還未見回話。急的我似熱地上蜒蚰，好耐煩不得哩。二淨持畫上光光乍生小學成，爭說騙作生涯，鑽嬾幫閒人無賽。高占鶯花風月寨，俺兩個奉着大爺的命，尋訪美人圖畫真容。如今共得九人，疾忙回大爺話去。見介丑你兩個去了許久，方纔回來，急得我夜〇字夜夜心頭火出。

如今共訪得幾個美人。快字頂後心頭火出快將圖來我看。二淨我兩個費了萬般心力，共覓得九個。大爺瞧着，一個個教你麻剝哩。

駐馬飛承命宣差，遍訪多嬌女俊才。大爺你觀他傾國傾城態，絕世應無賽。紫菩薩坐蓮臺，掛在書齋日夕燒香頂禮千千拜。拜得多嬌活現來。丑看畫麻介嘆真標致哩。

前腔一見疑猜，恰似神女紛紛下楚臺。春月生光彩，春柳凝嬌態。紫杏臉與桃腮，笑影哈哈似語如生。斜



豈但彼  
麻使讀  
者亦勇  
麻哩

倚欄杆側、照着教人麻上來、二淨大爺燈將起來、你  
看、掛介

前腔、壁安排、彷彿筵前列錦釵、大爺觀波、則見他  
一個個、妙色堪人愛、俊眼將人睬、三雲雨若和諧、同  
赴陽臺、携手扶肩、完却相思債、做一個、蛺蝶紛紛恣  
往來、丑看介、嘆我的美人、我的心肝、怎生得到手、和  
你囉、哩、噠、噠、哩、囉、哩、

前腔、甚日和諧、繡枕橫、欹錦帳、開扯破湘裙、袂解散  
香羅帶、四兩手貼弓鞋、抱在胸懷、做一個、粉蝶穿花、

搯得花心敗、一段風流天降來、二淨大爺不須急性  
世上嫁女的、只要有財有勢、憑着你這般財勢、求他  
那一個不肯、多用些金帛、娶他到家、隨你受用哩、那  
時只不要忘了咱兩個、

三學士、你是個翠帶輕裘、年少才占春光、舞榭歌臺  
少不得門迎綉履、三千客戶、列朱顏、十二釵、五酒簪  
花多、色管取你光光帽、好事諧、丑如此、小子當築  
壇拜將、

前腔、酒泛金盃、浮琥珀、早些兒拜將登臺、佳人宛轉、



敲金拍醉客、佯狂飲綉鞋、謝你冰人成眷愛、光光帽喜滿腮、

〔二〕淨

裏容顏絕代無、

若教對面更何如、

〔丑〕擬將頂禮焚香拜、

夢裡須教一會吾、

第二十齣 斷袖

貼上 日上小姐和申生在庭前密語、今晚間把房裡陪伴的都打發到奶奶房內去了、意是怎麼、待湘娥姐來商議了、照破他、〔丑〕笑上 飛紅姐、你道世間罕罕罕、一樁怪事幾曾見、小小姐兒慣成精、今夜房中學

偷漢、貼笑介 你道這奇了、這還不希罕、你道那個釣

魚不用鈎、那個引針不用線、只有我家小姐奇又奇、

偏背了我們自偷漢、今日老爺不在家、奶奶身子不

快、小姐叫房內人都來相伴奶奶、這分明日裡兩個

約下了、我們且不要說破他、夜間看他怎麼、正是綉

窓嬌女學風流、〔丑〕漏洩春情雙鳳頭、貼 隔牆有眼偷

瞧見、羞麼羞也羞麼羞、〔全〕下 生上 欄杆倚遍盼斜

陽、玉露沉沉漏更長、爲赴海棠花下約、趁他明月照

東牆、早間蒙小姐約在綉房相會、盼不的天兒早黑



也。今更闌夜靜，踰窓到此，只索悄悄的，楚過茶蘼架去。

寫憶寫景

水紅兒聽枝頭啼煞後，栖鴉省喧譁晚粧樓下。澄澄玉宇淨無瑕，腳兒踏露濃苔滑，轉過了低矮茶蘼架。側是甚的抓住我也，則被棘針兒抓住了咱衣袂。索忙閃過那海棠花也，羅下旦上粧閣深深燈影迷。倚窓聽罷老烏啼，何事期郎郎未到，則怕是郎處樓高月上遲。日間約申生晚夕相會，今更漏已沉，怎生還未到也。

神景盡出

前腔。顰眉無語對燈花，是誰家鳳簫吹罷，銀河耿耿。月生華影，交加花枝低亞。忽聽驚飛何處，撲刺刺樹頭鴉。聽介。敢是那兒叩响小窓紗也。囉。生上。來此是熙春堂下，庭廣無人，四圍寂靜，好怕入也。

梧桐花漏沉沉，更殘罷身立在淹淹冷露下。心頭不驚還怕呀，小姐窓兒開著哩。覷介。看他紅綃半髻，蟬鬢羅眉橫秀色，似雲影春山，臉映蟾光如玉沉秋水。舉首對天一若重有憂者，玉人兒隱欽着雙鬟向牕紗盈盈的眼尾，侵波盼望殺他。可對嫦娥訴不。

畫出嬌態



盡衷腸話。挾窓介旦驚喜介呀。申生你來了。

綉帶兒。柳梢頭。垂垂月下。漸時轉過隣家。我這裡剪秋波。斷花陰。你墓地。偷展窓紗。喧嘩。您個俊相。如色膽天樣大。餐把小膽的文君。驚殺。聽簌簌長更未煞。且和你並坐窓前。消停閒話。生

前腔。無瑕嬌臉兒。教人愛煞。可便是月殿裏嫦娥。向人間。並倚菱花。念小生濁世凡胎。怎配的上閨苑仙葩。星查似莽張騫。夜犯銀漢。下待和你鵲橋偷駕。覩今夜清輝。可佳兀的。是一刻良宵。千金高價。二

轉轉曲曲  
處俱爲半  
推半就又  
驚又愛入  
字傳神

前腔。嗟呀。小兒女婚姻事。大可怎生輕輕的。窺宋隣家。都只爲貪戀多才。全不顧禮法相差。生夜漏過半。幸會難逢。可就枕也。旦年華奴。今弱小。剛二八。曉甚麼風流調法。消停坐同看月華。喜的是桂影嫦娥伴。人幽暇。生牽旦旦推介生

前腔。堪誇燈兒下。嬌嬌恰恰。似相逢。夢裡巫峽。粧點煞錦鴛。鴛幃鎮風流。花月牕紗。嬌娃夜深更。永花睡罷。且和你做綢繆。鳳鸞同跨。定婚店紅絲暗加。早則是。璫玉留香。恣情懽洽。牽旦衣行介旦



隔尾小文君初把香車駕。低介奴年幼不諳世事。您

俏相如呵。休將人認。做了夜奔臨邛。素有瑕。生不待

多言。則與你細探著這一。朶葉底風藏藕子花。下

貼丑上事要不知。除非莫爲。你聽小姐房內。唧唧噥

噥半夜了。小姐你做的。好事。尚兀口強哩。

醉羅歌躡足躡足將紗窓亞。聽他聽他兩情誼。那申

生呵。夤夜踰牆入人家。似待月西廂下。梅香告道。把

偷花漢拿。夫人知覺。把偷香賊拿。隔窓有耳。全不怕。

這也怪不得申生。世間只有女人偷的男子。漢那有

男子漢偷的女子。此歌細詳察都是他。庭前細語那根

貼我們聲張起來。一來小姐見怪。二來壞了申生行

止。且躲着待申生出房來。捉住他。看怎麼說。丑是同

下生旦。携手上生。

太師引錦繡榻。春無價。看袖介軟香羅。紅生翠加。目

羞荅荅看怎的。生想今宵被窩裡。情愛可一似兩鵲

鵲共。晴沙嬌羞弱。體驚扎撒香汗惹。細雨濛花嬌

聲。顫鶯啼暮衙。當不的這嫩腔腔。就雲殢雨。鳴喾。目

更漏將盡。怕人知覺。你且去罷。生怎忍去也。

才子佳人  
風流如見

西廂寫情  
此則取態



前腔燈影下多嬌姹。樓介痛相憐情傾意洽。旦指袖  
介認取這點胭脂。春生永袖。剪袖介留此爲他目之  
驢願。後日呵休念却今夕。韶華妾女子也。情牽意  
惑。殊乖禮法。幸稍秘之。囑檀郎莫向人絮刮。輕輕的  
葬送兒家。空留做風流話巴。生小生怎敢。雞聲催曉  
乳漏已殘。如今只得告去。旦來宵呵則和你早相會  
在那花陰月影簾下。旦下生將下。貼丑冲上。話巴話  
巴。夫人知覺。生慌介。知知覺些甚麼。好姐姐遮蓋咱  
貼丑笑介。申生。你是讀書君子。怎做這勾當哩。

袞遍燈前偷折花。燈前偷折花。一弄多奸詐。黃夜來  
家色膽如天。大夫人知覺。怎肯干休。輕罷。生既洩漏  
求恕饒。二位姐姐呵。休乾把人相驚唬。貼你秀才家  
偷香竊玉。當做賊論。不道輕輕的饒了你。生我到此  
也無別事。

前腔空庭看月華。空庭看月華。閒向牕前話。沒甚他  
情怎。干休罷。貼你看月。看到小姐房裡去。你早則  
招了。如今又倒抵賴。俺小姐呵。可似海棠零落春風  
一把。丑好好一个小姐。如今不知弄做怎麼了。合你



還則是硬口兒說出這平安話。生笑揖介如今都不消說。二位賢姐肯休便休了。不休。貼不休怎麼。生不休呵。不得他做鶯鶯。你做紅娘勾引的名兒。大家去不得。貼看這慣偷老婆的賊漢子。我們如今權饒你這一次。你如何謝我們。生我客中別無一物。就把這身子謝你罷了。貼啐介要你身子怎麼。丑笑介你生先謝那個。生三人同睡罷。貼呸。虧你不識羞的臉兒。生二位賢姐。

尾聲你來朝莫向人前話。謝娘行遮藏了那些。貼丑

別的休閒講。你則索花下燒香拜誦咱。

蟾宮偷折桂花枝。

恰似西廂待月時。

生好把風聲細藏隱。

莫教鸚鵡語人知。

### 第二十一齣遣媒

未院子持包袱上。受命華堂上。投身驛路中。自家院子。受老員外的命。因為三官人到眉州舅爺家。將次半載。我持書接他回來。一路奔馳。天色又早晚了。一封羅天涯子未旋。寄音書。忙向前。涉水登山。日漸晚。搖曳旗亭酒。望懸群群飛鳥。栖遲樹邊行。行征旅。



消停店間待來宵早把征塗踐下

臨江梅生上回首深閨人已遠前宵好夢茫然餘香

猶在欄邊白日情牽黑地冤連離合悲歡一樽酒

南北東西十里程好夢自來留不住匆匆鷄唱五更

聲小生與小姐相叙正在歡濃之際被院子促我回

家只得辭了舅姑趨行而歸一路上好無聊也正是

一般翠柳短長亭歸路不如去路好到此已是家中

了我自進去外老旦上天涯遊子歸期晚堂上衰親

望眼檯忽聽檐前喜鵲噪愁顏化作喜顏開見生介

孩兒你回了你到舅家怎生一向留滯在那裡生拜

介

柰子宜春去時節花發庭前恰歸來葉滿平川經今

半載晨昏不見老當初囑咐你早早回來你怎生恁

了生孩兒何敢有怠只爲舅姑苦意相留因此上未

得把歸鞭卽展拜啓望雙親憫念恕兒之謹外

前腔去他家半載週年我叫你回來呵第一來怕

你爲飄零拋棄韋編生孩兒怎敢外二來你年已長

了鸞幃鳳錦未得遂乘龍佳選聞舅家百一姐呵他



貌端妍尚兀自未牽紅線今日待遣媒人特往爲求  
姻眷生背介如此早則喜也外我已着院子喚媒婆  
怎麼丑未到丑上  
宜春令能撮合慣厮連一憑咱花詞巧言把仙娥引  
動吹簫搭上神仙眷見介老員外老安人喚媒婆做  
甚麼外俺家官人要求親特來喚你丑媒婆就去只  
要你拖地紅羅管成就釵頭金燕我替人間專一爲  
行方便只不知要到那一家外是我安人家舅爺今  
在睢州爲官有女芳年名喚嬌娘

前腔男和女結好緣伏冰人把紅絲暗牽丑親上親

錦上花媒婆去時包他一說一肯老你拜上俺舅爺

呵我和他舊家門戶似朱陳世世諧姻眷專望你千

里佳音早完成百年歡讌外合謝你媒婆有的是數

貫青蚨幾疋紅絹丑今日良辰卽當前去外爲傳芳

信仗良媒老管取姻緣百世諧生天上青鸞應有託

丑人紅葉不須猜外老生同下生急上媒婆慢行

慢行丑呀官人趕來甚麼生我有密情告你揖介

三學士拜告您冰人聽我言這事仗託周全丑不消



官人說我自當竭力、生不瞞你說、我和那小姐呵、星前曾結三生誓、今日的月下、重尋卽世緣、丑笑介元來新、到是舊人了、生爲此專望你一力總成、果得百年成愛眷、我把心香、焚答謝天、出書介我有書一封、央你密地送上小姐、丑這使得你兩個、前腔才子佳人、情不淺、早些兒結盟、月下花前、你將這錦箋一幅、傳心事、我把紅線千條、繫好緣、管取兩八成愛眷、夫妻美、畫錦圓、生果得如此、我私下還有

謝

尾聲這段姻親不偶然、丑想老天定與諧姻眷、生還望你早去早回、我則跚待青鸞、把好信傳、

生密語說真心

憑媒寄好音

丑佇看河水側

綠柳插成陰

第二十二齣 婚拒

相對如口  
語會清

普賢歌丑上媒婆慣會使花唇、我做媒婆更有名、東家去、詔親西家去、說親十處、說親十處、成媒婆、媒婆道路奔波、未知今日命運如何、我奉申老員外命來、此求親、問說此間、已是王老爺的衙了、不好徑進去、



且叫一聲、管門大叔那裡、淨上堂上、畫間人不到、階  
前吏卒走如牛、這婆子那裡來的、丑我是成都、特差  
來求親、的望大叔通報、淨少待、老爺已上、末上

搗練子年已暮、鬢將星、膝前一女正娉婷、甚日紅鸞

雙照影、淨報丑見介末你是誰家所差、丑聽稟

玉山供奔馳、方定爲申家郎、特來問親、末那個申郎、

丑就是老爺姑爹家、那三官人呵、恰天生才子佳人、

美夫妻、翠鸞堪並、門闌喜慶、是夙世紅絲牽定、姑爹

和姑奶奶拜上老爺呵、道是兩下姻緣、好念前情、結

取今日此姻盟、末

前腔承他來命、我心中、非不願聽、只一件、我小姐和

申郎、本是個兄妹排連、怎做得夫妻匹聘、丑這也何

妨、申官人才俊聰明、是老爺素曉得的、招這女婿也

不枉了、末雖然他才華獨勝、有日向龍門高聘、爭奈

我家小姐、無分與仙郎配、這姻盟空勞紅葉爲傳情、

丑還老爺允諾、末你旣到此、且見了奶奶、再作商

議、外旦上遠聽冰人語、來傳月老書、見介末媒婆遠

來、可留他茶飯、下丑申官人求親、專望奶奶主張哩、



前腔女兒家婚聘是和、非、憑、娘、主、成、申、官、人、是、天、上、  
仙、桃、伊、小、姐、是、日、邊、紅、杏、雙、鸞、並、影、占、盡、了、人、間、佳、  
勝、奶、與、他、成、就、了、這、段、婚、姻、事、美、恩、情、似、天、邊、烏、  
鵲、渡、雙、星、旦潛、上、聽、介、外、旦  
前腔家門、厮、稱、論、婚、姻、端、然、可、成、但、兒、女、事、須、聽、着、  
他、家、尊、我、做、娘、的、如、何、折、正、天、緣、若、定、終、有、日、乘、鸞、  
相、慶、丑姑、奶、奶、再、三、拜、上、奶、奶、外、旦你、去、拜、覆、姑、奶、  
奶、呵、休、得、忙、相、倩、做、姻、親、還、要、端、詳、仔、細、問、神、明、丑  
這、頭、親、事、不、消、疑、得、問、神、明、怎、麼、小、姐、在、那、裡、待、媒、

婆、也、請、見、一、見、外、旦丫、鬟、請、小、姐、出、來、旦徐、步、出、低、

唱

玉、抱、肚、銀、屏、低、映、聽、的、俺、娘、親、話、兒、全、無、準、誠、我、和、  
申、生、呵、是、雙、雙、比、翼、鴛、鴦、怎、忍、教、分、飛、孤、另、嘆、介、相、  
思、風、月、錦、前、程、今、後、方、知、沒、四、星、丑見、低、云、小、姐、非、  
申、家、郎、君、之、情、人、耶、旦竦、然、低、應、介、是、也、掩、淚、介、丑  
低、嘆、人我、看、小、姐、呵、

前腔低聲相應、則、見、白、泠、泠、潛、然、涕、零、怨、黃、姑、隔、斷、  
銀、河、濕、鮫、綃、淚、花、偷、迸、妻、妻、腸、斷、不、堪、聽、楚、峽、猿、啼、



第幾聲。郎君有手書，着我送上小姐。出書付旦旦補  
介下丑小姐玉貌花容，和申官人錦心繡腹，正是一  
對兒。小姐芳年及笄，奶奶休蹉過了這門好姻緣。  
呵，外旦  
前腔青鸞須並美姻緣。知他怎生。因老爺在任，把小  
姐淹滯在此。雖今日正及韶年，還則是未行花運。待  
他明月照雙星，笑看春風開雀屏。丑待媒婆再見老  
爺，恨求奶奶還攛掇一聲。末上媒婆姻事不成，不好  
留你，你拜上姑爹說。

此老是何心耶

伍供養犯婚姻不成，非我粧喬。申家官人呵，他是才  
俊書生，有朝身貴顯，別選結良盟。我小姐區區陋質，  
怕配不上舊香荀令。丑老爺休謙，這頭親，那個不說  
相當的。末你且自消停去，不必再丁寧，自古姻緣皆  
繇前定。丑姻緣姻緣，只要老爺肯就是了。

前腔姻緣正等，一個是人世裴航，一個是仙府雲英。  
藍田種玉，何必上瑤京。親上親，錦上花，可正似溫  
郎。昔日重配上玉臺雙鏡。末我意已定，不必重提。丑  
親事不成，媒婆怎生去回覆。千里空歸去，羞殺俺做



媒人要把良緣赤繩牽定末怒介

前腔你話兒不省要結良緣須按人倫如今朝廷立

法內弟不許成婚他弟兄相厮喚怎可作姻親你

同他行拜上少甚麼貴豪門綵樓招聘媒婆疾早歸

家去莫消停這縷紅絲向別家牽定下丑罷罷說親

不成則索告回去還請小姐別一別外旦丫鬟請小

姐出來旦上丑老爺堅執不從小姐自家說一聲也

好旦媒婆我是女孩家呵

江兒水提起那婚姻事欲言待怎生我和他花前曾

此是  
何意

把深盟訂指望百年諧歡慶誰知一朝打散鴛鴦頸

這都是咱紅顏薄命要結婚姻則除向碧紗厨等丑

好好一頭親事則老爺不肯擔閣了兩下旦嘆介

前腔錦片前程事怨天公不作成休休我揀做個鴛

鴦盡老成孤另遶樹南飛鳥鵲冷怎肯把琵琶別抱

秋江暝離合緣契此乃天之爲也三兄無事宜來無

以姻不諧爲念出書介你把我書中意呵說與我

那多情人聽今世來生休忘却了夜香人靜下丑別

過小姐告謝奶奶媒婆去也外旦你多多拜上姑奶

妻妻腸斷  
妻其欲絕  
抱悲痛以  
何言



不怪喜你哩

奶和官人休以婚事不成爲怪。丑媒婆曉得。

尾聲疾忙啣却夫人命。外旦枉勞你奔波千里路途。

行合。只爲不是姻緣難強成。

外自古姻緣非偶然。定有紅絲暗裏牽。

丑說親不遂休埋怨。謀事在人成在天。

第二十四齣 妓飲

海棠春。淨上五陵豪貴知名早。遍柳陌行轎俱到。呼

酒挾佳賓。共向花前倒。少年心事欲拏雲。氣槩風流

衆所尊。指點銀瓶頻索酒。倒翻金版共論文。自家陳

仲游是也。生在豪門。長于貴族。結交才彥。素擅英聲。

識納名姬。頗邀俊譽。男則與申厚卿爲友。女則和丁

憐憐爲伴。詩酒唱酬。往來不倦。如今屢次拉申厚卿

到丁憐憐家飲酒。他只推故不去。未知爲何。丁憐憐

也屢催俺拉他同去。昨俺自往相約。方纔許諾。這早

晚敢來也。下生上

前腔。外携紅袖。花間飲。行步懶。不知因甚爲念玉樓。

人淚滴。臙脂滲。昨遣媒婆到舅家求婚。未知成否如

何。好生牽掛。今日陳仲游約我同訪丁憐憐。本待不



去吃他再三相央只得勉強走一遭也。下貼丑同上

念奴嬌引貼妓家門逕。常則把財相貴重。錢爲親戚。

一任風流才俊子。錢盡也都須迴避。俗客相隨。可

人不至。淘盡虛脾氣。丑姐姐你雖是千伶千俐。怎跳

出這腌臢的生計。貼烟花爲姊妹。丑露水作夫妻。貼

老大無人至。丑門前車馬稀。貼奴乃角妓。丁憐憐。這

是妹子伴姐。奴家夙具姿容。兼通音律。一切豪家貴

冑。雖皆有心戀我。我却無情對他。只有申厚卿是此

間才子。長到俺門行踏。我亦盡情延納。半載以來。不

知爲甚。足跡杳然。昨央陳仲游再四拉他。約于今日

到來。我已備下酒肴相待。怎這時還未見到也。生淨

全上見介生間別相將半載餘。淨桃花人面憶當初。

貼可憐老大容顏改。丑屢次招郎空寄書。生呀。憐娘

怎出此語。貼且請坐了講。衆坐介。貼申相公見棄奴

家。今日甚風兒吹到也。請先飲三大盃。淨這詠得。生

領憐娘 守命 飲介

念奴嬌序佳人意美。見慇懃翠袖。幾番高捧金盃。丑

申相公請乾了再斟。生小生醉也。淨你剛則坐下怎



四枝各寫  
高款曲盡  
烟瀾

便說醉了。生背介回首蘭房凝望處。想燈下感損蛾眉。我在此飲酒。不知我小姐在那里做甚。堪惜身在紅樓。香飛香閣。停樽未飲。已先醉。合空辜負。今番好景。花月相輝。淨憐娘吹彈一曲。侑申相公酒。貼使得吹彈。介淨  
前腔相對紅偎翠。倚暘高歌狂咏。開懷揀飲。千石生睡。介淨撥盡檀槽。爲甚麼。司馬青衫偏濕。任你銀燭高燒。金盃低勸。懨懨昏倒。玉山頽。合空辜負。今宵好景。花月相輝。貼我想申相公呵。

前腔當日旖旎千般風流。萬種常來花下快啣盃。今日因甚的。因甚的。醉倒筵前如泥。淨推生介。厚卿兒醒來飲酒。生睡中呻吟。介貼堪惑看他。冷語三分熱心。一寸吞花。眠柳少滋味。合空辜負。今宵好景。花月相輝。丑申相公睡著了。陳相公暘飲數盃。淨使得。盃子不當事。取大碗來。連飲介丑陳相公好量。前腔。會一個錦繡胸懷。一個江淮襟量。筵前雙勸。縷金盃。貼夜沉了。丑猛聽得。猛聽得。斗轉銀虬聲催。淨我也醉了。伴姐同我睡罷。丑恁的一個醉眼。眯斜。



一個神、竟飛、悄。淨翻酒介丑翻了酒也、袖翻宮錦濕、

淋漓合空辜負。今宵好景。花月相輝。貼既陳相公醉

了、伴。你扶他去睡。我在此等申相公醒來。丑扶淨

介青玉案前、雙勸酒、銷錦帳裡、醉扶歸。全下貼喚生

介申相公。生驚樓貼介我的姐姐。貼甚麼姐姐。生呀、

我猛然驚覺。元來却在這裡。憐娘夜幾時了。貼夜漏

過半了。生陳相公呢。貼陳相公睡了。生我別憐娘去

罷。貼夜恁深了。那裡去。生歸去不妨。貼申相公我幾

次招你不來。如今只說要去。奴身雖爲賤妓。夙昔蒙

你相愛。爲甚今日佯做不採。將人恁般奚落也。

柳搖金情懷如醉。知伊爲誰。憶昔與君期。永遠同懽

契。豈料你今朝頃刻時。甜桃酸李。對面兩叅差。是了、

你才子身。奇。怎搭上風塵賤妓。要去就去。如今以後、

再休向柳陌花蹊。柳陌花蹊。閒停車。騎生憐娘休怒、

是小生得罪了。但我情緒萬千。實難相告。貼有甚難、

說處。是丟了。我又尋別個。生成都內外。再有誰似

憐娘的。我去尋那個。貼要知心上。但聽口中。適纔你

夢中喚誰。生憐娘既知道了。我亦不敢相瞞。但我今



所遇、非復風塵中人也。

前腔牡丹花下相逢異姿。

貼畢竟是誰。生姓王名嬌

娘、乃州王通判的小姐。我與他心眼兩相期。暗裡

成佳會。貼生的如何。生我看世上沒這樣人。便梨花

帶雪、海棠著雨、也比不的他。他較名花風韻奇。休道

身兒上、諸餘堪喜。只那新月映脩眉。西子揚妃應難

並美。貼想介。無名嬌娘。又美麗如此。豈非小字瑩卿

者乎。生憐娘怎曉得。貼向帥府公子求婚慕色。遍地

訪畫真容。共得九人。此其一也。色瑩肌白、眼長而媚。

愛作合蟬鬢。時有憂怨不足之狀。我至帥府內室見

之。因記其姓氏。可果是此人麼。生憐娘如親見其人

我所遇的正是他。貼怪你視我猶如土壤。那人真天

上人也。論嬌娘。人間罕有。要覓芳姿。要覓芳姿。則除

在蕊珠宮裡。生俺那嬌娘。辭能咏絮。貌足欺花。真乃

世外之佳人。不愧女中之才子。憐娘稱為天上人也。

不枉了。教我怎不愛他。怎不念他。

僥僥令春花嬌嬌。春月影熹微。路入桃源相逢處。

脉脉兩情迷。怎忍離。貼休道你男子們。我看了圖兒。



也注目不能去、但恨不一見其面、聞他脚兒極小、你去時幸將他舊鞋、巧我生他那雙小脚兒、果然值千鑑之、我去時、便持他鞋兒來送你、貼嘆介  
尾聲怪的、將人看做、開花比你、果然是逢神女、巫山那壁、合可知道、雨雲深處、夢相隨、

生西施嬌豔欲傾吳、

千種風流絕代無、

貼畫裡猶能動世人、

幾番對影自躊躇、

第二十四齣 媒覆

風入松慢

外老旦上門闌喜氣看何如、如何音信還

爲照

無計程遙把歸期數、算今宵定返門閭、生上夢裡佳

音來到醒來依舊蕭疎、外凡事由來繫夙因、老况復

婚姻百世親、生青鳥未傳雲外信、紅鸞難照月中人、

外安人媒婆到你兄弟家說親、不知那親事諧也不

諧、使我好生牽掛、老昨夜燈花爆、今朝喜鵲噪、這親

事一定諧哩、丑上

鎖南斗巴巴走長短途、說親不成惱殺吾、財物沒分

毫、滿鬢堆泥土、我想這親不諧呵、女和男兩下裡都

痛哭、我做媒婆枉勞碌、入見介外老媒婆你回了親



事如何。丑我說來員外休得生嗔。安人切莫煩惱。我去說親。幾次三番。磨了半截舌頭。舅爺只是不允。說朝廷上。法中表兄弟。不許爲親。後來媒婆催迫得緊。舅爺因而發怒。速速趕離他門。走得我兩腳慌忙。無措。老怎麼舅爺不從。外我算這親事。十分該有九分成的。如今不成。乃天之數也。

前腔。婚姻事難強圖。乾只是天公未諧鸞鳳書。老他說話強推辭。媒婆呵。你來往空奔逐。他說內兄弟不許爲親。合想他只要揀豪家成眷屬。把俺舊親戚棄。

如土生奶奶怎麼說。丑奶奶說兒女婚姻。憑老爺做

主生

前腔。聽他語。直恁般僉倖吾。他道我書生命窮難坦腹。我想古來呵。玉鏡舊臺前。都與成鴛侶。偏我今生不得與他家諧鳳卜。難道俺秀才們盡世兒做孤獨。丑雖然怪不的官人埋怨。媒婆到有一言相勸。

前腔。不須的。長嘆吁。想著那長安綉成花錦圖。招贅狀元郎。都是些公侯女。那時節向東床來坦腹。方信道你書中有的。是顏如玉。私語生介只可怜那小



姐、

前腔花含悴。柳怯舒。班班翠綃香淚枯。我一提起官人呵。未語涕先零。猛可的說不盡傷情句。如今有回東送與官人。出書生密收介。教官人休以姻事不。成爲念。不分他狠爹娘。喬懣古。于則掇賺了咏桃花。翠鸞女。生長呀介。外孫兒。

前腔你休的多埋怨。也是你姻緣運未疏。老媒婆論俺家官人呵也配的上那通經識書班大家。孩兒我只恐你不能。穀畫閣上顯。呼。怕甚麼綉幃裡無親。

侶合你且趁着槐黃候。忙應舉待登科。有的是好媳

婦。丑媒婆且別去。另尋一頭好的來替官人說。外生

受你奔馳。些須白金相謝。出砌末介丑多謝員外安

人。將線引針針不通。外老歸來空自怨天公。合真乃

是有緣千里能相會。無緣對面不相逢。全下生弔場

云世間好事果難成。恨在眉頭痛在心。嘆介說親不

成。何掛念。但我這段姻親。怎比得別的老天。老天

你怎這等不做美也呵。我且看小姐回東怎麼說。拆

看介呀。却是滿庭芳。二調讀介簾影飾金。簞紋浮水



綠陰庭院清幽夜長人靜消得許多愁長記當時月  
色小窓外情話綢繆因緣淺行雲去後杳不見踪絲  
慙慙一葉傳來密意佳好新求奈百端間阻恩愛  
成休應是奴家薄命難陪伴俊雅風流須相念重尋  
舊約休棄杜家秋咳俺想此婚不成再到舅家也無  
顏了巫山雲雨恐當永捐洛浦風烟徒然在望對此  
情詞不覺淚下

孝南枝讀了詩中句腸斷無我和他三生結來緣分  
疎數月短恩情相隔楚天隅新求間阻無計成婚恩

諧語游談

銀鈿枝

情虛負可正是樹拆連枝水浸藍橋路今後這怨恨  
怎休也比如如今點翠班淚滴初怎捱徹久長天冷朝  
暮想當日燈前密約月下深盟不分真个休了也  
前腔從今日憶往初俺把梨花笑擲同擁爐他道事  
若不濟當以死謝細語訴衷情相期做夫婦到如今  
鸞飛鳳孤小玉窓前一般悲楚提起前宵總是傷心  
處他我勿以婚事不成爲念我怎生得不相念也  
雖是他毒意爹扯碎了鴛錦書拚今世呵定要和你  
生同衾死同墓



果然雲重花難見

信是風狂雨不成

爾把尺書空寄意

我今傾淚若爲情

二十五齣病禳

丑上受人之託、必當忠人之事、我替申家官人說親、不遂、官人因而成病、悄地喚我商議、意待再去見小姐、怕老員外不允、託我對員外說、喚个師婆禳解、那時只云中鬼、到外方躲避纔好、爲此特和張師婆母子商量去、外旦上

水底魚兒步斗禳星、覲巫素擅名、書符呪水、無靈似

有靈、見介呀、李婆婆久不見了、今日甚風兒吹的你

來、丑今有一事總成你、前日我替申家官人求親、那

人家抵死不肯、外旦不肯罷了、如今怎麼、丑這官人

和那小姐、元是舊有帳的、如今要到他家去怕爹娘

不允、特請你去禳病、只說中鬼、須到西南方數百里

外縣避方好、先有白金二兩送你、你可同我走一道、

外旦使得、我喚了兒子同去、全下生病老旦小生

扶上生我這病怎生休也、

山坡羊瘦、亭亭的病、骨兒實難保、軟哈哈的弱軀兒、



甚時好。老兒你病中覺怎樣。生剛合着眼呵。則見嬌滴滴如花似玉。那個。那個。人兒到。泣介撲簌簌珠淚拋恨。恨銀河風浪惡。將俺業身軀阻隔在巫山廟。一度思量愁覓暗消。合虛焦焰騰騰如火燒。難熬冷浸浸似水澆。生睡介外上孩兒的病怎麼了。老他如今剛睡着。小生兄弟病症甚是奇怪。前腔則見他忽地神覓縹緲。忽地言詞顛倒。夢中如有甚麼甚麼人來到。不幾宵。龐兒憔悴了。生笑介外這怎麼說。老敢是親事不成。失了志兒。聽他魔魔媚媚。

媚胡云道。唵唵風風。情味惡。合蹊蹊他胸中意怎描。虛囂枉摧殘命一條。外這分明害了甚麼鬼病。昨已叫李媒婆去請張師婆來禳解。看他來怎麼說。丑外且淨全上。丑此間已是我們徑進去。進見介。張師婆你怎生作法禳解。得我官人病體安康。外旦我乃異人傳授九天玄女娘娘正法。須要備辦三牲酒禮。祭請神。燒符一道。上達天庭。燒符二道。神將來臨。附在俺孩兒身上。有鬼捉鬼。有怪捉怪。無不靈驗。外牲禮已備。便可燒符。請將。外旦員外請拈香。待我燒符。



請將作法介道香、德香、寶惠香、通三界香、吾奉九天  
玄女娘娘敕令、三界直符使者、十方從駕威靈、當境  
土地、神、諸處城隍社廟、幽真列聖、遠近至真、以此  
真香、普同供養、伏以神威至赫、祛百魅以迎祥、法力  
無邊、掃群妖而育物、今有本府本縣本坊甲慶、爲因  
孩兒申純、夢境隨邪、病魔爲祟、特于今年今月今日  
今時、敬請神官、奉行相勘、有見捉鬼有怪捉怪、稽首  
拈香、萬祈鴻鑒、外拜拈香介

駐雲飛拜禱神前、無柰我孩兒病未痊、語話多虛誕、

啼笑俱乖舛、一病恁遷延、特備牲牲、仰冀靈威、早

與除凶患、災難消除頃刻間、外旦擊牌介一擊天清、

二擊地靈、三擊五雷、速變真形、赫赫揚揚、日出東方、

金牌一响、神將來降、淨扮神將伏劍立壇前、外旦書

符喫水介吾持此水非凡水、九龍噴出淨天地、太一

池中千萬年、吾今將來淨妖氣、謹請年值月值日值

時值、將、速降壇前、攝勘邪魔、弗使有違、吾奉九天

玄女娘娘急急如令敕、淨倒介外旦再喫水介淨起

跳舞介



此等處直  
僞元人

北寄生艸。呪符的呪的威光顯。拈香的拈的情意虔。  
俺則見青裊裊法壇前。幾縷香烟轉。烈騰騰半空中。  
幾道電。符旋。勿律律。醮堂邊。幾陣陰風展。猛聽的那  
金牌响處鬼神降。則我這劍光影裡邪魔顫。外旦荷  
蒙神將來臨。請問纏住申生的。是何方鬼怪。甚處妖  
精。淨待吾神看來。看笑介。我則道是甚般鬼怪那樣  
妖精。原來是。

前腔幾個油頭鬼。將他病體纏。外旦這些女鬼。怎麼  
模樣。淨有一個青衣的女子呵。剪雙燈搭不上。鴛鴦

眷。有一個白衣的女子呵。恨荒坵長不出棠梨片。有  
一個紅衣的女子呵。葬輕烟訴不出香囊怨。這都是  
些依花附艸小精妖。敢賺殺那吟風弄月才郎面。生  
作占語介。來的是何方神將。你敢奈何的我們。淨兀  
那小鬼頭你聽者。

前腔我是靈霄府天蓬將。奉仙符下九天。把俺那移  
星換斗神通顯。驅雷掣電靈光現。排山立海威風展。  
生你便有許多本事。也奈何不的我們。我們與申生  
冥數當然。你休管閑事。淨怒介。這些小鬼頭。你還則



要與妖作怪。畫堂中。趕殺介俺待趕趕的。你潛形遁跡。陰山塹。生你休趕逼我。我們與申生是婚簿上註定的。淨趕時可不犯了天條。淨小鬼頭噤聲。前腔。你道婚簿上呵。註定姻緣好。則那活人兒怎許你死鬼纏。生古來人鬼交構。也是有的。淨你便是閻苑上的神仙也。怎把書生戀你。便是水殿裡的龍神也。怎做陽人眷你。便是八洞內精妖也。怎與才郎纏。你待將他游魂攝向嚇鬼臺。俺則把你群邪押赴驅邪院。生罷罷。你如今趕的我緊。我且暫時迴避。少不

得二五三七四六之辰。重來相會。怕你也跟不住他哩。生昏睡介。淨小鬼頭去了。申慶你一千人聽我分付。冤冤夙世苦相纏。今生重結好姻緣。直須時地逢鷄犬。方保平安病體痊。申純醒者。吾神去也。倒介外旦。天神分付了。官人病體卽好。員外可拈香謝將。外拈香介。

駐雲。感應無邊。凜凜威光。信儼然。邪魅俱驅遣。疾病應無患。唵。香繞玉鑪烟。謹備牲牷。俯向法壇。叩首三千遍。恭送靈神上九天。淨醒起介。一覺好睡也。生



醒介好睡也。天色幾時了。我如今頓覺精神爽快。可是爲何。  
**外**孩兒你纔方睡中覺怎麼。  
**生**只見一金甲神將。房中驅趕幾個女鬼出門去了。  
**老**張師婆符好靈驗也。  
**外**恰纔天神付分的怎麼說。  
**外旦**天神道冤冤夙世苦相纏。言此鬼是官人生前結下的。今生重結好姻緣。因是冥數使然。故此不好拿他。方纔官人說那鬼躲過二五三七四六之日重來。天神特教官人遠避。他道是直須時地逢雞犬。方保平安。病體痊與爲雞。與西南也。戌爲犬。後日是壬戌日。教官人

後日起身到西南方數百里外躲避。方保安。若待惡鬼重來。再驅遣他便難了。  
**外**神人之言雖是。但西南方何處可以躲避。  
**小生**只有舅家在西南方數百里外。  
**外**前日求婚不遂。怎好又去。  
**老**這也不妨。只要孩兒病好。  
**丑**正是新親不成。舊親還在。便去也無妨。  
**老**當初孩兒有病。一到舅家便好了。如今畢竟去的。  
**是外**此可先着人去說。隨後起身罷了。且將白金二兩謝了張師婆。  
**外旦**多謝員外。

神語分明說與伊。

急須遠避莫遲疑。



此行保得身無恙

心病還將心藥醫

第二十六齣 三謁

虞美

日上春花秋葉何時了。斷送情多少。不勝清

怨滿東風爲憶多情閒步小簾櫳。青門引乍暖還輕

冷。風雨晚來方定。庭軒寂寞近清明。殘花落盡。添却

去年病。追思舊事重難醒。人去重門靜。那堪婚姻

間阻。銀河望斷雙星影。奴與申生別後。媒婆來問親

奈我爹爹不從。有辜夙願。昨有人來說申生患病。要

到我家將息。今日我爹娘俱到隔隣王寺丞家看花。

則索向庭外盼望申生去也。

詞詞妻絕

羅江怨綠。曉香霧濃。花飛亂紅。劉郎昔年花下逢。祇

今日呵。桃花依舊笑春風也。思量前事。猛然淚橫離

鸞別鳳。何日同恨也。天公不與成懽寵。淒涼卷未終。

淒涼卷未終。風流運怎通。枉結下山海樣恩情重。想

當初花前與他相會呵。

前腔。懽意正濃。他同我同。嘆今時去來如轉蓬。幾

番無語怨天公也。匆匆歲月。花西水東。尋思往事疑

夢中。冷冷淒淒。他那裡恨壓眉尖重。我這裡愁添。



點紅愁添淚點紅姻緣甚日逢都付與春前夢身子  
困倦且在秀溪亭上少坐片時（生介）生上此地緊違  
已隔重來門戶尚依然春風與我如相識時遣流  
鶯奏管絃小生爲想小姐成病托言中祟來此躲避  
巖這門前風物如故煞可感人也

瑣。臆。寒。想。當。年。此。日。門。中。人。面。桃。花。相。映。紅。到。如。今。  
還。則。見。桃。花。笑。對。春。風。當。初。指。望。同。諧。連。理。今。所。望  
不。諧。可。冷。人。情。已。改。舊。懽。如。夢。我。和。他。敢。一。般。兒。意  
愁。心。冗。（見旦介）呀。前。面。亭。上。獨。坐。的。正。是。小。姐。哩。

起介。這。來。的。是。申。生。哩。（生）此。間。驀。地。忽。相。逢。怎。禁。四  
目。相。看。悲。痛。姐。姐。間。別。無。恙。（旦）哥。哥。萬。福。（生）姐。姐。何  
故。獨。坐。于。此。舅。姪。安。在。（旦）今。日。王。寺。丞。家。邀。我。爹。娘  
去。看。花。至。暮。方。歸。元。可。全。此。暫。坐。（全）坐。介。聞。的。你。有  
恙。龐。兒。果。恁。消。滅。了。

初時相別  
妙在生語  
字字挺實  
此後嬌身  
已屬生生  
不慮嬌而  
嬌語步步  
研實情事

前腔。對。花。枝。寂。寞。東。風。可。正。是。一。樣。清。光。照。病。容。自  
昔。親。不。諧。呵。嘆。巫。山。雨。跡。無。踪。今。生。夙。世。化。作。一  
場。春。夢。再。跨。不。上。翠。臺。雙。鳳。見。今。來。此。何。幹。往。來。風  
雨。路。塗。中。空。害。得。愁。病。冲。冲。（生）日。月。未。久。何。爾。相。忌。



我自別後、行止坐卧、何嘗夜月屋梁之思、中間請命  
嚴君、與諧媒妁、天不從人、竟辜夙望、今百計重來、以  
尋舊約、乃有再來何幹之詞、我之失計、不以甚乎、  
繡太平繡覽我爲你、捱不徹、更長漏永、我爲你、花前淚滴、  
殘紅想、婚姻不遂、于飛拚的、個諧連理、處也相從、匆  
匆春宵、敲斷五更鐘、早驚散、合懽雙夢、夢李猛提起、越教  
人斷腸、悲痛更說甚、伊心我心、誓盟山重、旦兄心果  
如金石、妾何敢有忘也、

針線箱、您意見、天長地永、我脉脉地、芳心自懂、倘果

我今生、不得諧鸞鳳、爭似當日、翠衾休共、感謝你雨  
雲不吹、三年夢、難道我花月空拋、一夜風、拜介越教  
人知重、我今後、呵把兩衷情、都一樣的、訴與蒼穹、生

旦攜手行介合

東甌令、魚和水、兩和同、才子佳人情意濃、到頭有日

成歡寵、見舊詩介生舊館、窓几依然、所題詩句、濡翰

如新月、遷可傷人也、合堪嘆惜、多悲痛、年前景

兒中、忽地似飄蓬、內老爺奶奶回了、旦家人傳

已回、你可到中堂迎候、我暫回避也、下末外



淮陽人

堂前頓首忙趨奉末外

上急未痊這雙鬢依稀帶病容

心還恐路塗奔逐多勞冗切須珍重切須珍重生蒙


舅姪垂念末你病爲何而起生

前腔命犯災凶病入膏肓藥怎攻末病中怎麼光景

生多驚恐夢中恍惚鬼神逢外旦此皆三哥心神不

定所致末你意匆匆功名失志精神懣這也不消用

急再



以下原闕



二卷



獻書人吳

良見  
南珠  
青士

捐贈



獻書人吳

新

捐贈



嬌紅記 三

傳  
列  
吳  
梅  
字  
龍  
公  
別  
號  
霜  
厓  
賦  
書



蘇州吳梅

字瞿安別號霜厓

1881—1939

新鐫節義鴛鴦塚嬌紅記下目次

卷下

絮鞋

詬紅

詰詞

玩圖

要盟

紅構

愧別





客請

贈佩

赴試

喜賀

榮晤

妖迷

詰祟

明妖

帥媾

生離

演喜

泣舟

詢紅

芳殞

雙逝

合塚

仙圓



新鐫節義鴛鴦塚嬌紅記下目終

獻書人吳

良士

捐贈

新鐫節義鴛鴦塚嬌紅記下

古越孟稱舜著 陳洪綬評點

劉啓胤訂正

第二十七齣絮鞋

少在常境  
詞珠佳

懶畫眉生上偷身潛步入蘭堂則見寂寂春風花自

香來到綉房呵覷介怎不見姐姐在此他敢爲雲爲

雨夢高唐我輕輕的揭起梅羅帳呀又不見俺風流

可喜娘翻床介休道別的可則這牙床綉帳錦衾角

枕瀟灑非常幽輝可佳塵不拂而自淨香不薰而自

悠甚人兒消受得也見鞋介你看枕邊露出金蓮兩



辦奪目生光、便有千鎰之金、怎買這雙小脚兒、前丁  
憐憐要巧他舊鞋、我累次求之未獲、如今不免竊了  
去、取鞋行介、覷此鞋呵、

前腔紅綃緊、蹙鳳頭粧、半扎慳慳、三寸長、見了不由  
人春心不動也、爲傳心事、惱襄王行來、印出青苔上、  
撒却金蓮瓣、瓣香來到書房也、且將這鞋兒藏着、到  
舅舅那廂攀話去、  
下貼上青螺秀黛、巧粧梳、衣惹薰  
風透、體酥閑、倚雕欄、自惆悵、庭院深深、啼鷓鴣、俺自  
昔申生去後、心下好生念他、他今因養病、重到我家、

我每與他中庭相遇、語言調笑、兩下更是關情、今趁  
此晝閒、到東軒上偷覷他去、  
行介呀、這苔痕鎖綠、書  
扉靜掩、他又早不在了呵、

前腔書臺寂寂、冷紗牕靜掩、梨花春晝、長待我進房  
去、瞧著、似此床帳、凄清、簾牕、蕭洒、果是可人也、  
翻床  
見鞋介呀、這是小姐鞋兒、怎生在此、小姐往時、放下  
了、爲沒有實証、常則抵賴、我今把這鞋、拿去還他、看  
他怎麼說、我把雙尖、拾在綉衾傍、小姐呵、你雖然硬  
抵著牙兒、強如今可也、洩漏春光、在這廂、  
下旦手撚



花枝上

前腔折花枝徐步轉小迴廊看衣介則被露珠兒呵

掠濕了湘羅翡翠裳放花枝介且把衣兒鞋兒都換

了重來香閣理新粧揭帳看介呀是誰人揭動俺

容帳倒亂了鴛鴦綉枕傷尋介我鞋兒怎麼不見了

貼上小姐日常在牕外刺綉今日怎生還在房內呵

前腔低睛偷覷小紗牕他敢還臥向高唐夢楚王呀

小姐尋甚哩入見介小姐你爲甚沉吟無語自思量

且適纔誰到我房裡貼冷笑介小姐你閨房中有誰

人得向伊粧臺傍且這等我房里東西怎不見了紅

你不見了那件挖掙的惱亂春情着甚忙且斷是誰

曾到我房里貼我實不會見誰進來小姐你這等怏

着怎麼

紅衲襖莫不是惹梅梢弔下了玉搔頭小鳳凰且不

是貼莫不是走蒼苔將你翠裙衩被棘針兒來抓上

且不是貼莫不是誰呵浣汗了你繡帖里簇錦的雙

鴛樣且不是貼莫不是誰呵跌損了你巧攢花七寶

粧且不是貼莫不是甚人兒盜了你碧雲翹明月瑤

曲妙在善  
用襯字此  
等曲襯字  
甚多然何  
可減一字



旦也不是貼這番我猜着了、敢則是甚人兒將你小  
菱尖拆了雙。旦果然是了、正是我放在床內的、爲甚  
不見了、貼若提起這綉鞋呵、可有個拾的人兒也、袖  
中出鞋介小姐何不早說、却恁的明月蘆花空自忙。  
旦好怪、這鞋呵、  
前腔昨日夜深深的藏在我鴛枕傍、今日曉清清呵、  
還不離了這香席上。貼這等怎出綉房外去了、旦又  
不會跨青鸞、撇向秦樓颺、怎的化雙鳧、却在雲影翔。  
貼我想這鞋兒、敢是小姐與人的、旦噤聲我鞋兒怎

的與人、若論我綉鞋呵、似美珊瑚海底藏、有甚人兒  
來盜的、往莫不是你、謊僂、儼故意的、賊誣也、枉教我  
渡口津頭到處忙。貼小姐倒賊誣起我來、若問這鞋  
呵、我自還你拿的、人兒、旦你說是誰拿去、貼飛紅早  
時呵、

泣顏回、閒過小書牕、驀見金蓮開放、雙鉤紅玉、曲灣  
灣奪目生光、幸是飛紅看見、特地持來付與、若是別  
人行見了、如何講、小姐不是你與那生、定是那生拿  
去的、若不呵、則問這綉鞋兒、放在深閨、怎到的那生



風刺無限  
兩下金針  
在舌尖  
這出

床上。旦甚麼那生。貼小姐你想我家裡有那個。旦

前腔思量這事怎推詳。道是那生偷去呵。我綉房與

他書房隔絕。又不是近西廂。兩下門兒相傍。他總待

偷香竊玉。不道白日里。敢輕輕把綉房偷向。貼不是

小姐與他。又不是他奪去。定是飛紅賊誣小姐的了。

我把這鞋兒送到奶奶查個詳細。走介旦扯介你恁

怎的。我也不說定你拿去。則如今幸在你手中。若別

人見了。成甚模樣。只要你口兒放穩。向人前驀地休

胡講。貼恁的。我就不告知奶奶罷了。旦你便告知奶

轉復得妙  
又刁又醋

奶呵。我則問這鞋兒既落在書生。恁又使你小梅香

再拾得在那生床上。貼小姐你到底會放刁。我如今

不與小姐講。只去問申生。看他怎麼說。正是幾番欲

問東風意。反被東風來婦人。下旦我想申生累次問

我索鞋。這鞋定是他偷去的。只不知何故。又落飛紅

手上。敢是他兩人別有甚勾當。古云痴心女子負心

漢。申生你直恁般情薄也。

意不盡。襍情自古應難量。郎意爭如流水長。今日個

蜂狂蝶攘。則怕漏盡春光。使我心自想。

有須醋意



無情無緒自疑猜。

花正開時蝶又來。

欲把芳心訴明月。

還愁月影轉西堦。

第二十八齣 誚紅

搗練子 貼上春晝永。燕雙飛。欲遣愁腸愁着眉。早是

含愁身不覺。春情洩漏與人知。俺自見申生。心下十

分留意。申生一心對着小姐。視我不甚關情。昨去看

申生。值他不在。于床上拾取綉鞋。拿去還小姐。小姐

倒猜疑起我來。我今去問申生。看他怎麼說。行介。覷

這嬌花宿雨愁難放。翠柳含烟濕欲舒。是好一段春

光也。

風入松 看年年花柳冷烟迷。恁韶光把人輕擲。千愁

萬恨在眉尖。遍待拋下。甚時拋得。生上潛聽介。貼長

伴着春風翠幃。腸斷也燕雙棲。生飛紅姐。休要腸斷。

小生雙棲何如。貼呀。你怎生這等慣做賊。生我偷了

那件是賊。貼你竊聽人言。豈不是賊。生笑云。可不道

捉賊見賊。竊聽人言。賊在那里。貼要賊也。有則問你。

床頭綉鞋。那里來的。生怪道我床裡不見了綉鞋。元

來是你偷去了。貼呸。你做了賊。倒說我。我告你到官。



看怎麼說。生隨你告官。我不怕。貼告官不怕。告奶奶。  
生這倒怕哩。我央求你。咱。梅介。貼不勾。生跪。貼也不  
勾。生這等怎麼。貼跪了。叫。生叫甚麼。叫你親親的姐  
姐。貼啐。誰是你姐姐。我要你叫娘。生你原叫飛紅。叫  
你紅娘罷。紅甚麼紅娘。乖兒子。你是慣家的張君瑞。  
也不消的。我紅娘了。見蝶介。你看一雙蝴蝶兒飛來  
飛去。倒好似你。

啄木兒遊芳艸。接翅飛。浪撲金鞍隨馬蹄。叩香閨。暗  
裡相隨。還則怕。阻綉簾。欲投無計。輕狂似。逐楊花起。

閒尋翠鈿投荒砌。望斷花房。覓夢迷。生這蝴蝶好似  
飛紅姐。

隱秀別毒

前腔餘香逐。過水西。飄颻隨風高又低。送春光飛向  
隣家。貪春色。又來花底。尋芳浪逐。遊蜂隊。我則怕。粉  
香早共蜂黃退。尚兀自顛倒窻前。知爲誰。貼休胡說。  
你若撲得那一對蝶兒着。我就把鞋來還你。同撲介。  
三段子看他雙飄並倚。剪春光。翩翩舞衣。依約亂飛。  
愛風流。粧臺暗窺。似游絲細把芳英綴。雙雙采却花  
心碎。做撲着介。則這小扇輕輕撲得歸。旦上。翠簾清



只你偷得

漢難飛紅

偷不得的

小姐奇也

响闌金鈎。院靜無人春色幽。粧罷無言下階去。看他  
粉蝶過牆頭。我見一對蝶兒。在窓前飛來。怎麼不見  
了。見貼介呀。你兩個在此做甚麼。生見急下。貼飛紅  
在此捉蝶兒耍子。旦怒介。你不去做女工。在此耍子。  
貼如此春光。教人怎不閒耍那。旦那遊春是男子漢  
的事。你女人家怎學他。

三段催有幾個王孫們。金鞍馬蹄。恣盤桓。踏青翠堤。  
有幾個才士們。提壺挈榼。逞風騷。流觴水湄。貼難道  
女人家不是人那。旦你丫鬟們呵。止不過房中刺繡。

添針黹。貼再呢。旦粧臺拂鏡除香膩。誰許你遊月下。  
笑星前。看花底。春情一片閒挑起。將漁郎賺入在桃  
源裏。則怕奶奶知道呵。把粗棍兒敲殺你丫鬟輩。貼  
飛紅呵。

前腔。並不會輕描翠眉。夜燒香。芙蓉院底。又不曾拂  
綽綉衣。結同心。荼蘼架西。止不過趁着這春風。豔李  
花開。日向空庭。偶踏的紅英碎。便做道閒闌艸。喜尋  
芳。忙拾翠。也則是小梅香呵。偷閒學少尋常事。須不  
會行雲送雨。巫山會。旦還虧你說。我去告知奶奶。打



你下半截來、貼拜介告姐姐權饒過丫鬟輩、且背二  
這丫頭說話、倒暗指着我來、轉介我今權且記著、下  
次如此、定不干休、下貼怒指介小姐、你做的事瞞誰、  
倒幾次尋喚我、我拚的乘便告知奶奶、看怎生解說、  
小姐呵、  
歸朝懽、你没人處、没人處、狂行亂爲、驀地里、將人笑  
耻、果然是、果然是、言清行虧、則怕你假清清、怎生般  
遮瞞得到底、投至那西廂月下、聞消息、御溝葉上傳  
名字、那時節呵、敢則漏洩春光、你悔自遲、

怪他心事忒多端、

欲寄音書把雁瞞、

青鳥啣來雲外語、

管教平地起波瀾、

第二十九齣 詰詞

此等曲已  
臻聖境拜  
凡說有此  
然無此

別銀燈、生上、銷不盡情多、怨多、鎖日裡、閒行、閒坐、倦  
把春花秋月、都經過、投至得兩心相可、因何舊愁未  
妥、又惹起新愁、怎麼、嘆介、世間歡少、愁偏重、空教無  
語、天公、小生前到小姐房內、竊取綉鞋、藏在綉枕之  
傍、不期被飛紅拿去、還了小姐、飛紅因與小姐有隙、  
昨日舅姑前、指著小姐所履之鞋、揚言謂小生日、此



卽子前日所遺之鞋也。小姐色變慌忙把他語影過。幸而不致漏泄。小姐自此與我形迹頓疎。不知他還是怕人知覺。還是疑怨于我。我尋思問個明白。又恨未得其便。今且到後園瞧著。或小姐出來也未可知。行介。呀。花下有鸞箋一幅在此。拾看介。花底鸞踏紅英。亂春心重。頓成愁懶。楊花夢散。楚雲平。空惹起情無限。傷心漸覺成牽絆。奈愁緒寸心難管。深誠無計寄天涯。幾欲問梁間燕。詞寄青玉案。乃一首春怨詞也。玩此定是小姐所作。

漁家傲。看取這一幅香箋情思多。踏亂紅英。春愁怎那。楊花落盡。眉還鎖。則兩下里衷腸拋。咫尺蘭堂。翻做了山高水濶。好教我幾度沉吟。眊殺他。再看介。這詞意雖是小姐的。只字畫却不相同。待見小姐時問他。置案上。暫下。且上。

醉扶歸。春情一點早被人瞧破。藍橋咫尺起風波。新愁舊恨。教我怎銷磨。是風流惹下風流禍。則幾番呵對花流淚。點眉羅。將我這心兒待訴與誰行可。世間萬事。皆非偶然。前日申生盜了我綉鞋。他若不與飛



紅有私。怎生又轉落飛紅手內。那日兩個在花前調戲。被我說了幾句。飛紅懷恨于心。在我爹娘跟前說起鞋兒。幸我一時將言影過。這冤靈都飛綽半天去了。我想能兩大相好。若不是申生教他說。他怎肯惡了申生。正是山川可料人難料。薄倖如君有幾人。我當初錯信申生。如今悔也悔不迭了。

前腔思量盡是奴之錯。想書生原是劣情多。他對面拋人。奈如何。則恨我當初枉把新詞和。做行見鸚哥。介我與申生相會此堂之上。他人不見。這鸚哥到都

見的。做拋豆介戲拋紅豆打鸚哥。待說與我愁千個。內作鸚哥語介嬌娘子何打我也。生急上花定早知無客至。鳥啼始覺有人來。見旦揖介姐姐日來相見何少。旦男女有間。豈容頻會。生姐姐休說遠了。古云。一日不見如隔三秋。日來想殺小生也。請姐姐暫到我書房中一語。旦兄妹之間。豈容無人私會。生姐姐敢是怪小生呵。乞到房中待小生賠話。牽旦入介姐姐請坐。旦坐不語。見詞取看不語。介生姐姐何故不語。



桂枝香。慙慙悶坐。無言低躲。則見您淡掃眉峯尚兀。  
把翠烟輕鎖。想伊心就裡。想伊心就裡。愁城千朶難。  
猜難破。沒頭鵝。萬種傷情事。知伊爲甚麼。且問姐姐。  
此詞何時所作。且不答。介。生揖問介。小姐何不見答。  
且背坐介。生這却怎的。

前腔。幾番摧挫。鬢雲低。彈隨著我。萬語千求。他只把。  
秋波。低閣。想伊行意裡。想伊行意裡。愁如天大都皆。  
因我自心模。莫不眼底跟前事。甚般兒惱著他。生再。  
揖介。姐姐暫且息怒。乞賜明言。且不此飛紅辭也。兄自。

彼得之何必詐妾。生原來是飛紅之詞。小生適從花。  
下拾得。姐姐何必生疑。

大迓鼓。花前閒打。偶然拾取。一葉蕉羅。並不曾倚。  
風偷把情詞和說。甚的春心一點暗蹉跎。您皺掩雙。  
眉。却是爲何。且不語長吁。拂衣起介。生牽衣問云。姐。  
姐再少坐。說明了去。

前腔。我心中自猜摩。有甚般過犯。害却愁多。敢則您。  
把舊情一旦成拋躲。恰無端特地起風波。枉教我萬。  
想千思。可是奈何。且拂衣起介。胸中萬恨千愁事。說。

此等皆決  
然語然安  
得不深其  
怨



與傷人怎得知下生呀小姐竟拂衣去了小生這場  
冤恨對誰訴來嘆介小姐小姐

前腔你情多怨恨多幾回不語感損鈿窩將我這不  
明白的衷腸訴與誰人可難道你果然把舊時花月  
總銷磨乾則候落我書生直恁麼

沉吟無語思匆匆

幾度看花恨轉濃

未識窮娘心上事

倚欄還自問東風

第三十齣玩圖

夜行船世上笑問花時還問柳誰似我遍體風流只

恨的未遇佳人姻緣不偶心下好生傷恹生長朱門  
綉戶却恨姻緣遲暮壁間遍掛美人圖日夕焚香讚  
慕雖然不得親身受用也權當春風一度自家爲要  
選取渾家遍地購得美人圖九幅中間未知虛實不  
敢卽往求婚日常無事將這幾個美人玩他叫他拜  
他贊他定要他活現起來今日休暇且看玩他一番  
有何不可看畫介這美人真美的極哩

銷金帳丹青妙手圖畫非虛謬美僊娥則除非天上  
有看他那般風韻那般嬌秀嘆將人忽地忽地覓靈

此種人得  
知人道天  
示不薄待  
之矣偏有



此等非分  
思寫來  
實飯

暗逗徹夜相思病。染無人救。和他怎生。怎生得共在。  
銷金帳裡宿。待小子叫他一聲。看他應也不應。叫美  
人自應笑介。

前腔。俺這裡。一聲應口。他眼兒還瞧着我哩。則見他。  
兩眼秋波。溜他身兒堆的。都是俏哩。俏身軀怯又柔。  
果然是玉兒琢成。粉兒團就。宮腰纖媚。纖媚一似風。  
前嫩柳。美人你也回叫我一聲兒。做叫公子自應笑。  
介。看他欲語如生。不住的將人逗。和他怎生。怎生得。  
共在銷金帳裡宿。我看這些女子。細細有沉魚落雁。

之容。閉月羞花之貌。不信世間真有此美人呵。

前腔。恰便是飛瓊伴侶。共倚在陽臺岫。想人間何處。  
求。休說娶他做俺渾家。只要湯他的一湯。樓介。樓他。  
的一樓。怕今生沒福。沒福也難消難受。空教我夜夜。  
燒香。一聲聲叫徹心肝肉。和他怎生。怎生得共在銷。  
金帳裡宿。俺日裡想念他。他夜裡敢來伴俺同睡。一。  
個道。公子奴家奉陪。一個道。公子今夜該妾身為伴。  
前腔。鸞交鳳友。有分把姻緣奏。夜夜裡夢魂中成配。  
偶。則見他那般歡愛。那般情厚。小子樓了他呵。聽他。



不住不住的嬌聲。厮。擣。咳。可惜醒來時。依舊孤眠被。  
冷。黃。昏。後。和。他。怎。生。怎。生。得。共。在。銷。金。帳。裡。宿。雖。是  
如此說。如今便睡了。做個夢兒也還好。睡介貼上爲  
人莫作婦人身。况作烟花水上塵。常把真情瞞自己。  
安排假面對他人。奴家丁憐憐。昨蒙帥公子呼喚。爲  
賠官身不得閒。今日望他去。入介來到他書房。怎這  
等靜悄悄地。見介呀。他還睡著哩。待叫醒他。大爺大  
爺。丑驚樓貼介美人心肝。你來了。貼笑介大爺著鬼  
了。甚麼美人心肝。丑呀。元來是憐娘。我昨叫你。你怎

麼不來。貼昨日爲賠官身故。此今日纔來看大爺。大  
爺你心下怎這等惶惶的。丑小子心下只想個老婆。  
憐娘。我問你。你出入豪家。曾見真有像這畫中的美  
人麼。貼看介怎麼沒有。只如這嬌娘呵。奴家聞的他  
金蓮半折。美貌多姿。兼以詞章翰墨。無出其右。所入  
畫中的。未能寫其一二。以此女實之。想其他皆然也。  
玉抱肚。佳人嬌幼。粉香生。梨花韵幽。似高唐暮雨朝  
雲。巧丹青難描難就。畫圖中幾般兒。畫不出他美風  
流。果然是高占人間第一籌。丑依憐娘說。世間果有



此女我就求婚于他。

前腔難描難就這嬌娘今時罕有果然是賽得過天上嫦娥更說甚做人間仕女班頭小子今世呵果若得吹簫同上鳳凰樓把今後從前一筆勾貼只一件此女容貌雖美聞他已有外遇恐非全身不若就這美人中另揀一個。

江兒水解語如花貌論人間兀自有這嬌娘呵他一枝已折他人手青青不似當時舊春光盡向章臺漏說與您知心韓壽要結鴛鴦怕少甚好人家的閨秀丑看來畫中的美人也都不如他娶老婆似此也勾了別的管甚麼。

川撥棹他國色天生就我姻緣成好逑但得他肯配風流但得他肯配風流更說甚條枝嫩柔便道似落殘花趁水流俺做漁郎待怎休貼背云果如此却是我誤了申生呵轉介大爺你是豪門貴客。

前腔須是要折取花枝第一籌怎去拾殘香左壁頭丑這也何妨只要標致呵就如你妓館紅樓就如你妓館紅樓也都搭上鸞交鳳儔便道似落殘花趁水。



流、俺、做、漁、郎、待、怎、休、貼這等公子甘心做龜子了、丑  
如今這等的儘多、我明日央人和老爺說、就去求親  
便了、

尾聲我冤靈已飛向粧臺右、則願得今日呵、等時成  
就、和他倒鳳顛鸞把夙債酬、

貼生綃四壁美人圖、

丑小小風流偏屬藕、

若得與他成配偶、

勝如折桂上雲衢、

第三十一齣要盟

十二時旦上前恨何時遣忽地的重添幽怨薄倖相

方能作此

如輕離熱閃枉教人心裏自淹煎瘦却柳腰一線清  
平樂深深院宇睡起思千縷暗想當時情已去一霎  
飛雲過雨○看他雙燕歸來幾番敲斷金釵冷落前  
花開盡新花別照亭苔奴自以身許申生不料申生  
心變有負前盟夙昔衷腸幾欲付之流水思量好恨  
人也

集賢賓風花影裡啼杜鵑喚春閨怨恨無邊翠壓春  
山雙黛淺幾番兒記起從前雕欄倚遍不禁的柔腸  
千轉殘粧面空界破兩條紅線我想古來如張琪別



聘韋娘。李益重婚盧氏。男子負心。似此儘多。然亦皆  
兩載三年。留滯他鄉。纔有此事。未有轉眼。負心如申  
生的呵。

梧桐樹。犯花容。未改前不道。郎情變。一夜霜風。忽地  
成秋苑。則那埜花。偏得東君戀。長向粧樓。圖錦綉。俺  
自把床頭。繡衾餘香捲。寶鏡香奩。都變做了。淒涼。統  
扇。

金梧繫山羊。冰弦和泪傳。寫不出俺胸中。怨悶倚牙  
床。沒的尋思。遍襟情。誰似他轉眼。心腸變。悔却當初。

錯把盟香。展淹煎。淚花兒。澆向天。堪憐。則索展餘衾。  
空自眠。我今無可消遣。只向床裡。睡著些兒罷。睡介  
生上。

梧葉兒。青衫濕。淚痕斑。衷腸事。向誰言。閒庭踏盡空  
廊。遶遍。拜告天天。怎得個佳人意。轉千恨。萬恨。只恨  
我不自小心。遺下綉鞋。致令小姐見怪。今日覓便到  
小姐房中。說明衷曲去。行介。往時到此。小姐喜笑相  
迎。今空幃冷落。想他還只睡着也。呀。窓上有詩在此。  
讀介。灰篆香難炷。風花影易移。徘徊無限意。空作斷



腸詩。嘆介小姐呵。

黃鶯兒。你詩賦斷腸篇。淚班班。成翠蘚。歡娛剛好生。  
悲怨。香銷篆烟。花飄錦綢。俺裏腸萬折應難辨。問蒼  
天。何緣間阻。風浪起平川。撫旦背介。姐姐何晝寢于  
此。旦起怒介。此乃妹子臥室。兄無事何以到此。生揖  
云。是小生得罪了。小生一言請問。再會以來。多蒙厚  
愛。邇日形迹間。不能不爲所棄。何今昔異志乎。旦不  
答。介生。小生既爲所棄。自分薄劣。不敢再造粧臺。但  
見棄之因。亦乞明示。旦淚介。妾昔與兄。恩情不薄。不

白描麗情  
委折如訴  
文章化境  
豈人所爲

道。一旦遂成捐棄。今者君棄妾耳。妾何敢棄君。

猶兒墜玉枝。想當日花天月地。兩兩結盟言。道則個

地。老天荒情意堅。誰料週年半載。和你不得永團圓。

這還是郎心變也。還是奴心變。則索呵。請先生自言。

則索呵。請先生自言。生。小生怎敢有變。還是你女孩

家情意不。又反怨于我也。旦嘆介。這也隨你說罷了。

金絡索。你慢道女孩家情意偏。驀地多更變。自古道

痴心女。負心漢。這對軸頭兒。兩下相廝見。怎得個成

雙到老年。生。小生有誓。生則同衾。死則同穴。旦我永



夢  
中  
你

也不、敢、望、了、再、休、言。你、自、向、花、前、闥、錦、箋。你、自、今、生、  
即、世、別、去、成、姻、契。你、自、移、却、紅、絲、向、好、處、牽。我、則、冷、  
清、清、守、着、個、綉、枕、兒。閑、消、遣、休、道、是、青、霄、白、日、夢、覓、  
邊、便、一、霎、兒。歎、向、黃、泉、淚介也再、世、與、你、與、你、的、不、  
願、重、相、面。生小、生、若、有、二、心、有、如、此、日、且、問、姐、姐、何、  
事、如、此、疑、我、乞、望、明、言。小、生、歎、亦、瞋、目、旦嘆介兄、豈、  
不、自、知、何、待、妾、言。兄、偶、遺、鞋、飛、紅、得、之、飛、紅、偶、遺、詞、  
兄、且、得、之、天、下、偶、然、之、事、何、多、之、甚、耶、

難、破、簇、御、林。做、來、事、忒、偶、然。不、料、偶、然、重、偶、然。你、綉、

何須叨叨  
問一語無  
眼機巧此  
曲可以婉  
笑

鞋、他、拾、在、書、齋。他、詩、柬、你、拾、向、花、前。您、兩、個、呵、真、乃、  
是、天、緣、遇、合、應、非、淺。我、便、把、恩、情、斷、却、斷、却、終、無、怨、  
幸、愛、新、人。無、以、妾、爲、念、也。囑、付、你、自、情、專、休、憐、故、寵、  
阻、隔、好、姻、緣。生仰、天、大、嘆、介怪、道、你、日、來、深、恨、下、我、  
原、來、却、爲、飛、紅、之、故、

黃、鶯、兒、提、起、最、堪、憐。我、衷、腸、除、問、天。你、芳、心、一、點、應、  
須、轉、空、亭、月、前。祇、林、樹、邊。我、怎、肯、等、閒、忘、却、東、君、面、  
如、今、隨、我、怎、麼、說。你、總、也、不、信。當、于、霧、神、前、賭、下、一、  
個、大、誓、如、何。牽旦衣、介、和、你、並、香、肩。將、千、愁、萬、恨、訴、



與舊啼鵲。旦回笑介。君果然麼。生。怎不果然。旦。若然。後園中池。正望明靈大王之祠。此神聰明正直。叩之無不響應。今當仝祠大誓。我纔信着你。生。如此便去。想明靈大王。定知我心也。仝行拜介。生。小生申純。旦。奴家王嬌。仝云。念我兩人。形分義合。生不同辰。夙願同夕。在天爲比翼之鳥。在地作連理之枝。暮暮朝朝。不暫離。生生世世。無相棄。祝英臺畔。千年石。但隨暑往寒來。山伯墳頭。百尺碑。一任風吹雨洒。鬼入土而。成碧。長弘之血。猶腥。冤對月以長號。望帝之靈。不老。

詞可擬  
諸小

兩情若舊。片語如新。女若負男。墜沉淪于永劫。男若負女。立誅殛于震霆。皇天后地。實聞此言。赫赫神靈。望垂明鑒。同拜起唱。

前腔。低首拜神前。辦真誠。鐵石堅。閒花媚柳。無情戀。今生枕邊。來生石邊。做的個鴛鴦同塚。心懽懽。負盟言。靈神鑒取。早歿葬黃泉。旦拜生介。感郎情重。賤妾一時不察。錯怪于郎也。俺兩人呵。

四犯黃鶯兒。並口說盟言。美恩情。勝似前。想老天公。定也從人願。來年去年。衾邊枕邊。揀三生記取。這神



前愿夜夜朝朝兩情不變化作雙飛紫燕（生）小生只  
爲遺鞋拾箋兩事開罪于姐姐若非姐姐說明衷腸  
可甚時得個明白也

前腔想起這惡姻緣淚潸潸滴向穿似這般離鸞別  
鳳生悲怨我則道今生影邊來生夢邊永無緣再睹  
我多情面。幸喜今日恩情重。見恨不把玉體兒團成。  
一片（生旦）携手同唱

尾聲此情兩下成繾綣則願做夫妻百年歡宴。今日  
這恩情離而復合可正是昔時韓玉簫呵重結着韋

郎未了緣

（生）此情訴與鬼神知。  
（旦）地久天長誓不離。  
莫似當時輕間阻。  
令人還賦斷腸詩。

第三十二齣紅構

本伯時畫  
爲識者愁  
以墜馬腹  
以其神  
意俱似耳  
作者描情  
至此當是  
外緣前業

一封書貼上開簾霧氣清。看繁花照眼明。侵堦草色  
青。助春遊。將蓮步擎。日轉空庭人影靜。忽聽黃鸝啼  
數聲。呀。那來的是申生也。俊書生。我爲你逗春情。幾  
次花前陪笑迎。

前腔（生上）韶華入錦亭。壓春愁。人未醒。空堦款步行。



踏香塵。春草青。晝永牕前烟篆冷。貼喚介申生生聽  
介忽聽嬌鶯啼一聲。貼又喚介申生那裡去。生覷介  
元來是飛紅叫。我且佯作不聞。轉後花園去罷。暗  
心驚。轉翠屏。又則怕洩漏春光過武陵。下貼呀申生  
明見我在此。佯然不采去了。我想申生。候落子我。皆  
只爲着小姐。小姐呵。你前日失鞋事。被你瞞過了。今  
後再有甚事。我徑說與奶奶知道。倒替你愁哩。正是  
春風有恨。他尋我。秋月無情。我戀他。下旦上  
卜笑子。晝永香閨靜。日照紗牕影。睡起看花。倍可憎。

紅蠟殘。脂冷。搗練子。情脉脉。思依依。夜夜燒香拜子  
規。舊恨新歡。人不覺。暗中只有兩心知。我自與申生  
盟誓之後。兩下情好倍甚。今春閒無事。意欲緩步尋  
芳。只恨不得。郎爲伴。行介

金梧桐。春來繡戶輕。滿眼花枝映。爲怕花飛。踏遍芳  
紅。這春色與去年總一般也。年年淑景來。歲歲因  
他病。不見俺情郎。減却了。尋春興。枉教人辜負良風  
景。生上俺躲過飛紅。行來到此。呀。前面牡丹叢畔。跔  
視凝睇的。恰是小姐哩。



東甌令雕欄畔。六曲屏。驀見佳人獨自凭。看他濃粧、  
淡抹、皆妍靚。倚翠柳。將身映。欲言不語、百媚生。見介  
旦獨步芳園。喜兄到此。生則見他含笑喜相迎。旦今  
日喜的丫鬟們俱和俺娘親在中庭有事。兄既到此。  
可全我園中同步一會。生小生奉陪。姐姐你覲名園  
寂寂悄無踪。旦墮堦縈蘚舞愁紅。生賦粉半拈金靨。  
子旦煖香猶滿繡薰籠。

皂羅袍滿目韶光爭盛。喜園林靜悄。好鳥和鳴。嫣紅  
嫩紫列芳屏。殘英遍地。臙脂冷。春風過。影花香細。生

朝霞伍映。紅粧倍明。行來處處撩人興。生對此好景。  
不覺春情頓起呵。

總則真怨

喜則真喜

真宰自爲

非關想像

大聖樂綽羅衣。楊柳風輕。臉微酡。心半醒。牽旦永介

我和你潛踪悄悄穿芳徑。旦那里去。生前面百花軒

畔。淡隱無人。趁着那草鋪繡葉成茵。百花影裡交鶯。

頸。可正是好處相逢。情思增。旦說也羞人。放尊重些。

生覲他如嗔似喜。佯推半領。早把人掉了。魂靈

前腔。生搜旦推介。囑東君且自消停。生這里無人見

也不妨。旦羞答答有天顰待怎。生生小生情至。不能



其風流人

兩人夫婦  
姻緣已盡  
于此此一

曲心唇之  
交莫看等  
閒

所喜之餘  
忽生悲痛  
乃見真情

悲復生喜  
轉更無聊  
可爲曲盡  
精致

自己且自古道風流不在成歡幸生不成怎當得且  
他那里熱厮纏我冷叮寧生叮寧些甚麼且妾醜陋  
之質固不敢辭但慮雨雲初交歡會方密情狀昏迷  
萬一卒有人至使妾無容身之地可怕雲迷雨戀情  
難勝鳥鳴且驚介兀的不有人來也生放旦介且聽  
枝頭上鳥送嬌音心暗驚郎休急性兀那花陰左側  
有個人聽生那里有人却是鳥聲打斷一天好興還  
有一件我和你既盟爲夫婦今後休得再以兄妹相  
稱趁此無人之處先厮喚一聲嬌娘我的妻且應介

生妻你也叫我一聲旦低叫介申郎夫生應且淚介  
解三醒可正是鳳呼鸞應兩下裡相敬相親猛教人  
歡娛極處生悲哽生嬌娘妻你怎弔下淚來旦我和  
你既相愛恨不得早相成枉則是說裏腸一說一個  
天兒瞋則這兩字夫妻尚兀無準誠還思省空則向  
花前携手語笑同行生論我和你呵

前腔似這交飛鸞鳳影也當的秦女吹簫樓上聲掩  
淚介我則在淒涼盡處思歡慶拭旦淚介我和你既  
相愛不在早相成把夫妻兩字世世牢相訂鈿盒金



釵表志誠。今日里厮候。花前携手笑語同行。旦申  
郎。你果不負所盟。奴死亦瞑目也。生盟言在昔。今日  
不索重題。致生悲感。且趁此好景。茶蘼架外一玩去。  
攜手行介。

掉角兒。早行過芙蓉翠屏。又來到茶蘼香徑。曲欄邊  
幾般兒野草開花也。解的一般般並頭相映。我與你  
兩心堅。揀今世待來生相厮並。合歡雙慶雲亭樹影。  
花亭鳥聲助遊人。懽情樂事許多情興。貼上窺介。小  
姐和申生在此何幹。我去請奶奶來觀破他。下旦在  
此許久。怕有人瞧見。回去罷。生多聚半刻也好。且再  
到別園中一看去。

一過

尾聲。遊春不盡春遊興。行過風亭共水亭。還再則與  
你走向銀塘雙照影。下內貼云。天氣晴暄。牡丹盛開。  
奶奶請去一看。外旦貼全上。

憶多嬌。草又青花又明。一度一年好處生。老眼看花  
空涕零。轉過前亭。轉過前亭。早見風吹落英。指花介  
這牡丹開的恁早也。生旦携手上介。  
前腔。花氣清。花色明。人面如花分外傳。倦這一對美。



小夫妻在這、荅花、逕行、枝上流鶯、枝上流鶯、叫得遊人倦聽。見外旦生急奔下。外旦嬌娘、你女孩家不在繡房中來此怎的。旦孩兒在繡房中坐久、身子困倦、來此看花消遣。外旦哎、你女孩家豈可晝靜獨行無人之地。

闌黑嘛、冷澹園林、雲迷霧凝、四下悄無人、鼕鼕滿庭、花妖魅、柳精靈、倘若觸着些兒、教娘怎生。旦孩兒以後再不敢了。外旦要行也須丫鬟們爲伴、便做是春光惱情、看花過艸亭、小女孩家、小女孩家、怎少的梅

香伴行。貼小姐呵、

前腔  
前卷  
數落

前腔、你魃出香閨、閑看繡英、若不是夫人親來觀明、又則道是鶯惹事、燕知情、小賤人呵、拖逗娘行、胡行、亂登、這園林晝冥、小姐你休將千金體自輕、若要尋芳、若要尋芳、少不得梅香伴行。外旦哇、賤人、誰要你插嘴、你且送小姐歸繡房里去。旦同貼下。外旦看旦下。介日來見女孩兒、言語態度非常、心下好生疑他、今同申生在此、四下無人、敢做下甚事來、明日只打發申生回去罷、正是欲防蜂蝶探花信、好把紗幮繫



護持下

第二十三齣 愧別

步步取痛  
步步着實  
擲掌見血  
與琵琶記  
異曲同工

女冠子生上無端招引旁人妬情寂寞影蕭疎幾番  
兒倚遍欄杆玉筭則是不如歸去好事多磨成又敗  
相看冷眼誰依係五湖風月轉頭空何時了却鴛鴦  
債昨在園中爲飛紅所賣只得告辭舅姪回去俺舅  
氏尚有徘徊之意姪意略不相留則索飄然了嘆介  
但今去後怎得再見俺小姐爲此展轉延挨欲與一  
訣而去思量好恨人也旦上

哭相思一夜狂風春事阻空歷亂紅無數天呵您害  
得俺愁人忒狠毒腸斷也甚時續聽得申生辭我爹  
娘回去想他也只出于無奈今悄出相別來此是他  
書房也見生泣介我和你歡好方新風波忽起此雖  
飛紅賤人所爲實亦一時緣分所致天呵天呵我王  
嬌娘直恁般兒命薄也生亦泣介古云好事多磨不  
信我和你直恁般兒遭磨折也呵

五更轉芳艸涯斜陽暮聽啼鵲血淚枯他聲聲抵死  
抵死的催人去幾次三番欲留難住磚填塞水漲滿

說來哽咽  
盡情



桃源渡。想今宵。夢醒。夢醒。人何處。萬種淒涼。向誰分

訴旦

前腔。淚泠泠。千行雨。一般般。腸斷無聽道。一聲去也。眼見的。真個。拋人去。萬想千思。留郎不住。似這等惡分離。苦間阻。藍橋路。便安排好。夢好。夢也無尋處。只落得。恨壓眉尖。把滿天愁蹙。生恨殺飛紅離間。致有此事。

前腔。硬劈開。連枝樹。生分比。目魚。嬌花。朶幾番兒。被却狂風妬。零落堦前。半成塵土。這都是。前生怨。卽世

冤。厮相遇。鴛鴦簿上。簿上把孤辰註。今後淒涼。正當天數。旦雖是飛紅賤人。隔斷姻緣。我今倒不怨他。生不怨他。怨誰。旦我倒只慮着你呵。

前腔。自古道。好事兒。多艱阻。我則問。春光還到無。痛煞煞。香魂暗逐。流年去。囑付東君。舊情休負。似這等輕拋閃。易摘離。難相聚。今番去也。去也。怎把來期數。做的個。缺月重圓。斷弦再續。生眼前事勢如此。後來相會。何可預料。

前腔。恨匆匆。離別去。怕從今。相會疎。姐姐呵。你自向



銀屏翠幃重重護我自向楊柳灘頭蘆花津渡明月  
底烟水邊無尋處做的個三生夢斷夢斷重來路好  
事良緣蚤難如故。旦可不道山川有隔此情難隔只  
要你心長記憶求便再來勿以疑間遂成永棄使他  
人得計也。

前腔休爲奴添悽楚。覽青銅長嘆吁把六朝粉黛都  
收去。則願的兩下衷腸休同朝露盼着門前馬陌上  
車重來處停春閣上花如故死死生生同衾同墓。爭  
上旦避介爭一曲離歌催去馬三盃苦酒送行人申

官人行李完了麼老爺明早有公宴奶奶身子不快  
不及送行特備盤費在此教官人要行卽行不必相  
別了。生曉得了你自去回覆老爺奶奶。爭理會得下  
旦見生生適纔院子不是來送盤費分明是催我起  
身我如今再難少停了只得就此拜別泣拜介旦俺  
娘好狠心也妾有一辭送郎郎見之如見妾也出詞  
生讀介豈菟梢頭春意闌風滿前山雨滿前山杜鵑  
啼血五更殘花不禁寒人不禁寒離合悲歡事幾般  
離有悲歡合有悲歡別時容易見時難怕唱陽關莫



唱陽關。生淚介。姐姐此詞。小生當日存襟臆也。旦郎  
今去後。妾此身亦不知如何也。

香羅帶。從今後。鬢雲兒懶待梳。繡花兒懶待模。是則  
是吹簫月明。鸞鳳孤。俺向春眠帳裏。盼着個夢和書。  
也。還將後日遙想當初。梨花擲處。同擁爐。受了萬種  
相思恨。甫博得情意孚。不道一夜東風。綠樹紅顏都  
是虛。生事已到此。還望姐姐善自將息。以須後會。旦  
郎此去轉眼。是秋榜之期。只願一舉高登。重遣求婚。  
或俺爹爹見許也。未可知。生功名成否在天。但姐姐

淡情。小生斷不敢忘也。

前腔。我不怕功名兩字無。只怕姻緣一世虛。青衫數  
行血淚枯。聽陽關剛唱一聲初也。遙岑落日。野禽亂  
呼。淒涼往事。夢不如。俺如今身去心不去。你好將愁  
恨除。若得你長住。花容少不得掘地通天定。要使你  
重會吾。旦感郎厚意。妾當忍死以待。生小生送姐姐  
到庭畔。別又止介。旦泣云。申郎。你真去也。

尾聲。真去也。愁千縷。天涯何處故人疎。申郎。你有便  
書也。寄一封兒。生咳。姐姐你在溪閨之內。我還則怕。

看到申郎你真  
去也。句。不覺  
人腸斷。

臨別之時。說到  
此去。淚之理。眼將  
穿。不分。之。有。



每結語深  
情無限

雁。春。深。聞。教。我。難。寄。書。

繡窻私語便傾心

可奈桃源香徑裡

生

擬共乘鸞上碧岑

亂紅飛阻夢難尋

第三十四齣客請

七娘子外上西藩獨鎮權非小拜門牆文官武察一

子痴頑病軀難保教人日夜縈懷抱一家世世掛朱

衣威聲遠播夜郎西富貴勲名今已極只愁膝下少

佳兒某久制西邊威權素著前番兵犯境飽掠而去

內外大臣皆欲借名陞賞爲此加某太尉職銜兼賜

勢劍銅荆有事先斬後聞文武官寮盡出吾下吾生

威福可爲盛矣但我膝下單有一子年過弱冠每與

議婚屢推不就不知何意今又卧病不起使我好生

憂疑有馬小三戈小十兩個專一跟他走動定知病

起根原左右可喚來問他喚二淨上

字字雙我做帮閒職業高林笑輕衫小帽會粧么熟

套豪奴惡少盡相交同調捧脰呵外不辭勞身靠俺

大爺意下要娶那嬌娘爲妻叫我兩個去對老爺說

看我兩個大體面怎對老爺說的今老爺來喚或者



問起這椿，我們乘機進說，若得成就，大爺這場臺舉，可不小哩。見叩頭介外你兩個整日跟在大爺身傍，怎把大爺弄得這等了。

划銀令都是你這夥，幫閒鑽懶奴儕料，逗得大爺呵，歌樓酒館亂胡哨。二淨在下兩個怎敢外若不呵，爲甚麼今日病蹊蹊，懨懨害倒，身如火燒，醫藥怎療。你說與我，根絲病苗。二淨不瞞老爺說，大爺致病，是有緣故，那日呵。

前腔，驀然見個多嬌額，般般生得真波俏。大爺一見，火發，心頭強難熬。大爺有誓，要娶一絕色婦人爲妻，今生呵，定要與他，鸞顛鳳倒。只爲老爺在邊上，干戈未消，婚姻未到，因此上，三焦病染，恰似淹煎害癆。外怒介，原來這等，真是可惱。

前腔，俺這裡高門甲第連雲嶠，那凡雞怎入鳳凰巢。前張叅爺，李都爺小姐，都許咏桃夭。太爺呵，尚兀自佯推不要。這女子料不過是，關花野蕩，難諧世好。你兩個去說與大爺道，將息病好，俺把良緣別選，完成鳳交。二淨老爺道，這女子是誰，就是那眉州王通判



的女兒名喚嬌娘、才貌非常、王孫公子、俱要求婚、因他父親在眉州、故此未曾許人、

前腔他家閨閣雖然小、則文班武職也堪調、女色更妖嬈、久嫺姆教、堪成鳳交、老爺若要老爺的心頭恙、好、則除娶他爲配、方得這腌臢病消、外我也聞得此女果好、你就說與大爺知道、那王通判任已將滿、待開來、就着你兩個去求親便了、下二淨好了、老爺已允此婚必成、我們去對大爺說、他這場歡喜、真不當要哩、

走朱門慣爲鷹犬、

美花唇撮合鸞凰、

待公子已成花燭、

帶挈我共飲霞觴、

第三十五齣贈佩

臨江僊外老旦上昨日音書來報喜、他家早已榮歸、

小生生上小生忙排樽罍遠相期、生知他何日到、暗

裡自思惟、外昨阿舅差人來說、任滿改調、打從這裡

經過、憑限緊急、家眷人多、不便入城停閣、約我們郵

亭一見、未知酒果完備了麼、我們快到郊外迎候去、

二生酒果早備、即可起行、全下旦引車子上自眉州

玉人寫照  
境傳情  
化工之筆



起行到此。一路風塵。好勞頓也呵。

香柳娘。恨車輪馬蹄。恨車輪馬蹄。輾人心碎。看秋花。不似我容顏。悴過山高水低。過山高水低。生小住香閨。怎禁這勞瘁。况淒涼旅旅。况淒涼旅旅。孤篷亂飛。教我愁懷難悉。下貼丑全車上小姐車子前行。我們隨後而來。一路上景致好看也呵。

前腔。聽車聲馬嘶。聽車聲馬嘶。暗塵風起。南來北往。人如織。過前村後溪。過前村後溪。樹色映斜暉。偷開繡簾視。列青山翠圍。列青山翠圍。雕輪緊隨。恰便似

人遊圖裡。下末外旦引衆車子上。離眉州數日。將次到成都也呵。

前腔。住眉州幾時。住眉州幾時。夢魂猶繫。嘆無端。又渡桑乾水。我心中暗悲。我心中暗悲。一去永相離。回看數行淚。衆稟介前面驛前有爺親戚相候哩。末快到驛前相見。向河橋驛裡。向河橋驛裡。朝東暮西。宦遊如寄。外老旦二生同上見介。一別相將已數年。末外旦。今朝重會路塗間。合夢中自是長相憶。猶言容顏盡似前。



前腔想別來幾時想別來幾時面顏如昔外老舅榮  
轉老夫特來把盞郵亭把酒談胸臆老二外甥連年  
在衙內打攪深愧不當末外旦自家骨肉說甚打攪  
老百一姐怎不到末外旦路上停留不便已打發前  
行不及來見姑娘我們卽刻也要別了外老二生再  
消停半晌且寬懷這盃且寬懷這盃此地再相離重  
逢在何日外旦我們去罷天色將晚女孩兒們等久  
了不便合看疎林落暉看疎林落暉將人緊催切休  
留滯外老旦這等我們且告別申純再送舅姪一程

圓來草草離亭數盃酒送盡東西南北人全小生下  
末前邊車子多遠了衆約數里了末快趕上去忙把  
玉鞭催駿馬恐防野樹晚烟迷全衆下生此來專欲  
一見小姐誰知他車子已先行了不免從小路趕上  
去正是欲隨彩鳳歸天上恨不身生兩翅飛下旦引  
車子上聞說申郎迎見俺爹娘于郵亭之上俺欲見  
他一面也不能勾好想殺人也

前腔恨孤身慘悽恨孤身慘悽望着那人不至愁懷  
似海深無底生急上前面那輛車子是小姐的幸喜



別的車子未到、不免闖上去、曳簾相見、叫介姐姐、申  
純在此、旦應掩淚介、申郎你來也、生猛傷嗟痛悲、猛  
傷嗟痛悲、未語淚先垂、相看兩心碎、旦遇郎之後、  
日爲別、不能堪處、况今動是經年、遠及千里、思郎之  
切、安保後日復相見乎、妾或垂首瞑目、骨化形銷、郎  
將別尋佳配、枕邊恩愛、悉已付之他人了、怕形銷骨  
毀、怕形銷骨毀、恁時節、呵、花眠柳迷、把恩情都棄、生  
姐姐你還不知我心也、

前腔、想神靈鑒茲、想神靈鑒茲、我和你一般情意、生

點然

生世世無拋棄、旦若然、妾荷郎之恩、便死而無怨也、

感情深意美、感情深意美、便做道、骨冷怕成灰、幽魂

永相繫、車子催云、天色晚了、快赶路去、旦欲語征夫

催去忙、臨歧分袂、轉情傷、不堪千里三年別、恨說仙

家、日月長、妾今與郎相別、未知後會何時、香佩一枚、

內有金綃團鳳、以真珠百粒、約爲同心結、謹以贈君、

君見物思人可也、得暇可乘便一來、勿以地遠爲辭、

恨征夫緊催、恨征夫緊催、匆匆別離、記取這同心香

佩、下生哭介、小姐去了、我待再赶上呵、



前腔望前山霧迷。望前山霧迷。把香車遮蔽。飛魂逐影飄千里。赶不上了。只得回去罷。轉空房。慘。慘。轉空房。慘。慘。人去。楚。天。涯。夢。中。怎。相。覓。聽。寒。蛩。四。壁。聽。寒蛩。四。壁。知。他。爲。誰。一。般。愁。戚。

尾聲臨岐分袂添愁淚。今後相思倍往日。我則看了這同心香佩呵。當做人兒把我這情事悉。

隔別佳人烟水湄。

欲尋好夢遠相隨。

還愁路阻天台杳。

夢裡如何一見之。

第三十六齣赴試

借他人酒  
盪流自己  
魂壘

醉落魄

末淨同上

末

蛟龍入在池中隱。一聲雷震滿

川。桃浪紅生。暈淨。競躍天門。方顯舊精神。

前腔

生小生全上

小生

十年牕下無人問。喜逢佳運。

同趨帝闕探花信。

生

回首粧樓暗裡。自傷神。三年一

度選場開。

小生

四海羣英入彀來。

末

只恐主司多朦

朧。

淨。却拋駿馬拾駑駘。

末淨

我們全行赴選。個個摩

拳擦掌。自謂大將可得。厚卿兄。獨有不豫之色。何也。

小生舍弟一路鬱鬱不樂。諸兄可以一言相解。末似

厚卿兄才學取功名如拾芥。何乃鬱鬱如此。淨正是。



厚卿才學高強。解元在荷包裡的東西。不用憂疑。生諸兄學業高遠。危中可必。小弟荒唐淺陋。自分其落孫山。此行只勉步後塵耳。一路風物蕭條。不勝愁悶。更有何念及于功名也。

入聲。甘州歌。千愁萬恨。想當初相遇。賦雨嬌雲。殘紅飛處。隔斷一年春信。秋光已老。雙鬢影。客路淒淒重斷魂。合疎楊下。日半暝。寒蟬哀咽。不堪聞。功名事。休待論。儼將心事問東君。小生兄弟。看你神情恍惚。鬱鬱似有所思。移此心鏖戰文場。自然高中。那時何求。

而不得也。

前腔。文章邁等倫。想此去辭場鏖戰。墨香成陣。龍蛇現影。縱筆掃盡千軍。官花兩朶。雙插鬢。軟帶圍腰掛綠雲。合披香殿。簫鼓殷春風。喧滿六街塵。紅樓上。語笑新絲球。爭擲少年人。末自來戴紗帽的。不曉文章。只曉勢利。依小弟看來。勢又不如利。有了利勢。也有了。如今父兄要子弟做官。不消教他讀書。只自家掙銀子。銀子掙得多。舉人進士也好。世襲了。

前腔。昭文館閉門。便長沙哭倒。誰飲誰問。鳳凰池上。



立着一隊不識字獼猴。妳腥胎髮猶尚存。說地談天  
胡論文。合登高第。居要津。幾曾都是讀書人。錢財少。  
才學真。到頭終老做劉蕢。淨老兄說是如此說。難道  
一榜中都是有勢有利的人。占了。只要天來。湊我。便  
孤寒人不消。文字好一般。也爲錯。去像小弟。這們不  
濟的。未必不中正。古人所爲。時也。命也。運也。數也。  
前腔。時來總莫論。論吾儕何必。文林豪俊。此去看花  
上苑。平步踏上層雲。天香惹得。衣袖氤。爛醉佳人紅  
錦裙。合貂裘染京洛。塵蘇秦。原是舊蘇秦。今日裡。金

近日士大  
夫更甚

魚佩彩色新榮歸。衣錦傲親隣。衆老兄說的甚當。只  
中了時。難道不想做些聖賢事業。只做親隣罷了。淨  
如今世上。那有聖賢。舉人便是賢者。進士便是聖人。  
做到大官。也只造些房兒。佔些田兒。娶些妾兒。寫些  
大字帖兒。裝些假道學腔兒。父兄子弟們。使些勢兒。  
罷了。衆此論倒也真的。長安已近。且各歸寓中。準備  
進場去。  
餘文。望官闕。蓬萊近。飄飄獻賦欲凌雲。我們呵。可正  
是玉筍班中一會人。



生歷盡風塵道路賒

生小紛紛傑士滿公車

未就中誰是強中手

生爭折取月中第一花

第三十七齣喜賀

生查子外老旦上外喜氣上眉心不似今朝甚老旦

聞道兩孩兒俱已身衣錦外家無田產不須憂老有

好兒孫方是福外巍巍科甲兩同登老看取全家食

天祿外長子申綸次子申純同往應試春秋兩榜俱

登高第大孩兒授綿州主簿二孩兒以兼通弓箭升

授洋州司戶今皆歸家待次安人可着人打掃戶庭

待孩兒們到也二生冠帶侍從上

臨江梅小生兄弟雙雙歸畫錦一時聲重南金生高

山深水共登臨爲憶親心聊慰親心見拜介小生朝

辭白屋謁金門生一舉成名天下聞老果是讀書身

發跡外皇天不負苦心人幸喜兩兒高第又得美除

真家門之幸也昨夜呵

玉芙蓉燈花報好音你兄弟雙歸錦看親隣四壁個

個懽欣榮宗耀祖蒙恩蔭故使文章遇賞音合還思

您朝攻暮吟喜到而今遂却讀書心二生孩兒兩人



偶爾中選、上叨天地之恩、下賴父母之庇、

前腔宮花兩鬢簪。釋褐身衣錦。說甚麼文章字字。價值千金。想昔年落魄。今朝恁不是文章。不似今此皆是叨親蔭。文場共臨。孩兒兄弟呵。奏瑤琴。偶爾會知音。淨上貧居同里。無相識。貴在他鄉有遠親。我老爺看登科記。見申家二位官人得第。差我來賀喜。此間已是了。不免徑進去。見介恭喜二位相公登第。老爺特遣院子來賀喜。俺家老爺呵、

簇御林看了登科記。喜氣侵。託親姻。寵庇深。道是二

位相公呵。雙雙姓字標雲錦。特地把青鸞任。捧泥金。攔門賀喜。表取故人心。外老旦生受你遠來了。淨老爺還有話。二位相公。雖已榮授。如瓜期未及。幸一過款。使蓬戶生輝也。生舅有命。召兄宜一行。小生父母在不遠遊。然舅姑所命。亦不可違。長子克家。弟固當往。外老旦孩兒。你一向在舅家相擾。如今該的去拜謝。生孩兒知道。念孩兒呵、

前腔剛則辭京輦。歸故林。又待別高堂。將塗路臨朝。朝暮暮奔馳甚。外老旦你瓜期可也不遠了。春將近



待要榮之任。合莫留沉、歸鞭疾整。我這里早自盼回音。

生辭別尊前整玉轡。

夢魂猶自遶庭幃。

合須知此去遙相憶。

莫滯他鄉音信稀。

第三十八齣榮啓

西地錦末上繡幌斜迎日色。數枝花影橫堦。簷前鵲語忙催煞。未知好客誰來。窻外日光彈指過庭前。花影暗中移。我前遣院子去賀二甥。兼召他同來。如何目下還未見到也。生冠帶同淨上。

夜行船綠柳長亭妨翠蓋。騎瘦馬遠走天涯。心急行遲。玉人何在。目斷五雲天外。小生與小姐間別許久。今蒙舅氏遣召。特地前來。以圖一面。來此已是了。生入見介尊前間別已年餘。末雙鯉迢迢空寄書。生今日相逢渾似舊。末喜看平步躡雲衢。賢甥你兄弟同登高第。老夫不勝喜躍。

玉交枝你文場喝采。羨雙雙名傳六街。讀書人子却了讀書債。平步拔出塵埃。軒車繡旗踏地來。親隣遠近。生光彩。不絲人喜顏滿腮。不絲人歡情滿懷。生此



皆舅舅福庇量小甥兄弟呵

前腔年來無賴幸今時雙飛鳳臺說甚麼男兒自有  
凌雲槩則俺劣書生豈是仙才功名一朝平地來偶  
然得附蟾宮客筭都是祖宗分該筭都是天公命排  
末二哥何下同來生老親在堂特留看待別後舅姪  
及賢妹俱往勝麼末都也平安院子請奶奶和小姐  
出來相見外旦同旦上見介生舅母在上容小甥拜  
謝外旦三哥途中勞頓免勞下拜

前腔聞知你看花南陌又重承驅馳遠來奔波道路

多勞憊拂不去兩鬢黃埃末先將酒來洗塵淨斟酒  
介香醪數盃澆客懷明宵重整華筵待向東軒把行  
裝打開將路途間塵勞解劃旦視生背介

前腔我與他別離一載鎖修眉何曾暫開今日個雙  
雙對立在臺堦側訴不出半字情懷相看不言心暗  
猜眼前如隔巫山外知甚日歡情早諧掩淚介怕入  
睵愁顏怎擡下外旦三哥遠來勞倦廳事東邊已打  
掃下靜室可以暫息生多謝舅姪末外旦

隔尾東軒側畔多瀟灑阻隔中庭如海生我則夢魂



見呵、還飛、傷玉鏡粧臺、末外旦、全下、生來到寓室、好  
寂靜也、這分明是、姦心疑我、特阻隔我在外、適纔與  
小姐彼此、跨視難出一言、早知這般、便不來也罷。  
伍侯養虛房、禁害霧掩雲屏、花影空來、愁魂隨夢去。  
好事迹、誰來似這、淒涼情狀、好教我如何、抵捱牆外。  
春風影來、似不曾來、兀的不負了、月明千里、故人來。  
江兒水、爲訪金釵客、奔波特地來、今日個、粧臺玉鏡、  
人空在、月夕花朝、情難再、相看不語、愁無奈、似這等、  
不、應、不、應、不、應、沒底相思、害的我、蕭蕭頭白。

姐姐帶僥僥、枉着今番、此來、推不徹、千愁百害、想當  
初、南柯夢裡、幾度來、白日相逢、成離濶、似這一萬種、  
淒涼、誰慣來。

尾聲則待、闖入深閨、又怕惹起、尊親怪、只得悶、咍咍  
呵、守着這、無氣路、相思情、債、算則是不如、拋却春風、  
歸去來。

蕭蕭翠竹、响瑯玕、夜雨幽窓、夢更寒、  
遙望玉樓人、近遠、起來、撥盡曉燈殘、

第三十九齣 妖迷



是人非鬼  
疑真疑假  
文章至此  
已幾化工  
在手若其  
字字如鯁  
刺事

魂旦上非雲非霧亦非烟上通碧落下黃泉一片幽  
情千古在爲誰憔悴爲誰憐奴乃翠竹亭前鬼魂是  
也年少死匹殯居此地一點幽情不散每夜魂遊月  
下見亭西軒內有一書生常倚床對竹而坐吁嗟長  
嘆其意乃爲想念室內小姐以致于此色心所感使  
奴不能忘情今夜假充小姐遂其幽懷覩天邊月兒  
可早上也

月上五更花落殘紅罷孤魂自瀟灑地老天荒際一  
點情難化趁着這閃閃屍屍昏黃月色下輕輕的轉

可爲情鬼

妙妙

過薔薇架見半炬殘燈淚花流蠟伴着個俊臉兒書  
生幽悽煞惹的俺心魂不住不住把他牽掛鬼病新  
來較我生前還大下生上簾展湘紋浪欲生幽人多  
感夢難成倚床剩覺添愁思閉戶何妨待月明小生  
爲小姐到此矧以前疑寓我堂外東偏我亦自念嫌  
疑之際不敢輒入中堂欲待告辭回去却恨千里遠  
來如何委放得下昨晨入謁舅姑驀遇小姐說矧今  
年高不暇他顧飛紅方用事爲此動成間阻今屈事  
飛紅結其歡心令我少留月餘以圖再合未知果得



如願否。每夜孤恹。只是掩關對燭而坐。正是欲倩蛙聲傳密意。難將螢火照離情。好悶人也呵。倚床坐介。前腔。獨照寒檠下。泪點墜殘蠟。悶倚牙床坐。夢裡人真假。有影無形。心魂兩相近。幾番坐待長更煞。翠衾生涼。孤眠如乍。驀聽得廳外。廂聲兒颯。敢則是步蒼苔。踏响凌波襪。聽介。呀。卻是一陣寒風把紙條輕刮。魂旦上來。此是那生書舍呵。

醉羅歌夜涼月色低低下草蟲唧唧傷窓紗寂寞幽

同也。他。那。裡。朝。思。暮。想。也。只。爲。他。我。這。裡。魂。勞。意。攘。  
也。只。爲。他。雖。然。是。依。花。附。艸。形。兒。假。人。和。鬼。兩。女。娃。  
真。情。一。點。不。爭。差。扣。窗。介。生。驚。介。適。開。戶。外。步。履。之。  
聲。今。又。彈。响。窗。檯。是。有。誰。來。也。

白練序聽聽更沉罷。看竹影橫窗，漏月華。  
魂旦急扣介生夜深更靜，誰扣咱門也。知他是人耶，鬼耶，堪詫。  
我開門試覷咱。見旦介呀，小姐怎得到此。露冷風清，  
獨自家窗兒下，潛潛等等。玉肩低亞。旦妾候郎多晌  
了。



却暗自說  
出

醉太平休訝我爲你相思夜夜孤魂獨趁淡月殘霞  
生姐姐今夜何以得來旦今夜個梅香睡着偷來共  
倚窗紗無涯萬千心事付琵琶待和你臨風消假夜  
香臺下端詳細語兩意無加生小生想念姐姐無刻  
放下也  
白練序這眼兒下似隔斷巫山巴水涯朝和夜裏腸  
爲伊牽掛擁寒衾淚似麻不道今夜呵一點殘燈重  
結花香肩亞把新愁舊恨直說到曉雞啼罷旦剛得  
相會夜又將闌也

獻書人吳

南林兄良  
士

捐贈



戲書人吳

紹興  
丁巳

捐贈



嬌紅記 四冊終

藤州吳梅

字瞿安別號霜厓  
1888—1939

藏書



蘇州吳

宇

1089

藏書

都說自家  
世不影冒

心靈洞脫  
乃有此語

醉太平呀呀恨水輪欲墜催人去也。幾處啼鴉。辰鈞  
待月香魂飛去無家。嗟呀。您則是夜夜挑燈待落花。  
好則把鳳鸞同跨。內雞啼介妾今去也。似這等夜來  
曉去。呵怕誰知。察便做似雲移。月影人鬼無差。生姐  
姐去後。小生依舊孤单也。旦此後妾必夜至。郎無幹  
不必到中堂。或偶遇着。不必以言相問。妾或與郎語。  
幸無見荅。以狎邪之言。使人謂郎無意于妾。庶其疑  
可釋。歡情可長聚也。生你若每夜必至。我入室何幹。  
只夜間切不可負約。致我長盼也。



尾聲雖則你走花陰怕的腳步兒滑願今宵是必早些兒來也莫教我撥盡殘燈把眼望花

旦生燈前獨坐影無聊

得子相過話寂寥

旦鬼夜夜盟言莫相負

須知心似往來潮

第四十齣詰祟

一枝花旦上無言心暗度薄倖應難料這幾時龐兒憔悴損愁多少大抵人情不似初時好天涯一望杳萬種淒涼空訴與丫鬟知道一點芳心冷似灰蘭幃寂靜瑣塵埃芙蓉帳小銀屏暗昨夜燈花又浪開我

爲飛紅阻撓與申生相隔咫尺不能一叙濶別之情只得屈事飛紅結其歡心不料申生舊情忽變或十餘日纔至中堂呼之不應召之不來昨飛紅說他寓處名倡艷女甚多意必別有所暱故此一變前情晚間令丫鬟穴窻窺視果見一女子金肩而坐却說顏色態度與我一般不知是人還是鬼待飛紅來再審個詳細貼上小姐昨日丫鬟們說申生房內女子和姐姐龐兒一般若說是人呵世間那有這般廝類的是鬼呵不信世間真個有鬼哩



女冠子他燈前坐着個如花貌、敢別惹下浪花浮艸、  
劣書生薄倖從來道、終不然呵、真有甚鬼胡妖、粧成  
圈套、弄的人夢顛魂倒、他有情、乾把無情戀、你鳳侶  
空將素手招、**合**想起就裏費人評度、**旦**  
前腔他風流改盡風流調、直恁的將人候、落枉教我  
花前閣淚、**伍**叫真和假、恁蹊蹊如魔似妖、難猜難  
料、他千里到此、怎便做了相如、負却文君意、又把瑤  
琴去別處挑、**合**想起就裏費人評度、**貼**此事必須申  
生自來、纔得明白、**旦**我早時喚他、他只推故不來、却

是怎生、**貼**姐姐、你後堂等着、我叫小慧去說是奶奶  
喚他、他定然進來、**全下**老扯生袖上、**生**  
一江風起花朝、獨坐紗窗曉、忽聽的梅香道、**老**奶奶  
請你不去、惱着哩、**生**話蹊蹊、你那夫人、怎把我頻頻  
叫、**老**我不知道、你自到後堂見奶奶、**生**伍云前小姐  
囑我無事、不必至中堂、我欲前又自卻、欲前又自卻、  
**老**不必躊躇、徑進去就是、**生**莫不我身邊甚做作、惹  
的你夫人惱、**老**奶奶沒甚惱你、**生**望見且欲轉介呀、  
小姐獨坐在此、我怎好過去、



前腔。俏多嬌。獨坐香閨悄。這深深處。怎許閒人到。老  
小姐正要見你。旦上。叫介。申生。生不應轉介。我去罷。  
旦。恁粧么。幾次三番。枉教我低向花前叫。挽生袖介。  
生。舅姑喚我。我去。我去。你休將翠袖招。你休將翠袖  
招。怕人兒驀地瞧。不繇我不丕地心頭跳。旦。你可暫  
坐。我有事和你說。生。不得已坐介。旦。我昔待君。亦爲  
不薄。豈君一旦身貴。遽爾見棄了。生。不答介。旦。  
梁州序。深閨寂寞。影兒誰弔。咫尺天涯人杳。我爲你  
良宵虛度。幾回淚濕鮫綃。不道你等閑拋棄。兩次三

番。對面將人掉。可正是彩雲聲斷也。紫鸞簫。一段恩  
情。沒下稍。這千種恨。憑誰告。生。不答背介。小姐今日  
怎說這些鬼話。旦。你怎生只是不答。且問夜間與你  
並坐的。是誰。生。没人。旦。我已知道了。不消抵諱。生背  
介。小姐話是怎麼。左右視介。云。你教我弗言。今何故  
只管問我。旦。我有何事。叫你弗言。生驚介。這怎麼說。  
左右視介。左右有人麼。旦。没人在此。你有話儘說。生。  
你自前月來呵。

前腔。黃昏清漏。空庭人悄。瞞却梅香來到。旦。說來怪



異了、且問你見時說甚麼、生道則是人前相遇、休將言語輕挑。旦每夜可來麼、生自從前月、直到今朝、夜同懽笑。旦這話真奇怪了、我孤燈、捱不徹、冷長宵。幾向書窗話寂寥。這說的如何道。生這裡既無人、何須抵諱、你每夜到我房中、囑我弗言、怕飛紅輩知之、生釁也。旦這等作真個着鬼了、久聞你所居窮僻、中多怪魅、諒必化我形狀以惑你、我屈事飛紅、近已得其歡心、日夕使人招你、你不至問你、你亦不答、將謂別有異心、夜來使丫鬟窺伺、乃見一女子形狀如我、此非鬼祟而何、爲此特招你相詢、不信可喚飛紅來問他、貼上郎君何故棄我姐姐。

前腔、你有人處幾次粧喬、害的俺姐姐神思顛倒、似這般薄倖人、則合把艾焙香燒、昨夜使人向你、燈前偷覷、細語雙雙、有個人兒和我小姐一樣如花貌、敢則是蟾宮飛下、紫霞綃、不則是逗却個東隣碧玉、翹因此上平白地將人調。生驚介、飛紅姐、你說的可真麼、

前腔、我我這裡聽你說着、驀地的神魂飛渺。旦我也



不信真個有鬼。合筭都是害相思幾番夢境相招。逗得個邪魔出現。生揖介若非姐姐見愛眷眷不忘。則我必死鬼魅之手。兩月以來有負恩情使小生何以爲心。把兩月恩情忽地都拋了。辜負伊虛度可憐宵。珠淚汪汪暗自飄。猛說起使我心頭跳。貼既已說明中堂不可久留。你且出外廂去。生今晚怎麼還到外廂去。只在這裡罷了。貼往時幾次喚你不來。今又推你不去。適纔哄你。你到外廂去。少不得夜間小姐又來相伴。生我真個疑心起來。敢你們說的都是

鬼話。我今也不去。只在此間罷。貼你且去。我夜間同奶奶來看你。別有計較。但奶奶問你。不可說似姐姐。怕奶奶生疑。生如此只得且去。飛紅姐。你是必早些兒來看我。

生似怪如妖非偶然。

旦書房猜做謊桃源。

貼昔時劉阮天台裡。

合錯認逢仙數百年。

第四十一齣明妖

外旦貼全上。外旦飛紅。你說申生被鬼迷。是誰見來。貼外廂人都是這般說。昨晚丫鬟們不信。已親去瞧

曉鏡幽豔  
話語強入



見來。外旦這等。我今夜和你親看去。下生上  
月雲高。有鬼意綠塔幽曠。四壁野蛩响。甫見的日影低低落。  
又蚤見月色。朧朧上。鬼火燈青閃閃的搖書幌。我想  
小姐夜夜到來。人道交感。一些無差。怎麼日間相見。  
說夜間的是鬼。連飛紅也說是鬼。着我今夜等鬼來。  
瞧着。是和。非真和假。沒揣的使我心中想。內風起介  
生驚介樹頭葉刺刺。牆邊土碌碌。兀的不是鬼來也。  
鬼來則見一陣陰風冷透。窻吹得森森肌骨涼。我只得強  
打坐。看他果是如何。坐介。魂旦上

前腔。幽居泉壤。盼不的月兒上。奴家鬼魂。沒充小姐。  
與申生幽期。又早一月有餘了。依托如花面。是假非。  
真相則俺不減幽魂一樣情。非誑。今夜偌蚤晚。傍亭。  
陰轉荒堦。驚介何處裡丁當响。呀。却是風吹玉馬之。  
聲。我且徑過去。趁着這月影雲移。過矮牆。還向人間。  
魅阮郎。見生介申郎。你獨坐在此。奴家盼不的到晚。  
來相伴也。生驚起背云這分明是小姐。怎說是鬼。  
太師垂繡帶。自徊徨。這話兒如何講。我則見他入門。  
來幽輝滿堂。道是鬼行無影。衣無縫。覷介我覷他燈。



影下麗兒無恙。身穿着翠冷霓裳。怎見是鬼。只一件呵。斟量他夜來朝去。一月上。怎沒個梅香相傍。待我且問他。姐姐這荒臺榭。風清露涼。你孤影兒。怎不害些兒驚恍。且嘆介我爲你。

醉太師情郎恨不早盼的。黃昏月上。待晚粧初罷。瞞過梅香。受怕擔忙。甫能得捱到書窗。裏腸瞞神嚇鬼。休待講夜深也閒話。休提扯生介。趁着這月暗花香。眉兒向把懽娛。早償休辜負良宵等的那。更殘雞唱。生驚倒退介。姐姐靠後。內風起介。生怕也怕也。

轉展強入

太師垂繡帶。冷風涼。遮燈介。窄把殘燈颺。影淒淒。雲偷月光細看了。如花模樣。便是鬼也。使人愛煞。果然是舊日嬌娘。端詳是真是假。心暗想。還敢是玉天仙。降拖逗我魂迷意狂。欲近又退介。怕果然是鬼。怎了。待相倚。又怎禁心兒驚恍。且申郎你見我。且前且卻。是怎的。

醉太師休慌。我和你做夫妻。千情萬况。怎伴做不保。等時拋漾。生。姐姐你敢不是人。且胡說。難道我不是人是鬼。無情楚王硬將人猜。做夢裡高唐申郎。你敢



又識又妙  
在前後說  
外真假莫  
辨

則心變也。堪傷書生行自古多劣相。全不念去日風光。外旦貼情上窺介旦扯生。生躲介旦我和你相親。傷山高水長。便死也少不得一靈兒。兩墳相向。貼撫憲鬼旦閃下。外旦貼趨入四壁。覷介適纔誰人在此。香柳娘是誰家女孩。是誰家女孩。如花形狀。向書窻共把閒情講。生慌介沒没人。貼分明有一人兒。怎麼不見了。這人兒怪哉。這人兒怪哉。轉過繡屏傍。不見影兒樣。生不敢相瞞。果然有一女子在此。怎麼不見了。我心中自想。我心中自想。敢則是天仙女郎。忽地

里還歸天上。貼郎君着鬼了。還不懂。

前腔是花邪柳妖。是花邪柳妖。依人模樣。把少年郎逗得魂靈喪。外旦莫不我們都見鬼了。生不好了。我做人着鬼迷。望姪救我。我心中說殺。我心中說殺。不。是眼荒唐。甚影兒望風颺。貼此地幽僻。所以有鬼。必須搬入有人處。方好。外旦可移入中堂。暫住幾時。你不須悵快。你不須悵快。移歸內堂。免遭災障。生如此深謝救命之恩。

貼誰傍燈前話漏深

生是人。是鬼。謾沉吟。



外 畫堂深處藏踪影

合 浪蝶狂蜂自不侵

第四十二齣帥媾

二淨上 奔走豪家富貴叢、綽號人間歡喜蟲、紅鸞彩  
有雙星照、青鳥權將一信通、前老爺着咱兩個做媒、  
求親王氏因那王通判在眉州、未及卽去、今任滿改  
調、大爺着我兩個到他家說親、事成之日、重重有謝、  
正是得他心肯日、果然是我運通時、下末上

碧玉令 中閨無倚嬌兒面、未得遂乘龍佳選、幸遇才  
郎、待整舊盟言、姻緣好、望天公早諧人願、白頭失偶

最堪傷、兒女關心愁斷腸、但得門楣終有托、一般膝  
下長輝光、老夫不幸數月前、老妻因病身亡、所遺一  
子、年幼未諳世事、小女嬌娘、年雖長成、亦未許人當  
初、申生求親、老夫以中表不便辭之、今看申生在我  
家、經理庶務、才幹有餘、又且少年登第、前程萬里、老  
夫欲尋前約、使飛紅探他、他意無不允、遣人到他家  
去說、亦已相從、專待擇日遣聘、老夫這條心纔放下  
也、二淨上爲傳天上青鸞信、來叩人間錦雀屏、咱兩  
個替大爺求婚到此、不免徑入、末二位何來二淨小



子兩個是帥府中人、有天大喜事、送來宅上哩。末二  
位是帥府上客、可以請坐、有何喜事、乞言其詳。二淨  
聽告、

鎖窗寒、君家有女嬋娟、俺大爺呵、正青春、人少年、一  
雙兩美、合配文鴛、因此上、把鸞書遣訂、祈諧仙眷、老  
爺呵、你不須把雀屏招選、天然賜下、這好姻緣、我料  
伊不勝懽懽。末二君不知、這門親事雖好、只一件呵、  
前腔、他家门第雲連、奈我寒門聲望懸、攀高結貴事  
不周全。二淨這何妨、他家雖將相蟬聯、老爺亦黃堂

參佐也、筭門當戶對的。末况小女呵、殘粧陋質、難諧  
仙眷、望伊行把好辭回轉。二淨這怎辭得、他家已備  
下黃金千鎰、白壁十雙、彩段百匹、珍珠二斛、就要遣  
聘哩、這段姻親、多少公侯貴女、求而不許、你怎倒推  
辭起來。末只是寒門不敢相攀、謾言有玉種藍田、想  
這段姻親、非是吾願。二淨你不須固遜、豈不知俺爺  
威勢要相求、也不怕你不肯。末此間豪門儘多、豈必  
寒舍。二淨

前腔、論他家威鎮西川、怕沒甚豪門成契約、只俺大



爺呵貪求淑女、意厚情堅、老爺是仕途上人、怎不曉  
勢利二字、令愛許了他家呵、豪親結好、榮華無限、  
不許怎麼、**二淨**你道帥爺是武官、奈何不得你、他現  
有勢劍銅鞭、先斬後聞、況且兄弟俱在當朝、果若逞  
威權、你風波難免、兩般利害、在君便、只怕今時不許、  
後日悔之晚矣、說甚這段姻親、非是吾願、**末**起背介  
正是那帥家威福、一省中誰不畏他、况兼公子年少、  
風流、女兒許他、也不辱沒于我、

**前腔**想他家威福齊天、若不遂姻親、他怒怎言、所慮

申生已有婚姻之約、他今還未曾遣聘、幸的是青鸞  
尚杳、紅葉空傳、我便把彩繩換却別成、**繼繼****圓介****二**  
君拜上帥爺、他既俯求我、怎敢不仰板、只是小鶯雛、  
怎搭上錦鸞佳選、**二淨**既承台諾、便當回大爺話去、  
懽然許遂好姻緣、知他也不勝忻忭、

**尾聲**合歡幸許成懽讌、**末**百歲良緣非偶然、**二淨**我  
說與大爺呵、早則准備成親花燭筵、

**末**芙蓉雙錦鵲屏開、  
**二淨**自有英雄入彀來、  
料得姻緣天付與、  
**二淨**葱葱喜氣擁樓臺、



第四十三齣生離

杏花天旦上霎時打散秦樓鳳。隔行雲。巫山幾重。昨

宵好夢無憑準。猛提起心愁意冗。憑將此日思前日。

誰想佳期負後期。世上傷情無限事。琉璃易碎彩雲

飛。奴與申郎密訂姻盟中。遭間阻。自我母親亡後。爹

爹念家下無人治理。遂許申郎婚姻之約。竊意皇天

果不違人所願。豈料帥子忽來求親。爹爹迫于權要。

復背前言。思量好恨人也。

小桃紅想世間萬事轉頭空。誰似咱傷情重也。舊約

清夜聞鶯

難憑。新怨重逢。何處問流紅。嘆從此兩分張。各西東。

負佳期。生拚的把殘生送也。嘆介正是淚洒梧桐雨。

一聲一點愁。愁淚有時盡。愁懷無盡頭。奴家直恁般

命薄也。恰便似紗窗外夜雨梧桐。爭如那柳和桃。猶

解的嫁東風。我聽飛紅說了這話。險些兒驚死也。呵。

下山虎聽清宵漏斷曉鼓殘鐘。驚散了遊仙夢。新情

乍濃。新怨還來幽歡密寵。嘆往事從頭一霎空。老天

直恁懂把金頭花生生的分了兩叢老烏鴉硬扭做

雙栖鳳。天昏也。那地儂。好惡姻緣愁殺儂。我去說他



知道想他這驚可也不小呵。行覲介呀。他還睡着哩。  
生睡容上

金蕉葉綠窻睡濃。是誰人輕窺繡櫳。見旦介原來是  
嬌娘妻呵。驀地把行雲暗通。樓介我扭腰肢將香軀  
緊擁。旦申郎你還不知道。昨日做的你妻。今日做你  
妻不的了。淚介生這怎麼說。旦前日婚約復  
求婚家君迫于權勢。已將妾身許他了。生驚  
說你爹爹將你復許帥家了。

昏天驀地  
陡然一驚

章臺柳。哎呀。潑天風浪。打鴛鴦何處逢。你爹前日

呵。早許結姻親。兩姓通。我準備做東床魚水。同爲甚  
平地裡堆成太華峰。生隔斷兩西東。泣介猛教我淚  
珠湧。只今日把人輕送。旦雖是俺爹爹變卦。你也休  
埋怨他呵。

語語輒轉  
轉則怨深

前腔。不是我負心。爹無始終。則我多情女。忒命窮。我  
和你無分。春風畫錦紅做了。墜飛花隨水東。卽世的  
藍橋沒路通。則辦的死相從。生難共。把兩下恩情呵。  
早都做杜鵑枝。片時殘夢。生這還是小生緣慳也。  
醉娘子想紅鸞合註。花星未拱。舊盟言一旦空。古來

兩人怨處  
都引到自



家乃爲善  
忍

多少才子佳人。都得成雙。緣同也。意同。偏則俺和你  
呵。受了千萬般傷情痛。到頭來沒分成歡寵。旦生願  
不諧死願還在。

前腔。是前生命慳。今生命凶。鎮淒涼多唧噥。記茶蘼  
小院東。和你似海般恩情重。少不得生生的願與諧。  
生離合悲歡。皆天所定。帥子既來求婚。親期料  
應不遠。小生便當告別。今生緣分從此訣矣。你去勉  
事新君。則要想起西窗明月。花陰深處。恩深義重。那  
時休便忘了人也。呵。淚介。

暖真

性如兒

五般宜。你早則擁笙歌。畫堂中。你早則扶笑臉。向春  
風。俺可似愁韓重。真命窮。和你做夫妻。全無始終。回  
想着舊歡。如夢伊。西我東。須知道。後日蕭郎陌上難  
逢。便做似死和生離別。旦怒介。兄丈夫也。堂堂六  
尺之軀。乃不能謀一婦人。事已至此。而更委之他人。  
兄其忍之乎。妾身不可再辱。既以許君。則君之身也。  
前腔。俺怎肯再賦琵琶。漢水東。俺怎肯再舞翠柳。野  
烟中。你做了男兒漢。直恁般情性。儻我和你結夫妻。  
恩深義重。怎下得等閒拋送。全無始終。須知道。死向



黃泉永也相從痛傷悲血淚湧掩面大慟介生擁

介我言亦豈本于衷腸但一時計出無奈呵

江頭送別非緣我非緣我把誓盟輕縱也只慮這恩情到頭拋送不如早些兒拆散了鸞和鳳免教的惡相思兩下冲冲嘆介如今欲不去呵怎忍的

江神子生察察看花飛別紅欲去呵怎忍的煞刺刺眼底飄蓬思量懊恨天公爭似當初休把兩情通免今日恁般兒葬送旦你既不忘情于我還望早爲我計之生事已如此只得緩圖

餘文提起那花陰底下盟香重旦少不得死也波將

身陪奉令怎說的花燭蘭房還則別去寵旦下生欲

下丑扮院子冲上忙賁千里信來接遠遊人官人一

來數月老相公在家懸望今患病不痊特差院子來

接官人官人可卽刻起程生沉吟介如此怎好我爲

小姐心下悲傷只得強駐今父親有病來接勢又決

難更留且告過舅舅起程歸去末上一鞭殘照催行

色兩眼西風添悶懷賢甥何事匆匆卽要起程生父

親有恙來召只得就行小甥自來荷吾舅相待如子



照

今此告別實爲快然也。且上潛立末後觀介生。

憶鶯兒數載中相過從。感荷深恩海樣洪。此日分離

難再逢。關河幾重。雲天幾重。見且各偷掩淚介。回思

舊事。渾如夢。淚痕濃。青衫濕盡。偷掩背東風。末賢。理

歸去。府君無恙。還宜再來。我女兒親禮在。卽家事紛

紜。望你一來料理。生賢妹親期已近。純歸侍亦須累

月。又瓜期將及。此後相逢。未可預定也。末女兒在近

出室。賢甥來期未定。此後未必再會了。丫鬟可請小

姐出來相見。且掩淚急下。老上小姐身子不快。不出

來了。末勉出一見無妨。老下復上小姐有病。囑着哩

生如此。小甥卽便告行。

前腔別淚濃。難再逢。末你舅母旣亡。賢甥又去。我有

女子歸旦暮中。眼底孤身老景窮。你去家中把椿萱

再奉。俺這裡錦堂晝空。全掩淚介。相看四目心悲

痛。向東風。青衫濕盡。腸斷爲離鴻。

尾聲末人間最苦離愁重。生幾次往來塗路中。則我

今日呵。說不出離愁。愁更濃。

末數載奔馳向路途。生郵亭長自嘆離居。

布義鶯鶯家橋工已下

情景不堪

仙首

末語可作

愁賦



曲盡態景  
此折雖似  
諸戲亦以  
諸人之  
文章方  
有歸結

末今朝此別愁還重

生說與旁人識得無

第四十四齣演喜

梨花兒丑上臉上花花永飾齊、人人道我風流婿、指排來三月期、嗟如何等得良辰至、小子聘得嬌娘、爲妻約在今月送禮、十月成婚、筭來還有三個月日、頭如何等得、已差人喚馬小三、戈小十兩個來、要他去催早些、怎這兩個狗弟子孩兒、還未見到、  
前腔二淨上、我去做媒手段奇、把嫦娥哄下雲端裡、騙得花紅來到時、嗟均分一半休爭議、見介丑我在

火上、你在水上、你這兩個弟子孩兒、好不中用、我說定親後、要一送一娶、怎捱得到十月、今日早時叫你、你這時纔來、可恨、可惱、  
二淨阿呀、我從不見要老婆、這等性急的、今月送禮、十月成親、是老爺揀定的日子、依我兩個時、你娶了大娘、我們大家有分、休道今日、已不得前日就到手哩、  
丑哇、怎麼我要大娘、你們都有分、  
二淨大爺又吃寡醋哩、不說大娘那話、見大家有分、却要你謝媒哩、

玉絳畫眉序、洞房翠燭照風流、一對新娘新婿共入



流蘓一刻春宵何處覓。你兩個做夫妻。真是美。一個的緊抱纖腰。一個的輕樓玉體。那時休把休把我媒人棄記。取你相思。今日丑做意介。我正想老婆。你又引我動火。我且問你。似我這樣風風流流。標標致致。一個新郎。那新人也歡喜麼。

前腔。匆匆喜氣。帽兒光扮的。衣裝鮮麗。娶過嬌娘。喚我與他同睡。在流蘓春帳裡。這歡娛難待比。真個是似蝶穿花。真個是如魚戲水。把海棠枝上新紅試。想起那風流無底。還一件現鐘未打。且先煉銅。如今親

期將到。打點做新郎。也是要緊的。昨去喚了憐憐來。做新婦。趁你兩個媒人在此。先把拜堂演一演。怎麼這時節。丁憐憐還未見到。我們外廂望去。望介。那來的。是了。貼扮丁憐憐上。

桃柳爭春。梳粧未已。聞呼忙向前來。知他因個甚的。見介。丑憐娘。你怎麼來的。恁遲。貼昨日被朋友纏的。慌起來遲了。些。丑你到有朋友纏你。我昨夜裡乾癯殺。二淨不要閒講了。大爺打點做新郎。請憐娘權做新人拜堂。晚間留在此。就不乾癯了。貼大爺幾時做



新郎二淨十月貼這等教新郎還早丑我巴不到今日哩二淨大爺可扮起來丑冠帶介二淨憐娘也扮起來貼扮介二淨連小子們也扮起來扮儂相介云大爺且慢拜堂如今要憐娘教道且先拜了先生丑拜二淨唱拜介拜先生拜先生世間幾個學生做新婦如今倒都是新婦做先生堂上先生軟似綿只有房內的先生狠殺人如今拜完了先生大爺且退在後堂待我們請你出來三請丑出立介二淨大爺扮的真像哩

撲燈蛾金花雙插鬢粧成做新婿大爺這番去轎裏抱出新人來畫燭錦屏前捧出那多嬌麗也丑捧貼出立介二淨雙雙立地大爺讓新娘立在東邊列東西金鼓喧吹這番喝拜拜堂了丑拜二淨喝介拜高堂拜高堂新婦直立新郎拜分明教是怕新娘日間拜了夜叉拜雙膝跪在席中央往時大率新郎教新婦如今倒都是新婦教新郎丑怎麼新婦教新郎二淨新郎不慣新人慣你夜間仔細去叅詳這番牽紅進房了兩下高堂拜畢喜孜孜共牽紅錦入羅幃房



裡的事、不是我們教道的、須憐娘和大爺說、  
前腔酒闌入洞房、大爺你用斯文些、休教露村勢、百  
般樣溫存、請他入到銷金帳內也、大爺那時節呵、替  
他摘除寶髻、再替他脫綽繡衣、他肯便肯了、不肯、  
須用雙膝跪地、丑這怎使得、貼你道世間那個不跪  
老婆的、諒大爺也不消我教道、搜得他上床時、還怕  
他百樣做嬌痴、二淨憐娘、那事兒一發細說一番、丑  
這個漢家自有制度、不說也曉得、貼大爺你用慣舊  
罐子、那新人須不比往常呵、

前腔你輕將玉體挨、那新人呵、少不得把春纖暗相  
抵、半羞半佯推、你須用輕憐疼惜也、摧殘嫩蕊、擺腰  
肢、嬌喘輕啼、丑做意介、嘆說得我火動哩、二淨連我  
也火動哩、丑陡這時節、還要你媒人插嘴、貼那其間  
風流可喜、美甘甘勝如天上步雲梯、二淨好新郎教  
完、只要謝師父了、丑不消說、成親後連媒人總謝、  
尾聲我把這椿椿件件從頭記、盼到粧臺賀喜時、那  
時節呵、謝了先生再謝媒、

二淨桃之天天葉蓁蓁、

丑之子于歸宜家人、



貼有學養子而後嫁。

合宜其家人教國人。

第四十五齣泣舟

老旦上床頭相對病多嬌瘦影殘生骨半銷恰似下  
弦天上月五更吹逐楚峰高俺小慧伏侍小姐一向  
見他情思悠悠歡喜時少愁悶時多今害病深沉看  
他芳容盡改幽艷都消夢裡如啼醒時成醉好可憐  
人也道猶未了飛紅姐也到貼上云花開花落流年  
度世間只有愁偏駐滾滾瞿塘三峽流終古幾曾流  
恨去好男好女不成雙月老註書無是處君不見名

花嬌艷欲傾城可憐長被狂風妬鵲魂啼血已千年  
何時轉轉圓生路俺小姐多才多貌更是多情一見  
申生便以終身相託自奶奶去世之後我在老爺跟  
前強裡成婚不料又爲帥家所奪悔却前言小姐因  
而抱恨病漸伶仃將次已是九分九了老咳小姐病  
勢沉重怎生是好貼我聽小姐眠思夢語只要一見

申生我潛書去喚申生申生已到河下不敢進見老  
爺約小姐扶病悄地往他舟中一見小慧你看着繡  
房我扶小姐去咳小姐呵你夢隨楊柳曉風寒老命



逐梨花春晝殘。  
**貼**憑將一片貞魂化爲石。  
**合**只愁你  
不堪重上望夫山。  
**全下**外丑扮梢公梢婆上。濯錦江  
頭風浪高。一葉叢荷赴水子搖。搖來搖去把弗子攪。  
梢恰便似昨夜梢婆在艙子裡頭顛折子腰。  
**丑**看你  
好嘴臉。  
**外**船已傍岸了。艙裡相公來瞧着。王爺家在  
那裡。  
**生**上。

梅花引幽情萬種和誰說。猛傷嗟。淚成血。走向江頭。  
經過幾朝夜。一刻驚魂三四轉。盼不的那玉人兒影。  
兒也。心以秋來蕉上雨。身如春後樹殘花。相思滴滴。

愁難盡。病走天涯何處家。小生爲父親有恙奔回家。  
裡不料小姐患病將危。飛紅潛書喚我。我不敢稟知。  
父親。夤夜買舟。私奔前來。約小姐舟中。悄地一會。正  
是巫山怯雨。逢秋夜。不似西樓待月時。  
**下旦**病容貼  
扶上。  
**旦**

秋藥香。睡倒愁腸。千搗擡身起。半晌痴呆。貼風裏殘  
花。幾開謝。合這病兒淹淹害也。烏夜啼。  
**旦**新來病染  
千般。在眉灣。一自春光去。後見時難。貼飯不飯。無昏  
旦。命多艱。  
**旦**恨殺天邊孤雁。帶愁慳。飛紅我自申郎



去後已近一月。看看病勢將沉。聞他到門首候我。相見已數日了。今日老爺遠出郊外。我則索扶病走一遭也。貼姐姐氣息如絲。身子瘦怯。却怎生行走的動也。扶旦慢行介貼步步嬌。看你瘦腰肢。剩得無多摺。脚步兒行難起。孤神恁害怯。半點幽魂似火明滅。姐姐勸你畢罷了傷。嗟。免輕輕的斷送您殘軀也。旦嘆介飛紅你豈不知我心事呵。

沉醉東風。我爲他香肌瘦怯。痛傷嗟。無明無夜便做。

道湘川竭。石灰山裂。俺心兒怎生休歇。合枕邊夢蝶。花邊淚血。揀的生生死死。隨着天兒共滅。貼那崖下住的船兒。是申生的姐姐。我扶你下了船。我瞧老爺去。生上扶旦介貼下生姐姐。別來幾時。怎病已到這等了。

好姐姐。自別多情。姐姐不上的三秋。過月怎生病影。伶仃害得直恁劣。合腰肢怯。剩得翠裙兒。剛三褶。較比黃花更瘦些。旦申郎。我和你別雖剛月。却勝似三秋了。執生手勸介



前腔嘆嗟。分離一月。恰勝過數年隔別。命閃殘燈待。  
隨着風兒便滅。合傷情切。覷着這滿川上下。飄紅葉。  
不似我和你。恁相看。眼內血。旦妾與郎相見。便以此  
身許之于郎。不料今日竟不能如願也。

三月海棠想着那情意。恹恹茶蘼架底相逢夜。可便似  
秦樓笑咏。玉管吹徹傷也。白海棠月老註不成鸞鳳侶。天公  
拆散了鴛鴦帖。恨嶽高淚波竭。做的個參辰日月不  
交接。生這都是小生命薄所致。姐姐休自嗟怨呵。

前腔還不徹。前生夙債今生業。恰花開霧障。月滿雲

遮。悲切自古紅顏多命薄。爭似我書生命犯十分拙。  
風月擔早收迭。枉將年少成拋撇。旦  
忒忒令枉辜負。星前誓設。空冷落神前香爇。良辰惡  
夕。受過千磨滅。捱不滿愁悶劫。破婚書。追魂牒。兩般  
兒厮撞者。生

伍供養犯菱花碎硃。帶解同心。甚日重結。旦小文君  
緣分薄。沒福兒駕香車。出斷袖介。謝郎厚愛。今日圓  
思此景。可復得乎。交還你香羅翠袖。恁風流。今生休  
說。今此一見。遂成永訣了。你去也。終須去。我別也。怎

酸酸楚楚  
情深百折



二語出中  
州樂府非  
祖牡丹亭  
也

生別合真乃是顏色如花命同一葉生姐姐情意如  
山我豈不曉但既追嚴父之命便暫從他氏也罷了  
旦申郎此話再休題了

前腔姻緣分劣俺和你不能勾生與同衾死與同穴  
也怎做的兩鞍韉一馬單輪踉雙轍三貞七烈揀殘  
生都是夙緣前業妾向時與郎擁爐謂事若不濟當  
以死謝如今死不得同伊死教我撇也怎生撇合記  
取笑擲梨花擁爐時節

玉交枝擁爐時節對花前把盟言共設生盟言雖有

情深百折  
淚流滿楮

正是要以  
必死

也則休題了旦盟言要忘也怎忘得我如今這紅顏  
揀的爲君絕便死也有甚傷嗟則一件呵郎青雲萬  
里厚擇佳配共享榮貴妾不敢望但郎氣質孱弱自  
來多病身軀薄劣怎當得千萬折怕誤了你誤了你  
他年錦帳春風夜合這情懷教人怎撇我便向黃泉  
如何便貼生淚介姐姐你一身兀自不保直恁顧念  
小生小生此心久已訴之老天了

前腔傷悲鳴咽你聲聲言辭痛切從前舊事都拋捨  
怨天公直恁直恁將人磨折我如今富貴二字早置



之度外。發功名。視做春。晝雪。那婚姻事。一發休提了。  
業姻緣。看比殘宵月。合這裏腸。誰行訴說。這冤恨。何  
時斷絕。貼上相逢一字一行淚。說與哀猿哀斷腸。姐  
姐郎君。省可啼哭。老爺將回。須以分手了。生飛紅姐。  
我與你姐姐恩情。你所盡知。今此一見。恐成永休。却  
教怎生分手也。貼姻緣成毀。展轉無常。安知此後不  
可復合。只要俺姐姐善自將覷。保全身子罷了。旦休  
道盟言中變。難以再合。便得再合。今我身子狼狽如  
斯。諒也不能永延了。

痛煞

江兒水。提起當初事。教人腸寸絕。今後呵。再休想咏。  
梨花坐待南樓月。再休想題錦字。流出深溝。葉則落。  
得點翠班。洒遍湘江血。死也波孤眠。長夜冷塚荒墳。  
有的有的。個誰來疼熱。咽倒倚生懷。介生叫介小姐。  
小姐甦醒。

豆葉黃。看香銷玉減。病體嗶嘰。再休想卽世相逢。再  
休想卽世相逢。做了波心撈月鏡中。捉影轉轉傷嗟。  
自如今義自如。今義銷恩斷。則這衫上啼痕。積的有。  
萬層千疊。貼淚介看了。不由人不傷心也。

嗚咽之語  
字字傳真



淋漓取痛

意寬慰愈  
傷

園林好聽一聲聲傷者痛者看一點點還是血也淚也旦醒生合唱不信我惡緣惡業做的來恁周折千受盡此磨滅外丑上相公今時風順正好開船圓去了貼老爺要圓姐姐快些上崖罷旦扯生永介妾音與郎泣別幾次只今日一別便是永別了

川撥棹今日個生離別比着死別離情更切願你此去早尋佳配休爲我這數年間露柳風花數年間露柳風花悞了你那一生的錦香繡月合一聲聲腸寸絕一言言愁萬疊生姐姐果爲小生而死小

生斷也不忍獨生了

前腔掌上珍珠似我心上結豈料今爲了千古別誓和你共死同生誓和你共死同生怎再向別人別人行同歡共悅合一聲聲腸寸絕一言言愁萬疊旦今生自是休了只不知來生再得相會也否呵

慘動路人

前腔今日生離和死別恰正似花不重開月永缺我不能彀與你我不能彀與你做的片晌夫妻剛博得個三生話說合一聲聲腸寸絕一言言愁萬疊貼千

別萬別終須一別老爺已圓快上崖去罷旦旦扯



生哭介

哭相思是這等苦。離惡。別要相逢。則除夢中來也。貼

扶旦下。生泣。羣介。小姐去了。罷罷罷。古云。樂莫樂

今新相知。悲莫悲。今生別離。我昔與小姐共會西窗。

明月之下。指天立誓。豈料到頭。如此結果。欲待再留

數日。打聽小姐病體安否。又恐家中老父知覺。只得

疾忙轉船回去。外丑開船介。生。你看舟人撥棹。蘋浪

番風。彩鷁急飛。征鴻易斷。目力有盡。江山無窮。教人

怎不痛絕也呵。

餘恨千重

餘淚萬疊

至今哭聲

還在

尾聲。歸舟滿眼傷愁絕。聽何處離鴻。哀咽敢則是。玉人呵。痛煞煞。哭聲兒還在也。

生佳人扶病到江頭。

外渭水生波咽不流。

丑一叫一則腸一斷。

合哀猿個個助人愁。

第四十六齣 詢紅

雙勸酒。末上。嬌痴女孩。強辭婚配。未知他意見。怎生

迷昧。索須是問取詳細。我心中纔免憂疑。事不關心。

關心者亂。我將女兒許婚帥家。親期已近。他却抵死

相拒。蓬頭垢面。以求退親。未知所為何來。想飛紅必



知其詳、不免喚他來問、飛紅貼上

前腔佳人病勢、十分憔悴、百般樣勸他、轉加沉滯、笑

除非那生來至、這病兒方保無危、見介末小姐病體

怎生了、唱十分欠好、末我問你、小姐年已長大、難道

不要配人了不成、今既許帥家、却執意要求退婚、是

何主意、貼小姐呵、

鐙、兒他心中意裡、只要一書生爲配、青燈共守、舉

案齊眉、那侯門富豪子、知他怎的、料應是無智慧、多

昧、癡、這等騰騰、氣息倒不如一世孤眠、到底末元來

爲此、他不知帥家富貴非常、帥郎現當承襲世爵、兼

且端方俊拔、不類凡兒、你說與小姐、教他免愁煩、好

將息、以待婚期便了、

前腔侯門富貴、那更青春貌美、現則是烏紗壓鬢、寶

帶腰垂、小姐到他家、便是夫人縣君也、受的那金冠

與霞帔、榮華無比、煞強似一個酸女、婿寒士妻、糟糠

匹配、枉受着些黃蘗况味、貼飛紅曉得、末你將帥官

人圖影、拿去小姐看、小姐必然歡喜、你說與他、

自古婚姻、係夙緣、

何須苦苦強憂煎、



貼碧桃樹上枯藤纏

合也用安心守自然

第四十七齣芳隕

海棠春貼扶病旦上病魂靈飛去多迴次博不得一

聲疼惜淚點血成殷哭向空房死非緣多病怯秋寒

祇爲傷情淚滴潸人欲求生生不得我今求死死偏

難貼小姐是何意見老爺只望小姐病起完成親事

小姐怎生只說個要死旦我心中事他人不知怎瞞

得你且問你老爺適間喚你怎麼說貼老爺說婚姻

天定小姐休得固執枉送殘生帥官人自下就要成

親小姐請自將息以待佳期旦怒介不說那帥家罷

了說起帥家我恨不卽刎而死特刀刎介貼奪刀介

小姐何用如此旦嘆介我昔已有成言了

集賢賓誓盟言展轉還在耳我怎忍眨眼忘之如今

揀的個因他憔悴死貼死是甚麼好事死了怕還要

悔旦我心中沒甚嗟咨毫無怨悔果得個早歸泉世

顛倒是完却了我心頭事貼小姐讀書知禮豈不聞

女子未嫁當從父命今乃故生執拗豈得稱爲孝乎

旦飛紅你有所不知我始遇申生雖則未獲老爺之

海咽咽  
鐵人  
何况  
者



正論  
與張不編

命自念婚姻事大。古來多少佳人。匹配匪材。鬱鬱而終。與其悔之于後。豈若擇之于始。至于中間。兩要婚議。老爺業有成言。今乃一旦改許他氏。是負義之愆。不在我了。昔荀氏毀容截髮。以抗親命。後人不謂非孝。我今安得強從父命。自背初盟也。貼小姐始遇申生。也只愛其才貌。人帥家富貴極矣。帥官人端方俊拔。殆過申生。聞他欲得小姐。甚如饑渴。其他皆所不問。小姐若改從帥家。上既無違于親言。下亦不乖其風志。豈不爲兩便乎。

前腔想佳人自來多有之。只要做夫妻。稱着心兒。老爺畫有帥官人圖影在此。小姐靚波。據着他富貴風流年少子。不減似宋玉丰姿。潘安貌美。比那可意種一般無二。小姐你休焦的。空斷送了花容玉體。且推畫不看介。那人便美煞。與我何干。

前腔種情人自古誰似此。生和死。沒個休時。隨着他甚樣風流豪貴子。俺怎生生撇却人兒。重跟別氏。做夫妻。全無終始。空焦的。顛倒了鴛鴦雙字。貼小姐不從老爺之命。蓋爲昔日與申生有約。今聞申生歸去。



已議親貴族守他也枉然了。

黃鶯兒他金屋美嬌姿。結新婚。方燕爾。如今已忘却了當初事。小姐呵。你瘦稜稜體兒。冷清清淚兒。害愁煩。枉爲他人死。小姐不信。他現將你所遺香佩。結以破環。隻釵寄還小姐。出詞末介。細尋思。休書一紙。是這股斷釵兒。且看泣介。相從數年。申生心事。我豈不知。他聞我病甚。將有他故。故以此開釋我。前腔相倚許多時。他心兒我意見。一般憐取人無二。我爲他朝思暮思。他爲我念茲在茲。料應都爲憂愁。

死兩情詞。當初月下。共訴海神祠。貼當初雖有盟言。今申生見小姐已有他約。只得別娶。小姐因申生別娶。改從他氏。兩下裏腸俱爲無負。望乞三思。且嘆介。此語再題他怎麼。

只做自家  
事方是真  
烈女心腸

簇御林。雖是我紅顏女。水性兒怎做的。嫁東風桃李。枝倚門賣俏。閒構肆。直恁的無終始。休道申生不是那樣人。自嗟咨。便道郎心已改。我也只想望郎時。貼古人說的好。他既負心。我亦改意。小姐休得固執。單送了自家性命。且取珮細視。擲介。我固知申生非負。



心者。我始以不正遇申生。今又改而之他。則我之淫蕩甚矣。既不克其始。則當有其終。長吁介紅娘子愛我甚矣。幸勿多言。我固不惜一死以謝申生也。哭介前腔。俺雖不比浣紗女。烈性兒也願學墜層樓。春燕子。白楊紅粉啼痕漬。敢則是一樣的傷情思。舊盟辭。天荒地老。不改擁爐時。貼嘆介小姐呵。便道申生今不別娶。倘你果有不幸。難道他當真休了不成。那時則飲恨于荒塚黃泉之下。他却追歡于瑤臺華席之中。悔也。悔不迭了。

痛煞

黃鶯學畫眉。看你冉冉氣如絲。似雨殘花風亂吹。東西飄泊應難止。你傷悲。自支他歡娛。怎知萬一果有不幸呵。泣介冷清清黃泉下。隻影誰憐爾。旦你不須過慮。痛咨我甘心一死。渾無二。怎做得浪蕙狂枝。貼小姐既然誓志不回。當初老爺改許帥家之時。何不明言。所以。旦嘆介我自那日。已只辦的一死。兒女恩情從此永休。俺爹爹自背前言。我雖言之。亦必不聽。况我與申生私遇此事。怎向爹跟前說的也呵。黃鶯穿皂袍。兒女兩情私。教我對爹行羞答答。說甚



的貼當初不說如今說也遲了小姐呵你如今死也  
死也應難悔且我如今也沒甚麼悔我有詩二首在  
手枕席之下倘我死後你替我寄與申生便是你的  
情了貼淚介小姐你只說箇死我看你數日來飲食  
俱絕向時顏色光彩都到那裡去了只剩得臉兒上  
兩行淚痕似淡淡胭脂身兒裡一腔瘦骨似稜稜冰  
玉煞是可憐人也飯兒半匙茶兒半卮連朝來幾曾  
得到你喉嚨底且嘆介紛紛淚點似風前雨絲悠悠  
弱魄似風前柳絲一任你杜鵑聲慘悽悽叫不的咽

介叫不的我離魂至悶絕介貼小姐小姐呀不好了  
老爺快來快來末上

黃鶯帶一封兩眼淚如漸聽傳呼女命危孩兒孩兒  
我連聲叫喚他渾無氣貼叫介小姐小姐合我聲聲  
痛悲你昏昏怎知末罷了罷了是我把你青春斷送  
應難悔看他蹙愁眉淚成灰兩眼睜睜兀怨誰貼小

活寫死態

姐連朝飲食不進以致悶絕把熱水灌下去或者還  
得甦醒灌旦旦醒介哎喲爹爹孩兒拜謝你了末兒  
快休說此話你自掙扎呵兒且嘆介罷了爹爹如今



女孩兒呵。

一字一淚  
一淚一血

山坡裏羊在我爹跟前做的全無終始死了去陪侍

娘罷則索向娘跟前長相看待貼小姐只要好起來

你意兒老爺俱依的你旦這也休題了飛紅我沒的

囑付你一來爹爹隻身獨影須好生看待二來不語

介貼小姐怎的不語了旦低介你則你則向人前再

休題起我生前事悶咽咽我心內辭只有天知和地

知我死了呵墓邊艸色千年紫化作春蚕口中亂絲

合淚泠泠血兒都洒向九嶷山翠竹枝虛飄飄靈兒

一句  
隱妙

早飛傍望夫山貞女祠末兒你果然得好我便回了

帥家罷旦嘆介爹爹你再休題帥家二字呵

前腔提起定婚書是我一道追魂紙提起帥家人是

我卽世裡冤家至休休休休再提起我心頭事越惹

得人來愁痛死死死死萬死終須死爭似今朝

蚤些告辭合淚泠泠血兒都洒向九嶷山翠竹枝虛

飄飄魂兒早飛傍望夫山貞女祠末你只掙扎你命

也兒旦爹扶我中堂去罷末扶你也兒貼同扶介

尾聲旦可正是汪汪的流盡了兩眼西風淚我心兒

烈性如鐵  
寫得淋漓  
烏咽



古云長歌  
之悲甚于  
痛哭他人  
不堪聞何

况僕哉

裡早已成灰。長嘆介死也呵。敢則還洒向陽臺去。作  
雨飛並下。未貼全哭上咳。可憐。可憐。小姐不幸死了  
也。一面差人去帥家報知。圓了他親事。一面差人到  
申家去說。咳。孩兒孩兒。則被你痛煞我也。  
未朱顏幼女喪黃泉。  
貼哭殺白頭人老年。  
合假使旁人聞說起。  
也應同是淚漣漣。

第四十八齣雙逝

破齊陣。生愁容上。數葉芭蕉蕭瘦。房空帳冷。魂孤哀。  
雁天邊寒蛩艸際。幾陣暗風吹雨。黯黯殘燈。渾無燄。

垂死蕭蕭鬢影疎。夢中人到無。三十三天離恨高。  
我今更上一層霄。悠悠魂去無尋處。怕見殘燈助寂寥。  
我自與小姐相別回來。枕邊滴滴。盡是啼痕。袖上行  
行。無非淚血。他今親期已迫。未知生死如何。思想起  
來。便把青天作紙。峨眉山爲墨。瞿塘三峽當硯。水湘  
川上竹竿爲筆。怎寫的盡俺滿腔中愁恨也。

剔子帶芙蓉。驀地想當初。花前月。前同結歡娛。道是  
盡世今生。休教鳳散鸞孤。嗟吁。更幾遍離愁間阻。終  
博不得連枝雙樹。暮雲斷處。望蒼梧。雁聲淒咽。楚天



孤若小姐果然爲我而死、我少不得也相從了。  
普天樂。我和他、艤孤舟、江頭哭。哭的來、腸寸斷、傷情處。天昏慘、烟水模糊。江濤咽。驚走游魚。笑世間、那似我、衷腸苦。您、獨、揀的、紅顏向、冥塗。我、怎、還、忍、別、畫、眉、顰。記的、擁爐共語。誓、雙、雙、並、結、生、死、鸞、書。小生上。不、是、愁、魔、卽、病、魔。知、他、愁、病、兩、如、何。雖、然、病、爲、愁、偏、重、也、道、愁、因、病、愈、多。我、兄、弟、素、性、風、流、賦、情、俊、爽、數、年、之、內、往、來、舅、家、去、則、笑、逐、顏、開、歸、則、歡、隨、興、減。日、來、勢、更、加、劇。兀、坐、一、室、以、手、書、空、咄、咄、若、與、人、言、不、知

爲着何來、我今去看他病景、可怎麼了。  
見生痴坐不、理介。小生。兄、弟、你、怎、生、痴、坐、在、此。  
生驚起介。兄、弟、病、中、恍、惚、望、乞、休、罪。  
小生。

尾犯序。你獨坐自嗟吁、爲甚傷情、無意無緒、我猜着、你了、敢、則、是、蘇、小、當、年、撇、不、下、那、壁、油、香、車、休、誤、你、蘭、閣、上、早、則、名、高、繡、虎、怕、鴛、幃、裏、少、甚、身、偎、錦、玉、休、只、爲、迷、花、沾、艸、斷、送、了、美、身、軀。  
生嘆介。

前腔。欲語又躊躇、小生。不、索、躊、躇、直、說、我、知、道、我、或、當、爲、你、謀、之。  
生。有、個、人、兒、相、傾、相、慕。  
小生。是、那、個、生。



是那個金屋嬌姿。曾許與我同結鸞書。嘆呀。是則是  
今生沒福。是則是前生合註。無端的分開連理。兩下  
裏淚痕枯。淨院子上。世上可憐長別酒。人間最苦永  
休書。見生云我家小姐。不幸已亡。老爺有書在此。生  
驚介小姐亡了。天呵。兀的不痛殺人也。拆書看介呀。  
內有飛紅寄來小姐訣別詩二首。讀之胸懷千裂肝  
腸寸斷。天呵。我我申純早則死也。悶倒介小生扶  
介兄弟甦醒。生徐醒介天呵。小姐。你何薄命。一至于  
斯。

香柳娘想當初偶然想當初偶然。花間相遇。擁爐細  
把衷腸訴。你今朝死也。你今朝死也。魂向楚天隅。我  
夢中怎能睹。痛從此間阻。痛從此間阻。行雲徑迷斷。  
紅難續。小生兄弟且免悲傷。生

前腔。悵秦樓。悄然。悵秦樓。悄然。聽簫人去。月明誰伴。  
孤鸞舞。看詩詞。慘悽。看詩詞。慘悽。蘸綠古堂前。教我  
放聲向天哭。待重逢。路阻。待重逢。路阻。甘歸九泉和。  
伊一處。小生呀。兄弟。何出此不祥之語。却不道斷者  
不能復續。死者不能復生。況那嬌娘。義爲中表。兩次



言婚不遂百年之約、豈得過爾傷心、有乖大義、吾弟  
讀書知禮、萬宜自節、以保身軀、我去說與爹娘知道、  
打發院子圓去、兼遣往弔罷了、全淨下生咳哥哥你  
怎知我與嬌娘情深義重、百劫難休、他既爲我而死、  
我亦何容獨生、我今留詩與爹娘哥哥爲別、只索自  
縊、隨小姐于地下罷了、含淚題詩介實翁德邵如椿  
古蔡母年高與鶴齊、生育恩深俱未報、此身先死奈  
虞兮、再題介當年風雅藹雙鸞、儼共翱翔萬里天、今  
日雁行分散去、誰憐隻影叫蒼烟、擲筆悲介爹娘哥

哥、非是我不念深恩、忍得半路相拋、想古來義夫烈  
士、不惜殺身、以踐一諾、我昔與小姐有誓、生不同辰、  
死當同夕、今他既待我九泉之下、我便欲悔背前盟、  
諒老天也斷不相容了、小姐向時贈我一幅錦羅香  
帕、指望金蓮對、燕銀燭、高燒雙牽、繡幙之紅絲、共結  
錦裙之翠帶、不意今日將來自縊、做了追魂的牒子、  
索命的幡兒、天天好是可憐煞人也、縊介外老旦小

生全上見驚救介

江兒水嚇嚇得心驚怖、身篤速、則見他把香羅緊繫



喉嚨住我手脚忙忙都無措解下羅帕叫介孩兒孩  
兒小生兄弟兄弟令叫他不醒却教如何處生氣轉  
咬嚙介衆驀聽他喉嚨兒底氣斷也聲還續細喘吁  
吁討得箇絲絲生路孩兒快醒快醒生低介  
哭相思正待要急往相隨誰把我喚回泉路外老旦  
孩兒也爹娘在此你怎麼這等短見生嘆介爹娘在  
上聽見一言承繼宗祧大吾家門有哥哥在此也勾  
了孩兒不肖不能終侍膝下惟大人割不忍之愛休  
爲孩兒致有痛傷則孩兒死亦瞑目了悲介

二郎神聽兒語望爹娘免把孩兒顧慮哥哥呵他早  
已致足雲程萬里路鸞封豸誥定然光耀門閭似我  
不肖孩兒生的生的來都是虛半路間把雙親別去  
外老旦見休如此說則願你好自將息保全性命慰  
我白頭爹媽之望生要孩兒身好諒不能勾哥哥你  
覷雙親年老兄弟歿亡盡心侍養專靠你一人了好  
將覷兩白頭爹娘晚景桑榆小生兄弟怎如此痴見  
大丈夫志在四方豈甘死兒女子手中乎弟年少科  
高青雲足下何在區區眷戀一女子况世間美婦人



作者何不  
通之甚耶  
親恩固極  
怎麼就輕  
言死字豈  
不與愛從  
和出乎也  
不為節義

儘多你今為彼一人土負二親之望下殞六尺之軀  
竊為吾弟有所不取

前腔悲吁。你名高翰苑。蘭堂早住。少甚麼紅粉樓頭  
卿相女。容華似玉。雙雙同咏關雎。又何須故把青春  
輕送與。您覷着兩爹娘呵。年衰為汝淚雙枯。倘你真  
箇不保痛怨煞。這兩白頭爹娘。究竟何如。外哥哥說  
的話。句句是正理。你快休痴也。兒老旦兒。你做了官。  
怕沒有好媳婦兒。却只為親事不就。斷送殘生。可不  
真箇短見也。兒生二親之言。孩兒亦豈不曉。但事已

到此。兒即欲自主。也不能勾。只望爹娘休的為死傷  
生。罔極之恩。待孩兒再世來相報罷了。

二鶯兒難語。我身軀在此。我魂靈早去。想當日呵。有  
的是死死生生。月下書。神明鑒取。應難負。哭介爹娘

哥哥。我都顧不得你了。我一行行淚枯。我一絲絲氣  
無。不如早些兒死去也。同歸一所。外老旦再休這般  
說也。兒生張目介強捱取。一晌的時光也。反添着嗟  
噓。閉目昏介。外老旦哭介。兒兒。兀的不痛殺我也。

二賢賓聽他語。搵不住我幾千行淚雨。我兩人年老



牡丹亭關  
無此酣

定道是你來送我也知道父子白頭難久居却誰知  
你青春早送反教鳳泣鸞雛老旦哭罵介這都是阿  
舅的不是他兩番價違背親盟自自斷送了香閨幼  
女又把別人家的孩兒辜負合真痛楚問天天怎挖  
却我心頭肉小生扶生介兄弟掙挫着不爭你死了  
呵老爹娘在此你怎放的去也

前腔忙偎取他額角上冷淋傾汗兒流似雨軟軟攤  
攤扶不起他憔悴軀看雙眉緊蹙絲絲氣也全無都  
只爲金閨幼姝乾斷送了玉堂人物合真痛楚問天

天怎挖却我心頭肉全放聲哭呼介生掙醒衆扶介  
生爹娘哥哥啼哭也在然我今再不能重生了  
尾聲今生無分重完聚我一靈兒早飛向瑤臺高處  
居嘆介在活了這二十四年也則當做人世三生一  
夢餘

人世生離最慘人  
況今死別更傷神  
寒塘淚滴生青艸  
千古班班血未涇

第四十九齣合塚

上通會真  
記下壓壯

貼上巴水東流蜀山西峙悠悠千古無相見期嗚呼



丹亭一折  
芳隕一折  
夢逝并此  
而三不顧  
讀者淚濕  
青衫叩

痛哉。可傷人也。我想人家生女兒。與生兒子一般。總不如癡呆懵懂。可以無災無難。長生久壽。做一箇老爹奶奶。似俺小姐聰慧多情。顛倒爲此四字所誤。我飛紅自顧才貌。不下于人。寄身侍妾。不得配箇年少才郎。長自悶懷。如今看了小姐。倒也放下了許多。小姐遺我金釧翠朶。見了倍增傷感。到于小姐房內。斷書殘帛。零落左右。喜笑悲啼。音容如在。教我怎不悲酸也呵。老爺爲惜小姐。痛背前言。每日哭的老眼昏花。今日是小姐逢七之辰。我且到小姐靈位前叫喚。

他一聲兒呀。老爺又早哭上也。未哭上兩鬢蕭蕭白。髮疎人生一枕夢華胥。可憐眼底嬌兒女。化作春前啼鷓鴣。飛紅自你奶奶亡後。有小姐侍奉朝昏。我眼前還不甚慘悽。前將小姐許聘帥家。指望姐夫過門。半子承歡。老景有靠。不料小姐又早身逝。冷冷清清地。覷着半張靈位。教我怎不痛傷也呵。

北新水令。慘可可哭的我眼兒昏。爲嬌兒斷腸千寸。再覷不的膝前人。宛轉再聽不的堂上語。慇懃老景誰溫。思量起越更添愁悶。貼想起小姐真好傷心也。



南步步嬌。一夜秋風黃花損。又把我嬌滴滴小姐人。  
兒殞。覷粧臺生暗塵。走向靈幃把芳心試問小姐小。  
姐。你一星星耳朶兒。可曾聞。嘆介則見您蹙着眉兒。  
還似舒不展生前恨。末當初把小姐許聘帥家。非有  
他意。

北折桂令。俺則爲小孩兒。尚未成人。許聘豪家。共結  
煙親。非圖他白璧黃金。則待倚依半子。樹立家門。不  
道老天呵。把我這掌上珠。輕拋摘損。心頭肉。硬剜離。  
分說起傷神。想起銷魂。兒呵。雖則你赴黃泉有母堪。

投兀的不念你爹呵。悲白髮有命難存。貼小姐。你裏  
腸別人不知。則我飛紅。可件件知道呵。

南江兒水。姐姐你。說不出。心中事。捱不過。病裡身長。  
則見你對春花。漸淹淹暗把蛾眉損。臨皓月。冷清清。  
常將腰肢褪。不道你上青山。生刺刺。立把身軀殞。提。  
起淚珠雙掬。便做道。倩女魂離。怎得個重生時分。淨  
上奔走途間。苦更苦。帶得書來。愁又愁。見介稟老爺。

院子把小姐仆音。報與東相公知道。東相公聽知。步  
姐身喪。懸梁自縊。末怎麼說。東相公懸梁自縊了。淨



幸得家人見了、救他甦醒、貼救醒了、還好、淨雖是家人救醒、絕食二日、也竟身亡了。末貼驚介、怎麼申相公也亡了。哭介淨姊爹有書回報、埋怨老爺、兩違婚約、以至于此。末看書介、這委也怪他埋怨不得、申生呵、

此雁兒落帶得勝令、想着你美文末年少人、却早升月殿鵬程奮。指望畫麒麟把名姓揚。不道貪鴛侶將身軀殉。我孩兒與他呵、兩下正青春、才貌兒恰相勻。不得卽世裡諧秦晉。則待向來生結契姻。酸辛。他死

也一句句含愁慍。聲吞。便做似鐵石人也一行行珠

淚頻。

貼哭介、想他兩箇真一樣可憐人也。末怒介、哎、

飛紅、我想小姐申生、兩下身亡、皆汝所爲、我前問汝、汝何不實以告我、稔成事變、以致于此、你今日兀自還哭他怎的。貼伏地請罪介、這的委是飛紅之罪、但飛紅心上、指望老爺曲遂姻盟、庶幾此事不致張揚、誰料到底、稔成此變、白白送了他兩人性命也。他兩人呵、

南僥僥令、一箇懷揣着薄命的相、如青瑣恨、一箇變



做了多情的倩女綠牕魂。兩下裡抱却那無窮的干  
般恨。如今死也做不得兩成雙連理根。兩成雙連理  
根。末嘆介當初兩違親議。亦老夫之過。如今悔也悔  
不迭了。

北收江南。呀。早知道是這般生拆開。恨不的早與結  
姻親。比如今嬌鸞雛鳳兩離分。雙雙化做杜鵑魂。哭  
哭得我聲乾氣盡。想他黃泉下料應埋怨殺俺白頭  
人。貼看來他兩人身喪。不是老爺之過。也不是飛紅  
之罪。皆屬老天之定數。今去已不能復追。死已不能

復生。老爺年老。省可愁煩了。

南園林好。免爲他感勞夢魂。免爲他悲傷淚滾。大古  
來相諧眷姻。都則有命兒存。生和死且休論。末我想  
申生丰儀如許。才學又如許。怪不得女兒家愛他。今  
生前之願。既已違之。當與他結一死後之緣罷。貼怎  
生結死後之緣。末我今着院子把小姐靈柩送到申  
家合葬。死者有知。定也快然于泉下了。貼這箇恰好。  
淨院子就送小姐靈柩去。末懸柩介。兒你靈魂兒可  
聽我言語麼。



北沽美酒帶太平令。想生前緣分屯。諒死後兩情殷。您如今高塚鴛鴦成比隣。靈魂兒兀自忻。鬼窟裡做。夫妻永相親。倒博得個天長地久。見有您靈柩在此。還似見您一般。您今靈柩又去了。單剩得我冷冷清清。無女孤身兀的有誰。做誰問枉拋殘白頭霜鬢。哭介。我如今哭的來心昏眼昏。指望你做門楣。將我靈車相遶呀。又誰知你少年人倒先着我老年人殞。爭跪介。小姐雖則死亡。老爺膝下還有小舍人在此。倘遇自哀傷。致妨貴體。偌大家筵。託之于誰。從來說女大

不中留。小姐若在。將亦於歸別室。怎能長住跟前。今一旦仙升。逍遙蓬萊閬苑之間。與出室何異。望老爺保全貴體。萬勿以死傷生。貼院子說的好話。况小姐申生荷老爺之命。並塚合葬。兩人早則喜也。

南尾記的他星前月底情相印。道則是卽世來生不忍分。今日呵。果做了箇盆塚鴛鴦。可也在泉下穩。

末生願不諧死願諧。

淨天公暗裡自差排。

貼可憐青塚年年月。

合長照棠梨墓頂開。

第五十齣仙圓



淚山血海  
到此滴滴  
歸源昔人  
謂詩人善  
怨此書真  
古今一部  
怨諧也

糖多令 生旦仙粧上花落水空流。天台古渡頭。憶真  
情。生死相投。鏡約釵盟。今始就。携手向碧雲遊。  
絲晴片雨情牽。旦結得韋家隔世緣。生幾點。荊花墳。  
上。土旦半開半落。已經年。生姐姐。我和你自花前相  
見。即訂姻盟。中間幾遭間阻。抱怨而終。今生志不遂。  
死願重諧。蒙你爹爹將兩人靈柩。並葬濯錦江邊。朝  
暮相隨。地下之樂。不減人間。今且到舊時遊聚之處。  
隨喜一會。看風景何如也。

二犯傷粧臺。傷粧樓。這瘦花枝。還照小牕幽滿前的。

清真歌  
彷彿表  
歸來時也

景物俱如舊。旦那雙飛的。可是去年春燕也。聽雙雙  
燕語去時愁。生想昔時千愁萬怨。今日纔休也。三生  
夢中成愛偶。把昔日情懷。今日勾合。秦臺雲冷。風光  
水流。好則是天長地永。做綢繆。旦想我和你此地歡  
遊。也非一日呵。

前腔。美情投。貼上數年週。嘆介不料中遭間阻。一朝  
的紫簫聲斷。鳳凰樓。生如今也休題了。緣簿上諧鴛  
偶。都是些舊根絲。今朝死也符密呪。可正是一點真  
情無盡頭。旦我今到此。俺爹爹和飛紅。可知道麼。悲



介死生分阻、幽明路殊、合圓思前事、千休萬休也。當  
做從來女大不中留。坐介貼上春風寂靜、冷紗隱物  
是人非痛感傷。紫燕飛來華屋裏、舊巢猶剩粉泥香。  
俺自小姐亡後、獨居無伴、好是慘悽。今乃清明寒食  
之辰、記的往時與小姐同上粧樓、盼望陌頭柳色、今  
楊柳依依如故、小姐人兒何在也。上樓見生旦驚倒  
介呀、小姐和申郎怎的都在此。旦飛紅你不須驚怕、  
我二人自辭人世、卽歸仙道、朝暮追隨、樂勝人間。此  
身雖死、可以無恨、惟是親恩未報、弟年尚幼、一家之

事、賴汝支持、善事家君、無以我爲念。墳邊祭掃、汝若  
能來、又當相會也。貼痴坐介生旦我們題詩壁上、以  
爲影驗。題介仝閃下貼痴醒介呀、世間怎有這等怪  
事、他兩箇形像如生、語言歷歷、難道我醒中做夢來。  
小姐明說墳邊相見、不免請了老爺、同到墳上走一  
遭。老爺快有請。末上

玉女步瑞雲、雨細風柔恰又是清明候、傷痛煞白頭  
老叟飛紅、今日清明節界、待整備祭物、到小姐墳上  
去、你大驚小怪怎的。貼適纔飛紅到樓上、見小姐和



申生兩箇笑語如生、分付飛紅于墳上拜掃相會、不信世間有這等怪事。末那有此話、我同你到房裡去看。至房介小姐申生何在、看介呀、壁上有字在此、讀介蓮閨愛絕、長向碧瑤深處歇、華表歸來、風物依然、人事非、月光如水、偏照鴛鴦新塚裡、黃鶴催班、此去何時得再還。悲介孩兒、你精靈果然在此、怎不出來與你爹相見也。貼怪哩、字跡半濃半淡、皆已減去、小姐適云已歸仙道、想他真箇做仙了、小姐約墳上相見、老爺便可即行。末正是、正是、且將人鬼三分話、認

作幽明一片心。下外老旦小生從人上

菊花新、外老旦倚閭、盼斷錦江頭、青鳥音沉隴、樹秋小生思起、淚難收、荒墳畔、枉澆餘醢。外今此清明節、屈亡過孩兒、與王氏嬌娘、同葬濯錦江邊、不免去墳上澆奠一番、孩兒、你舅舅約在今日、同來墳邊祭掃、怎麼還未見到。小生那前面有一簇人來了。末貼從人上、見介末生離死別、苦相尋、外老旦今日相逢愁更深、小生貼彼此各懷無限恨、合隴頭松栢起悲音、末老夫兩違親、議致賢甥與我孩兒、並有參商、今日



相見不特負恨于死者、抑且有愧于生人、外老旦此  
實兩家孩兒薄命所致、今死得成雙、已荷大恩了、未  
看此白楊荒塚、纍纍傷心、他兩人年正青春、何乃置  
身此列、好傷心也、衆全悲介  
駐馬聽、滿眼松楸、狐兔紛紛走古坵、今日箇清明寒  
食、玉壘城邊、濯錦江頭、雲山淡淡、水悠悠、陰風幾陣、  
悲聲吼、澆酒介、涕泗交流、空教滴盡盃中酒、外孩兒  
媳婦兒、你兩人少年死亡、可念你爹娘俱已年邁、指  
望你到墳前澆奠、怎倒使做爹娘的來澆奠你呵、

各人連他  
口氣一字  
不濫用近  
日作文正  
苦不知此  
法

前腔一命歸幽、撇下高堂人白頭、你只念恩情難阻、  
誓結鴛鴦、金下秦樓、不念你兩家的爹娘呵、膝前兒  
女兩都休、一雙老景多僝僽、合哭倒荒坵、你墓中有  
耳曾聞否、末孩兒賢婿、你今死後了、了爲神、想着你  
爹娘呵、

前腔老景誰睺、苦痛聲聲哭怎休、想着你一雙金美、  
真乃是翰苑豪英、仕女班頭、今日箇文章紅粉、墓荒  
坵、命兒落在他人後、合則願你死結鴛鴦、雙雙同赴  
蓬萊岫、老旦孩兒媳婦兒、



前腔你少掩荒坵。反教哭煞您高堂人白頭。昨夜夢見我孩兒媳婦兒雙雙同在我的跟前醒來還是南柯一夢想。前宵夢裡兩兩歸來笑語相逐。醒來欲見影難求。則那月光一點紗窗透。生前不得完婚。今死葬于此也枉然了。**合**死結鸞儔。一場夫婦空遙受。小生兄弟我和你名齊藝苑。誼重荆枝。及今聯翩得第。指望同你致身榮顯。光耀門閭。豈知你不念白髮之老親。甘殉紅顏之幼女。雙雙命掩黃泉。使兩姓爹娘哭倒十墓下。好是傷情也。

前腔你名壓時流。往賦天邊白玉樓。空教我失羣鴻雁和着衰老椿萱哭向墳頭。杜鵑聲斷不勝愁。道的箇繡雲黃土把朱顏覆。**合**怨恨難休。月明華表歸來否。**貼**想俺小姐和申官人初會。卽以死相期。今日果如所云。此心也不枉了。你前約我墳上相見。怎生如今形跡杳然了呵。

前腔當日風流。一點情牽兩意投。生時拆散死願成雙。跨鳳同遊。虎溪明月照雙坵。果然符却花前呪。**合**可正是織女牽牛。你敢則朝朝暮暮去陽臺右。見鴛



空山寂歷  
哀猿獨吊

鴛鴦呀這一對鴛鴦飛翔上下自初時到今捕之不得逐之不去活是小娘和申官人相親相依的景象這敢是兩人精魂所化也（衆）真箇詫異哩

催拍兩鴛鴦雙飛隴頭似啼鵲哀鳴樹頭觀山空水幽觀山空水幽白雲天際千載悠悠一點衷情甚日還休嘆纍纍滿目荒坵回首處涕交流

前腔樹連枝花開金頭鳥比翼如魚共游想精靈怎休想精靈怎休暑來寒往幾度春秋野艸開花遍地生愁嘆纍纍滿目荒坵回首處涕交流（貼）呀如今一

鴛忽然不見了這分明是兩人精靈出現（前）

死後即歸仙道以此看來果不虛了正是世間只有心難化地上無如情久長（合）

一撮棹天長久似一川水東流巫山上何日暮雲收

湘江岸甚時淚痕休古今月昏夜照松楸笑前和後只有恩情最難朽君不見鴛鴦塚千載錦江頭

生死榮枯轉眼同白楊日夕起悲風

年華有盡情無盡何必人生非夢中

衆下生旦上前約飛紅到墓前相會今日兩家父母

此結局  
一本主  
急喚醒一  
世痴呆



以下原闕

市君引仙從上浮



獻書人吳

良士

捐贈



獻書人吳

捐贈